


Directorate of Distance Education

UNIVERSITY OF JAMMU

JAMMU



Study Material

FOR

M.A. DOGRI (SEMESTER - I)

COURSE NO. 103

UNIT 1-5

DOGRI VYAKARAN TE LIPIYAN

LESSON 1-15

In case of any Query :

Dr. Jatinder Singh

Teacher Incharge M.A. Dogri

(M) : 9596888080

<http://www.distanceeducationju.in>

***Printed and Published on behalf of the Directorate of Distance Education,
University of Jammu, Jammu by the Director, DDE, University of Jammu,
JAMMU-180 006***

M.A. Dogri (Semester - I)

DOGRIVYAKARANTE LIPIYAN

COURSE CONTRIBUTOR :

- **Prof. Veena Gupta** **Lesson : 1 to 15**
Retd. Professor
Deptt. of Dogri
University of Jammu

CONTENT EDITING / PROOF READING :

- **Dr. Manoj Heer**
Teacher Incharge M.A. Dogri
DDE, University of Jammu.

© Directorate of Distance Education, University of Jammu, Jammu, 2022

- All rights reserved. No part of this work may be reproduced in any form, by mimeograph or any other means, without permission in writing from the DDE, University of Jammu.
- The script writer shall be responsible for the lesson/script submitted to the DDE and any plagiarism shall be his/her entire responsibility.

Printed by : Sushil Printers / 2022/300

UNIVERSITY OF JAMMU
Syllabus for M.A. Dogri Semester – 1st
(Non-Choice Based Credit System)

**(Syllabus for the examinations to be held in December 2019,
December 2020 & December 2021)**

Course No.: DOG103

Title: Dogri Vyakaran Te Lipian

Duration : 03 hours
Credits : 6

Maximum Marks : 100
a) Semester Examination : 80
b) Sessional Assessment : 20

सलेबस दी बंड

यूनिट— 1

डोगरी संज्ञा ते सर्वनाम— परिभाषा, भेद ते लिंग, वचन, कारक दे आधार
उप्पर संज्ञा ते सर्वनाम दा रूपायन ।

- | | | |
|-----|----------------------------|----|
| (a) | Long Answer Type Question | 12 |
| (b) | Short Answer Type Question | 04 |

यूनिट—2

डोगरी विशेषण — परिभाषा, भेद ते लिंग, वचन, कारक दे आधार उप्पर रूपायन

- | | | |
|-----|----------------------------|----|
| (a) | Long Answer Type Question | 12 |
| (b) | Short Answer Type Question | 04 |

यूनिट—3

डोगरी क्रिया — परिभाषा, प्रकार, वाच्य ते काल, अर्थ, पुरश, लिंग ते वचन दे आधार उप्पर
रूपायन ।

- | | | |
|-----|----------------------------|----|
| (a) | Long Answer Type Question | 12 |
| (b) | Short Answer Type Question | 04 |

यूनिट—4

डोगरी क्रिया विशेषण, सम्बन्ध बोधक अव्यय, समुच्चय बोधक अव्यय,
विस्मयबोधक अव्यय

- | | | |
|-----|----------------------------|----|
| (a) | Long Answer Type Question | 12 |
| (b) | Short Answer Type Question | 04 |

UNIVERSITY OF JAMMU
Syllabus for M.A. Dogri Semester – 1st
(Non-Choice Based Credit System)

**(Syllabus for the examinations to be held in December 2019,
December 2020 & December 2021)**

Course No.: DOG103

Title: Dogri Vyakaran Te Lipian

यूनिट-5

- | | | |
|-----|---|----|
| (अ) | डोगरी भाषा दा रम्भ ते विकास
डोगरी लिपि दा रम्भ, विकास ते ह्रास | |
| (ब) | डोगरी भाषा दा लिपियें च प्रयोग : फारसी ते नमें डोगरे अक्खर | |
| (a) | Long Answer Type Question | 12 |
| (b) | Short Answer Type Question | 04 |

NOTE FOR PAPER SETTING:

There will one question from each unit (containing a&b part) with 100% internal choice and the candidates will be required to answer all the questions (total questions to be attempted will be five).

सहायक पुस्तकां:

1. डोगरी व्याकरण : डॉ. वीणा गुप्ता, जे. एंड के. अकैडमी ऑफ आर्ट, कल्चर एंड लैंग्वेजिज़, जम्मू
2. डोगरी भाषा और व्याकरण : बंसी लाल गुप्ता, जे. एंड के. अकैडमी ऑफ आर्ट, कल्चर एंड लैंग्वेजिज़, जम्मू
3. भाषा विज्ञान ते डोगरी : डोगरी रिसर्च सेंटर, जम्मू यूनिवर्सिटी, जम्मू
4. शीराजा डोगरी : भाषा अंक – जे. एंड के. अकैडमी ऑफ आर्ट, कल्चर एंड लैंग्वेजिज़, जम्मू
5. डोगरी व्याकरण – यशपाल शर्मा 'निर्मल', प्रकाशक – डोगरी कला मंच, ज्यौड़ियां, अखनूर – जम्मू-181202
6. डोगरी भाषा ते व्याकरण-इक तिहासक परचोल, अरुणिमा प्रकाशन, उधमपुर

UNIVERSITY OF JAMMU

Course No. 103

M.A. Dogri

Semester - I

विशे-सूची

सफा न०

यूनिट - 1	डोगरी संज्ञा - परिभाषा, भेद ते लिंग, वचन, कारक दे आधार उपर संज्ञा दा रूपायन। (पाठ सं० 1-3)	4-37
यूनिट - 2	सर्वनाम - परिभाषा, भेद ते लिंग, वचन, कारक दे आधार उपर संज्ञा ते सर्वनामों दा रूपायन। (पाठ सं० 4-5)	38-51
यूनिट - 3	डोगरी विशेषण ते डोगरी क्रिया ते उंदे च रूपायन। (पाठ सं० 6-9)	52-95
यूनिट - 4	डोगरी क्रिया विशेषण, सम्बन्ध बोधक, समुच्चय बोधक, विस्मय बोधक अव्यय। (पाठ सं० 10-12)	96-122
यूनिट - 5	डोगरी भाषा ते लिपि दा रम्भ ते विकास ते डोगरी भाषा च इंदो प्रयोग। (पाठ सं० 13-15)	123-151

MASTERS DEGREE PROGRAMME

C. NO. 103

UNIT – 1

SEMESTER - I

LESSON - 1

संज्ञा दी परिभाषा ते भेद

- 1.0 रूपरेखा
- 1.1 उद्देश्य
- 1.2 पाठ-परिचे
- 1.3 पाठ-प्रक्रिया
- 1.4 सारांश
- 1.5 कठिन शब्द
- 1.6 अभ्यास आस्तै सोआल
- 1.7 सहायक पुस्तकां

1.1 उद्देश्य

इस पाठ गी पढ़ियै विद्यार्थियों गी संज्ञा दी परिभाषा ते उसदे भेदें बारै तफसीली जानकारी हासल होई सकग। संज्ञा दे अर्थ दे कन्नै-कन्नै बक्ख-बक्ख भेदें पदार्थवाचक ते भाववाचक संज्ञाएं बारै सरोखड़ जानकारी विद्यार्थियों गी हासल होग।

1.2 पाठ-परिचे

इस पाठ गी पढ़ियै विद्यार्थी संज्ञा दी परिभाषा ते संज्ञा दे भेदें बारै सरोखड़ जानकारी हासल करी सकङन।

परिचे

भाषा जेकर विचार-अभिव्यक्ति यानि संप्रेशन दा मुख्य साधन ऐ तां वाक्य

विचार-अभिव्यक्ति दी द्रिष्टी कन्नै भाशा दी सभनें थमां लौहकी पर व्याकरणिक द्रिष्टी कन्नै पूर्ण ते म्हत्तवपूर्ण इकाई ऐ । ते जित्थूं तगर वाक्य-दे अंगें दा सम्बंध ऐ इसदे दो मुख्य अंग होंदे न : उद्देश्य ते विधेय । दौनें चा इक अंग दी बी गैरहाजरी च नां ते वाक्य सम्पूर्ण होंदा ऐ ते नां गै अर्थ-अभिव्यक्ति होई सकदी ऐ । ‘रमा आई’ वाक्य च ‘रमा’ उद्देश्य ऐ ते ‘आई’ विधेय । इस च छड़ा ‘रमा’ शब्द बोलने कन्नै श्रोता तगर कोई अर्थ सम्प्रेषत नेई होआ करदा ते छड़ा ‘आई’ आखने कन्नै बी पिड़-पल्लै किश नेई पौंदा । इस लेई उद्देश्य ते विधेय एह दो अंग वाक्य-रचना आस्तै निहायत जरूरी होंदे न । जित्थूं तगर उद्देश्य-रचना दा प्रश्न ऐ इसदी रचना च कर्ता ते कर्ता सरबन्धी इकाइयें दा योगदान होंदा ऐ ते कर्ता दी रचना संज्ञा, सर्वनाम ते विशेषण आदि शब्दें कन्नै होंदी ऐ । विधेय- रचना च क्रिया ते क्रिया सूचक इकाइयें दा योगदान होंदा ऐ, जिं’दे च मुख्य तौरा पर क्रिया (धातु) जरूरी होंदी ऐ पर कन्नै गै क्रिया-विशेषण अव्यय आदि बी अपना-अपना योगदान रखदे न ।

1.3 पाठ-प्रक्रिया

(क) संज्ञा दी परिभाषा

(ख) संज्ञा दे भेद

(i) पदार्थवाचक (चीजें-बस्तें दे नाएं दा सूचक शब्द)

(ii) भाववाचक (भावें दे नाएं दा सूचक शब्द)

संज्ञा दी परिभाषा

संज्ञा उस शब्द गी आखदे न जिस थमां (परतक्ख ते अपरतक्ख वजूद दियें) चीजें-बस्तें (इत्थें चीज शब्द दा अर्थ खास ते आम प्राणि, खास ते आम चीज, खास ते आम थाहर आदि ऐ) जां फही भाव-जगत दे कुसै नांऽ दा पता चलै । जि’यां :- तवी, मोर, परमात्मा, सच्चाई, न्यांऽ, पूजा आदि ।

संज्ञा दे भेद

संज्ञा दे मुटटे तौरा पर द’ऊं भेद कीते जंदे न ।

1. पदार्थवाचक (चीजें-बस्तें दे नाएं दा सूचक शब्द) ते

2. भाववाचक (भावें दे नाएं दा सूचक शब्द)

1. पदार्थवाचक संज्ञा

जिस संज्ञा थमां कुसै पदार्थ जां पदार्थे दे समूह दा पता लगदा ऐ उसगी पदार्थवाचक संज्ञा आखदे न । जि'यां :- महात्मा गांधी, गीता, त'वी, घोड़ा, नाना, पपीता, खण्ड, आटा, जान्नी, जलूस बगैरा । पदार्थवाचक संज्ञा दे बी दौं भेद होंदे न : व्यक्ति (खास चीज बगैरा दा) वाचक ते जाति (आम चीजें बगैरा दा) वाचक ।

(अ) **व्यक्ति वाचक संज्ञा** — जिस शब्द राहें कुसै इक्कै चीज जां चीजें दे कुसै इक खास समूह दी जानकारी मिलै उसगी 'व्यक्तिवाचक संज्ञा' आखदे न । मसाल दे तौरा पर :- लाल बहादुर शास्त्री, महात्मा बुद्ध, श्रीमती इन्दिरा गांधी, गुरु ग्रंथ साहब, चन्हां, म्हाला पर्वत, सुद्धमहादेव, वैष्णोदेवी, डोगरी संस्था, हिन्दी साहित्य मण्डल बगैरा ।

इस परिभाषा मुजब उप्पर बखानी गेदियें इ'नें संज्ञाएं च जित्थै खास व्यक्तियें दे नांऽ न, उत्थै खास थाहरें खास नदी ते दरेआएं, खास पुस्तकें दे इलावा डोगरी संस्था ते हिन्दी साहित्य-मंडल आदि चीजें (व्यक्तियें) दे खास समूहें दा बी वर्णन ऐ । एह सब नांऽ (संज्ञा) पूरे संसार च इक्कै-इक चीजें दे वाचक न । इ'नें नांएं कन्नै इन्दियें गै वाचक वस्तुएं दा जिकर कीता जंदा ऐ । कुसै होर दूई चीज लेई इन्दी बरतून नेई होई सकदी ।

मुख्य गल्ल ते एह जे एह नांऽ अक्सर अर्थहीनं गै होंदे न, की जे, तवी आखनै कन्नै इक नदी दा गै ज्ञान होंदा ऐ; इस नांऽ दी चीजा दा कोई बी धर्म, इस शब्द थमां झलकदा नेई । एह संज्ञा कुसै इंसान जां कुसै चीज आदि दी पन्खन जां सूचना मातर लेई सिर्फ इक संकेत ऐ ।

(आ) **जातिवाचक संज्ञा** — जिस शब्द थमां कुसै जाति दे पूरे पदार्थे (चीजें) जां उ'ंदे समूहें दी जानकारी थोऐ उसगी 'जातिवाचक संज्ञा' आखदे न । जि'यां :- हाथी, घोड़ा, फाड़, दरेआ, माली, राजा, सपाही, जान्नी, सभा, किट्ठ, चौणा बगैरा । की जे 'हाथी' शब्द आखने कन्नै पूरी हाथी जाति दा अहसास होन लगदा ऐ ते इ'यां गै 'फाड़' शब्द कन्नै सभनें फाड़ें दा चेता आई जंदा ऐ । जान्नी शब्द कुसै खास जान्नी दा वाचक नेई होइयै हर कुसै नेह समूह दा बोध करांदा ऐ जेहड़ा मुड़े आहलें दे घरा कुड़ी आहलें दे घर अपना जागत ब्याहन जंदा ऐ ।

व्यक्तिवाचक संज्ञाएं दे उल्ट जातिवाचक संज्ञां अर्थवान होंदियां न की जे 'घोड़ा' शब्द आखगे तां असेंगी झट उस जानवर दा चेता उठी औग जेहड़ा च'उं ल'तें

आह्ला, लम्मी पूछल आह्ला, भूरे जां नसवारी रंगै दा होंदा ऐ ते आम तौरा पर भार ढोने दा कम्म करदा ऐ। ‘दरेआ’ आखगे ते इकदम इंहगे ते तेज प्रवाह च बगदे पानी दे स्त्रोतें दा ध्यान आई जंदा ऐ, इस करी जातिवाचक संज्ञा कन्नै उस नांऽ दी वस्तु दे धर्म दा ज्ञान बी होंदा ऐ ।

2. भाववाचक संज्ञा

जिस शब्द कन्नै पदार्थ च पाए जाने आहले कुसै धर्म दी जां भाव दी जानकारी होंदी ऐ उसी ‘भाववाचक संज्ञा’ आखदे न । जि’यां :- हिरख, शलैपा, नफरत, उद्दम, हौंसला, आक्कड़, ठेकर, धोखा, दुक्ख, ठण्ड, गर्मी बगैरा ।

जिस चाल्ली जातिवाचक संज्ञा अर्थवान होंदियां न उ’आं गै भाववाचक संज्ञाएं थमां बी कुसै नां धर्म जां भाव दा ज्ञान होंदा ऐ । हिरख इक भाव ऐ ते ठण्ड इक धर्म ऐ, जेहड़ा बर्फ, पानी बगैरा कन्नै सरबन्धत ऐ। व्यक्तिवाचक संज्ञाएं आंगूं भाववाचक संज्ञा कुसै इक्कै खास भाव जां धर्म दा गै बोध करांदियां न की जे शलैपा आखने पर सुन्दरता दा भाव गै मनै च औंदा ऐ । बुड्ढे होने जां काले, गोरे होने दा नेई ।

भाव शब्द दा प्रयोग इ’नें अर्थ दे संदर्भ च होंदा ऐ :-

(क) **गुण-धर्म दे अर्थ च :-** मठास, हौंसला, उद्दम, गुस्सा, नफरत, बैर, दया, बगैरा शब्दें च ।

(ख) **कुसै स्थिति दे अर्थ च :-** खमारी, नमोशी, हुप्फ, गरीबी, मीरी, सफाई, कमजोरी, आदि शब्दें च ।

(ग) **कम्म काज दे अर्थ च :-** दौड़, नस्स-भज्ज, तोल, लैन-देन, चढ़ाई, दिक्खो-दिक्खी, आओ-जाई बगैरा च ।

भाववाचक संज्ञाएं दे भेद

भाववाचक संज्ञा बी द’ऊं चाल्ली दियां होंदियां न :-

मौलक भाववाचक संज्ञा ते **यौगक** (संरचित) भाववाचक संज्ञा ।

मौलक संज्ञा मूल रूपा च गै भाववाचक नांऽ होंदे न । जि’यां :- रोह, गिला, हिरख, लालच, भुक्ख, त्रेह, पाप, पुन्न, दान, धर्म, पर्हेज आदि । यौगक संज्ञां अक्सर संज्ञा, सर्वनाम, विशेषण, क्रिया आदि दुए शब्द-भेदें कन्नै प्रत्यय लगिगयै

बनदियां न । जि'यां :-

(क) जातिवाचक संज्ञाएं थमां — नौकरी, कारीगिरी, सदागरी, बचपुना, मित्तरी, दोस्ती, दुश्मनी, फकीरी, परोहतेआई आदि ।

(ख) सर्वनामों थमां — मेर-तेर, अपनापन, मैं-मैं, तूं-तूं आदि ।

(ग) विशेषणों थमां — शलैपा, बढ़ेपा, खुशी, गर्मी, सरदी, नरमी, तंगी, कालख, सैलतन, मटेआई, बड़ेआई आदि ।

(घ) क्रियाएं थमां — हासा, रोसा, चढ़ावा, चढ़तल, रोन-बान, खान-पीन, नरस-भज्ज, डरावा, छलावा, भलेखा, सजौट, मेल, जोड़, बगैरा ।

जातिवाचक संज्ञाएं च गै संज्ञा दे दो भेद होर औंदे न :-

समूहवाचक (समुदाय वाचक) ते द्रव्य (द्रव्य) वाचक ।

(अ) समूहवाचक संज्ञा — ओह शब्द जि'दे थमां पदार्थ (व्यक्तियें वस्तुएं) दे समूहें दा ज्ञान होंदा ऐ उ'नेंगी समूहवाचक संज्ञा गलाया जंदा ऐ । जि'यां :- भीड़, सभा, मीटिंग, बैठक, जलसा, जलूस, गुच्छ, घूंगा, थ'ब्बी, भार (लकड़ियें दा), भरोटू (लौहका भार), पचैत, जान्नी, चौणा, ऐगड़, नड़ोआ आदि ।

(आ) द्रव्यवाचक संज्ञा — इ'ब्बी इक चाल्ली दी जातिवाचक संज्ञा होंदी ऐ । की जे ड'दा बी कोई इक नांऽ लैने कन्नै उस नांऽ दे पदार्थ दी पूरी जाति दी जानकारी होंदी ऐ । टकोहदी गल्ल एह ऐ जे द्रव्य दे बक्ख-बक्ख टोटे जां गिनतरी नेई कीती जाई सकदी । सुन्ना, सुन्ना गै ते चांदी, चांदी । भाएं कनेह बी की नेई होन जां किन्ने घट्ट जां मते की नेई होन । इस करी इ'नेंगी साधारण जातिवाचक संज्ञाएं थमां बक्खरी जमातें च रक्खेआ गेआ ऐ ।

केई बारी व्यक्तिवाचक संज्ञाएं दा लाक्षणक प्रयोग कीता जंदा ऐ, जिसकरी ओह व्यक्तिवाचक दे अर्थ च नेई रेहियै जातिवाचक संज्ञा दे अर्थ च बरतोन लगदियां न । जि'यां :-

संस्कृत साहित्य च इक्कै कालिदास होआ पर बंगला साहित्य च केई कालिदास होए ।

मुल्खा गी सुतैन्तरता दोआने आस्तै केइयें भगतसिंहें अपनी जिंदू दे बलिदान दित्ते ।

इस चाल्ली संज्ञा दे मुख्य दो भेद होंदे न : पदार्थवाचक ते भाववाचक। पदार्थवाचक दे बी दो भेद होंदे न : व्यक्तिवाचक ते जातिवाचक। जातिवाचक संज्ञाएं दा जगत खासा विस्तृत ऐ जिं'दे च विशेष सुआतम आहले पदार्थ जि'यां द्रव्यवाचक (यानि तोलने ते जोखने) ते फही पदार्थ दे गै समूह जिं'दा भाशा च विशेष नांऽ होंदा ऐ जातिवाचक संज्ञा गी गै समशब्द करदे न। संज्ञा दा दूआ मुख्य भेद भाववाचक संज्ञा ऐ इस च बी भावें, गुणें बगैरा दा खास विस्तार ऐ।

1.4 सारांश

इस पाठ गी पढ़ियै विद्यार्थियें गी संज्ञा दी परिभाषा ते उसदे भेदें-उपभेदें बारै सरोखड़ जानकारी कराना ऐ। इस लैसन च संज्ञा दे भेदें गी मुट्ठे तौरा पर द'ऊं भेदें च बंडेआ गेदा ऐ। फही उ'नें भेदें दे होर अगुँ भेद कीते गेदे न ते उंदी जानकारी बी विद्यार्थी इस ध्याऽ च हासल करी सकड'न। पदार्थवाचक संज्ञा च व्यक्तिवाचक ते जातिवाचक संज्ञाएं बारै जानकारी दिक्ती गेदी ऐ। भाववाचक संज्ञा च भावें, गुणें बगैरा दा खास विस्तार ऐ।

1.5 कठिन शब्द

(क) पदार्थवाचक (ख) भाव (ग) मौलिक (घ) त्रेह (ङ) परहेज

1.6 अभ्यास आस्तै सोआल

(क) संज्ञा दी परिभाषा लिखो।

.....

.....

.....

.....

.....

(ख) संज्ञा दे भेदें बारै तफसीली जानकारी देओ।

.....

.....

.....

.....

.....

(ग) जातिवाचक संज्ञा दे कोई दो उदाहरण लिखो।

.....

.....

.....

.....

(घ) समूहवाचक संज्ञा दे कोई चार उदाहरण स्पष्ट करो।

.....

.....

.....

.....

.....

1.7 सहायक पुस्तकां

(क) डोगरी व्याकरण : संपादक डॉ. वीणा गुप्ता

(ख) डोगरी निकास ते विकास : डॉ. बालकृष्ण शास्त्री

(ग) भाशा विज्ञान ते डोगरी : सम्पादक डॉ. चम्पा शर्मा

सैह सम्पादक : डॉ. वीणा गुप्ता

MASTERS DEGREE PROGRAMME

C. NO. 103

UNIT – 1

SEMESTER - I

LESSON - 2

डोगरी संज्ञा च लिंग, वचन ते कारक

- 2.0 रूपरेखा
- 2.1 उद्देश्य
- 2.2 पाठ-परिचे
- 2.3 पाठ-प्रक्रिया
- 2.4 सारांश
- 2.5 कठिन शब्द
- 2.6 अभ्यास आस्तै सोआल
- 2.7 सहायक पुस्तकां

2.1 उद्देश्य

इस पाठ जी पढ़िये विद्यार्थियों जी डोगरी संज्ञा च लिंग रूपायन ते डोगरी संज्ञा च वचन रूपायन बारे तफसीली जानकारी हासल होई सकग। इस पाठ जी पढ़िये विद्यार्थी उदाहरणें समेत लिंग ते वचन रूपायन बारे जानकारी हासल करी सकडन।

2.2 पाठ-परिचे

इस पाठ जी पढ़िये विद्यार्थियों जी डोगरी संज्ञा च लिंग ते डोगरी संज्ञा च वचन रूपायन बारे सरोखड़ जानकारी हासल होई सकग।

परिचे

जि'यां पिच्छें गलाया गेआ ऐ जे वाक्य दे मुख्य दो अंग होंदे न : उद्देश्य

ते विधेय । एह चेता रक्खने आहली गल्ल ऐ जे उद्देश्य भाग दे अंतर्गत औने आहले संज्ञा, सर्वनाम ते विशेषण नांऽ दे वाक्-भागें च लिंग, वचन ते कारक नांऽ दियें कोटियें आस्तै विकार होंदा ऐ ते विधेय भाग च सिर्फ क्रिया (धातुएं) गी वाच्य, काल, अर्थ, पुरुष, लिंग ते वचन आस्तै विकार होंदा ऐ । इसकरी अट्ठें वाग्भागें चा एह चार — संज्ञा, सर्वनाम, विशेषण ते क्रिया ‘विकारी पद’ खुआंदे न ते क्रियाविशेषण, सम्बन्ध सूचक, समुच्चय बोधक ते विस्मयादि बोधक — एह चार वाग्भाग रुपान्तर ग्रैहण नेई करने कारण ‘अविकारी पद’ खुआंदे न । डोगरी संज्ञाएं च लिंग, वचन ते कारक आस्तै रुपायन इस चाल्ली ऐ :-

2.3 पाठ-प्रक्रिया

(क) डोगरी संज्ञाएं च लिंग रुपायन

(ख) डोगरी संज्ञाएं च वचन रुपायन

डोगरी संज्ञाएं च लिंग रुपायन

लिंग शब्द दा साधारण अर्थ चि’न्न जां नशान ऐ अर्थात् ओह चि’न्न जिस कन्नै कुसै चीजै दी पन्खन कीती जंदी ऐ । लिंग द’ऊं चाल्ली दे होंदे न — 1. कुदरती तौरा पर निश्चत ते 2. व्याकरणिक । कुदरती लिंग दियां मसालां न :- मर्द-जनानी, जागत-कुड़ी, मोर-मोरनी, बैल-गौ आदि । इ’नें जोड़ें च सब्भै शब्द जीबें दे वाचक न जि’दे च इक-इक नर ऐ ते दूआ-दूआ नार जां मादा ऐ । पर, व्याकरणिक लिंग कुदरती लिंग कशा बखररा ऐ की जे भाशा विशेष च जिन्नियां बी संज्ञा होंदियां न ओह सब प्राणीवाचक नेई होंदियां, बल्के उं’दे च मतियां सारियां ज’ड़ पदार्थ कन्नै सम्बन्ध रखदियां न । जि’दे च नां कोई नर होंदा ऐ ते नां मादा । पर व्याकरण च उ’नें संज्ञाएं गी बी कुसै नां कुसै लिंग च रखेआ जंदा ऐ । जि’यां :- कन्न ते अक्ख, छिड़ ते पिट्ठ, हत्थ ते बांह, ओठ ते दु’ड्डी, लून ते मर्च, नड़ोआ ते जान्नी आदि शब्द-जोड़ें च पैहला-पैहला शब्द पुलिंग ऐ ते दूआ-दूआ स्त्रीलिंग । जद्के कुदरत ने इ’नें पदार्थ गी कुसै लिंग च नेई रखे दा, पर भाशा दी शुद्धता दी द्रिष्टी कन्नै व्याकरणिक लिंग दी उपयोगिता मन्नने जोग ऐ ।

मतियें सारियें आधुनिक भारती भाशाएं आहला लेखा डोगरी च बी दो गै लिंग न : पुलिंग ते स्त्रीलिंग । डोगरी भाशा दी लिंग व्यवस्था इन्नी समृद्ध ऐ जे संज्ञा, विशेषण आदि शब्दें दे लिंग दे मताबक उंदियें क्रियाएं च बी लिंग आस्तै रूपांतर होंदा ऐ । जि’यां — ‘जागत पढ़दा ऐ’ च ‘जागत’ पुलिंग ऐ ते ‘पढ़दा’ कृदन्त बी पुलिंग ऐ ते ‘कुड़ी पढ़दी ऐ’ च ‘कुड़ी स्त्रीलिंग’ ऐ ते ‘पढ़दी’ क्रिया-रूप बी स्त्रीलिंग ऐ ।

डोगरी दा लिंग-बधान व्याकरणिक ऐ पर फही बी लिंग-निर्धारण आस्तै कोई बी पक्का नियम लागू नेई कीता जाई सकदा । जेकर चीजें दे सुआतम गी दिक्खेआ जा तां बी इक्कै-सुआतम दे पदार्थ इक लिंग च नेई होइयै भिन्न-भिन्न लिंगें च लभडन । जि'यां :-

सुन्ना (पुलिंग)	चांदी (स्त्रीलिंग)
त्रामा (पुलिंग)	कली (स्त्रीलिंग)
लून (पुलिंग)	मिट्टी (स्त्रीलिंग)
करेला (पुलिंग)	भिण्डी (स्त्रीलिंग)

जेकर शब्दें दा रूप दिक्खेआ जा तां बी इक्कै जनेह रूप दे शब्द इक्कै लिंग च नेई होइयै बक्ख-बक्ख लिंगें च लभदे न । जि'यां :-

आकारान्त — राजा (पुलिंग)	माला (स्त्रीलिंग)
ताकारान्त — जागत् (पुलिंग)	रात (स्त्रीलिंग)
ईकारान्त — जोगी (पुलिंग)	घोड़ी (स्त्रीलिंग)
ऊकारान्त — चाकू (पुलिंग)	जूं (स्त्रीलिंग)
एकारान्त — देऽ (पुलिंग)	बेऽ (स्त्रीलिंग)

अर्थात् इस चाल्ली दियें भरम पैदा करने आहलियें स्थितियें च लिंग-निर्धारण आस्तै वाक्य च प्रयुक्त विशेषण ते क्रिया दे लिंग दी मदद लैती जंदी ऐ । जि'यां :-

काला घोड़ा (पुलिंग विशेषण)
काली गौ (स्त्रीलिंग विशेषण)
घोड़ा चरदा ऐ (पुलिंग क्रिया)
गौ चरदी ऐ (स्त्रीलिंग क्रिया)

प्राणीवाचक संज्ञाएं च पुरुष जाति कन्नै सम्बन्ध रखने आहले पदार्थ पुलिंग होंदे न ते स्त्री जाति कन्नै सम्बन्ध रखने आहले स्त्रीलिंग । जि'यां :-

पुलिंग	स्त्रीलिंग
जागत	कुड़ी

चिड़ा	चिड़ी
माली	मालन
शेर	शेरनी
पन्त	पन्तैनी, बगैरा

पर ज'ड़, संज्ञाएं च बड़्डे-बड़्डे ते बलशाली पदार्थ (संज्ञा) पुलिंग होंदे न ते लोहके-लौहके ते सोहल पदार्थ स्त्रीलिंग च होंदे न । जि'यां :-

उ'आं वर्तनी च एह शब्द अकारान्त लिखे जंदे न ।

पुलिंग		स्त्रीलिंग
रस्सा	-	रस्सी
पतीला	-	पतीली
थोड़ा	-	थोड़ी
कटोरा	-	कटोरी
थाल	-	थाली, बगैरा

डोगरी दियें जातिवाचक संज्ञाएं च किश प्राणीवाचक संज्ञा सिर्फ पुलिंग च होंदियां न ते किश सिर्फ स्त्रीलिंग च । जि'यां :-

सिर्फ पुलिंग संज्ञा — खड़क, मच्छर, उल्लू, जोकर, खड़प्पा आदि ।

सिर्फ स्त्रीलिंग संज्ञा — कोयल, चड़, बुलबुल, जुक्क आदि ।

समूहवाचक, द्रव्य (द्रब्ब) वाचक ते भाववाचक संज्ञाएं च इक्कै जाति दे पदार्थ च पुरुष ते स्त्री दौनें-दौनें जातियें दे नेई होने कारण उ'दे च लिंग आस्तै विकार नेई होंदा । इस लेई परम्परागत प्रयोग दे आधार उप्पर उ'नें संज्ञाएं च पुलिंग ते स्त्रीलिंग दोऐ मिलदे न । जि'यां :-

(क) समूहवाचक संज्ञाएं च लिंग —

पुलिंग		स्त्रीलिंग
टब्बर	-	फौज
जलूस	-	भीड़
चौणा	-	टेली

(ख) द्रव्यवाचक संज्ञाएं च लिंग —

पुलिंग		स्त्रीलिंग
पानी	—	स्याही
लोहा	—	चांदी
आटा	—	दाल

(ग) भाववाचक संज्ञाएं च लिंग —

पुलिंग		स्त्रीलिंग
हिरख	—	त्रेह
मोह	—	ममता
लालच	—	भुक्ख

होरनें आधुनिक भारती भाशाएं आहला लेखा डोगरी च बी लिंग निर्धारण दे ठेस ध्रुवे नेई मिलदे, पर रूप-रचना दी द्रिष्टी कन्नै पुलिंग संज्ञाएं दे स्त्रीलिंग रूप बनाने आस्तै जेहड़े प्रत्यय बरतोंदे न उं'दा ब्यौरा इस चाल्ली ऐ :-

1. पुलिंग आकारान्त संज्ञाएं दे खीरी '-आ' गी '-ई' करने कन्नै स्त्रीलिंग रूप बनदे न । जि'यां :-

पुलिंग		स्त्रीलिंग
-आ		-ई
घोड़ा	—	घोड़ी
ब'क्करा	—	ब'क्करी
चाचा	—	चाची
सोटा	—	सोटी
पकौड़ा	—	पकौड़ी
बच्छा	—	बच्छी

2. पुलिंग अकारांत शब्दे थमां स्त्रीलिंग शब्द बनाने आस्तै इक थमां मते

नियम लागू होंदे न ।

(i) शब्द दे खीरी ‘-अ’ गी ‘-ई’ आदेश करने कन्ने स्त्रीलिंग शब्द बनदे न । जि’यां :-

पुलिंग		स्त्रीलिंग
-अ		-ई
गुज्जर	-	गुज्जरी
कबूतर	-	कबूतरी
गिद्धड़	-	गिद्धड़ी
कुक्कड़	-	कुक्कड़ी
चकोर	-	चकोरी
तित्तर	-	तित्तरी
जट्ट	-	जट्टी
झीर	-	झीरी
घमेआर/घमैर	-	घमेआरी/घमैरी
तरखान	-	तरखानी
लोहार	-	लोहारी
चमेआर/चमैर	-	चमेआरी/चमैरी
गिद्धड़	-	गिद्धड़ी
बान्दर	-	बान्दरी
कोल	-	कौली
थाल	-	थाली

“-अ ? -ई” लिंग-परिवर्तन दे इस सिद्धांत दे तैहत आम तौरा पर व्यवसाय (पेशा) सूचक जां फही पशु-पैछियें सूचक संज्ञा औदियां न ।

(ii) शब्द दे खीरी ‘-अ’ गी ‘-अनी’ आदेश करने कन्नै बी स्त्रीलिंग शब्द बनदे न । इस चाल्ती दी लिंग-योजना च आम तौरा पर पशु-जनौरें सूचक जां फही खताब जां औहदा सूचक संज्ञां औँदियां न । जि’यां :-

पुलिंग		स्त्रीलिंग
-अ		-अनी
मोर	-	मोरनी
शेर	-	शेरनी
रिच्छ	-	रिच्छनी
सप्प	-	सप्पनी/सपनी
हाथी	-	हथनी
ऊंट	-	ऊंटनी
सरदार	-	सरदारनी
कप्तान	-	कप्ताननी
तसीलदार	-	तसीलदारनी
ठेकेदार	-	ठेकेदारनी
जगीरदार	-	जगीरदारनी, आदि

(iii) शब्द दे खीरी ‘-अ’ गी ‘-आनी -ऐनी जां -एआनी’ आदेश करने कन्नै बी स्त्रीलिंग संज्ञा बनदियां न । जि’यां :-

पुलिंग		स्त्रीलिंग
-अ	-	आनी
देर	-	दरानी
जेठ	-	जठानी
सेठ	-	सठानी

-ਆ		-ਏਨੀ/ਏਆਨੀ	
ਪਨ੍ਤ	—	ਪਨ੍ਤੈਨੀ/ਪਨ੍ਤੇਆਨੀ	
ਮਾਸ਼ਟਰ	—	ਮਾਸ਼ਟਰੈਨੀ/ਮਾਸ਼ਟਰੇਆਨੀ	
ਡਾਕਟਰ	—	ਡਾਕਟਰੈਨੀ/ਡਾਕਟਰੇਆਨੀ	
ਪਰੋਹ੍ਤ	—	ਪਰੋਹ੍ਤੈਨੀ/ਪਰਤੈਨੀ	
ਠਾਕਰ	—	ਠਾਕਰੈਨੀ	
ਨੌਕਰ	—	ਨੌਕਰੈਨੀ	

3. ਈਕਾਰਾਂਤ ਪੁਲਿੰਗ ਸ਼ਬਦਾਂ ਦੇ ਖ਼ਰੀਰੀ ‘-ਈ’ ਗੀ ‘-ਅਨ’ ਆਦੇਸ਼ ਕਰਨੇ ਕਨ੍ਨੈ ਸ਼ਤ੍ਰੀਲਿੰਗ ਸ਼ਬਦ ਬਨਦੇ ਨ । ਜਿ’ਧਾਂ :-

ਪੁਲਿੰਗ		ਸ਼ਤ੍ਰੀਲਿੰਗ	
-ਈ		-ਅਨ	
ਮਾਲੀ	—	ਮਾਲਨ	
ਲਲਾਰੀ	—	ਲਲਾਰਨ	
ਜੋਗੀ	—	ਜੋਗਨ	
ਰੋਗੀ	—	ਰੋਗਨ	
ਪਟਵਾਰੀ	—	ਪਟਵਾਰਨ	
ਮਰਾਸੀ	—	ਮਰਾਸਨ	
ਧੋਬੀ	—	ਧੋਬਨ	
ਤੇਲੀ	—	ਤੇਲਨ	
ਲ੍ਹੈਰੀ	—	ਲ੍ਹੈਰਨ	
ਪੰਜਾਬੀ	—	ਪੰਜਾਬਨ	
ਪਰਦੇਸੀ	—	ਪਰਦੇਸਨ	

ਨੋਟ - ਕਿਸ਼ ਈਕਾਰਾਂਤ ਪੁਲਿੰਗ ਸੰਜ਼ਾਏਂ ਗੀ ਖ਼ਰੀਰਾ ਚ ‘-ਈ’ ਦੇ ਧਾਹ੍ਰ ‘-ਏਨੀ’ ਕੀਤਾ ਜੰਦਾ ਏ । ਜਿ’ਧਾਂ :-

પુલિંગ		સ્ત્રીલિંગ
ચૌધરી	-	ચધરૈની
દર્જી	-	દર્જેની

4. જિ'ને સંજ્ઞાએં દે સ્ત્રીરા ચ '–ઈ' દે બજાએ '–આઈ' હોંદા એ, ઉન્દે સ્ત્રીલિંગ રૂપ બનાવે આસ્તૈ '–આઈ' ગી '–એન' આદેશ કરના પોંદા એ । જિ'યાં :-

પુલિંગ		સ્ત્રીલિંગ
–આઈ		–એન
નાઈ	-	નૈન/ન્યાન
સપાહી	-	સપૈહન
શદાઈ	-	શદૈન
ભાઈ	-	ભૈન
કસાઈ	-	કસૈન
લોહાઈ	-	લોહૈન

(ક) ડોગરી સંજ્ઞાએં ચ વચન–રૂપાયન

વચન નાંડ દી વ્યાકરણિક કોટિ સંખ્યા સમ્બન્ધી જાનકારી દેને દા કમ્મ કરદી એ । લિંગ દે બારે ચ ભાશાએં ચ કોઈ ટોસ ધ્રુવા જાં અધાર નેઈ લભદા પર વચન દા અધાર હર ભાશા ચ નિશ્ચત એ તે ઓહ એ 'સંખ્યા–ભેદ' । ડ'આં તે જિન્નિયાં સંખ્યાં જાં ગિનતરિયાં હોન ઉન્ને ગૈ વચન હોને ચાહિદે ન પર વ્યાકરણ દે કાયદે–કનૂને ચ ઇન્ની મતી બરીકી મુમકન નેઈ હોઈ સકદી તે ઇસ કન્નૈ એહમેં જાની દા સ્ત્રીલિંગ પોને કરી ભાશા દી વ્યવસ્થા બોઝલ હોઈ જંદી એ । વ્યાકરણ દા અસલી કમ્મ તે વ્યવસ્થા કાયમ કરના એ, ઇસ કરી 'વચન' નાંડ દી વ્યાકરણિક કોટિ દે દો ગૈ ભેદ મન્ને ગેદે ન 1. ઇક સંખ્યા જિસગી 'ઇકવચન' આસ્તૈ જંદા એ તે 2. મતી સંખ્યા જિસગી 'બહુવચન' ગલાયા જંદા એ । જિ'યાં :-

રાજા (ઇકવચન)	રાજે (બહુવચન)
કુડી (ઇકવચન)	કુડિયાં (બહુવચન)

डोगरी संज्ञाएं च वचन आस्तै रूपांतर अक्सर जातिवाचक संज्ञाएं च गै होंदा ऐ।

व्यक्तिवाचक संज्ञा दे सिर्फ कुसै खास पदार्थ दे वाचक होने करी उस च बहुवचन दी सम्भावना बी नेई कीती जाई सकदी, इस करी व्यक्तिवाचक संज्ञाएं च वचन आस्तै कोई रूपांतर नेई होंदा। जि'यां :- गंगा, कश्मीर, गीता, म्हाला, म्हात्मा गांधी आदि शब्द खास वस्तु, खास थाहर ते खास व्यक्तियें दे वाचक न, इस करी इ'दा बहुवचन च प्रयोग नेई होंदा।

द्रव्यवाचक संज्ञा बी आम तौरा पर इकवचन च गै बरतोंदियां न। उ'आं इकवचनी रूपें च बी उ'दे बहुवचन च होने दी सूचना मिलदी ऐ। जि'यां :- 'आटा' भाएं सेर होऐ जां मन 'आटा' शब्द इक्कै वचन च रौहदा ऐ। इ'यां गै 'खण्ड' पाऽ बी खण्ड ते बोरी बी खण्ड, मती कशा मती होने पर बी इकवचन दे रूप च रौहदी ऐ। तुआहीं चौल, छेले, जौ, मांह, मोठ आदि शब्द म्हेशां बहुवचन च बरतोंदे न, भाएं इ'दा तोल थोहड़ा होऐ जां मता। जेकर इ'नें इकवचनी संज्ञाएं दे बहुवचन बनाए जाहन तां इ'दी मात्रा दा वचन कन्नै कोई सम्बन्ध नेई होंदा, बल्के बहुवचन च होने करी इ'दियां किस्मां मतियां लभदियां न। जि'यां :-

आटे — मक्के दा, चौलें दा, बाजरे दा, कनका दा बगैरा।

तेल — तोरी दा, सरेहां दा, मिट्टी दा, मुंगफली दा बगैरा।

घ्यो — गोका, मांझा, सावा, गोजरा, डालडा आदि।

स्याहियां — नीली, पीली, सूही, सैल्ली, काली आदि।

दुब्ध — गोका, मांझा, बाकरा आदि।

भाववाचक संज्ञाएं च बी वचन आस्तै रूपांतर आम नेई होंदा की जे हिरख, प्यार, भुक्ख, त्रेह, रोह, लालसा, लालच, तंदरुस्ती, शलैपा, नफरत, उद्दम, आलस, गर्मी, सदी, शदाऽ आदि खासियां संज्ञां इक्कै वचन च बरतोंदियां न। फही बी जातिवाचक, समूहवाचक ते किश भाववाचक संज्ञाएं च वचन आस्तै रूपांतर होंदा ऐ ते इस रूपांतर दे नियम इस चाल्ली न :-

1. आकारांत पुलिंग संज्ञाएं गी छोड़ियै बाकी दियें पुलिंग संज्ञाएं च बहुवचन आस्तै कोई रूपांतर नेई होंदा, यानि उ'दे इकवचन थमां बहुवचन बनाने आस्तै सिफर (-0) प्रत्यय लगदा ऐ। जि'यां :-

(i) अकारान्त पुलिङ्ग शब्द

इकवचन		बहुवचन
पुत्तर	–	पुत्तर
घर	–	घर
चक्क	–	चक्क
पन्त	–	पन्त
मोर	–	मोर
जलूस	–	जलूस

(ii) इकारान्त ते ईकारान्त पुलिङ्ग शब्द

इकवचन		बहुवचन
मुनि	–	मुनि
लोहाई	–	लोहाई
धोबी	–	धोबी
सोची	–	सोची
पटवारी	–	पटवारी आदि

(iii) उकारान्त ते ऊकारान्त पुलिङ्ग शब्द

इकवचन		बहुवचन
साधु	–	साधु
भरोट्टु	–	भरोट्टु
डरु	–	डरु
करु	–	करु

(iv) एकारान्त ते ऐकारान्त पुलिङ्ग शब्द

इकवचन		बहुवचन
देऽ	–	देऽ
नैह	–	नैह
बैह	–	बैह आदि

(v) ओकारान्त ते औकारान्त पुलिंग शब्द

इकवचन		बहुवचन
घ्यो	-	घ्यो
जौ	-	जौ आदि

2. आकारान्त पुलिंग संज्ञाएं दे बहुवचन बनाने आस्तै उन्दे खीरी ‘-आ’ गी ‘-ए’ आदेश होई जंदा ऐ । जि’यां :-

इकवचन		बहुवचन
-आ		-ए
राजा	-	राजे
बच्चा	-	बच्चे
दलासा	-	दलासे
गुच्छ	-	गुच्छे
दादा	-	दादे
चौणा	-	चौणे
चरखा	-	चरखे
नलका	-	नलके
जलसा	-	जलसे
डंडा	-	डंडे आदि

3. सभनें स्त्रीलिंग संज्ञाएं गी बहुवचनी बनाने आस्ते उं’दे कन्नै ‘-आं’ प्रत्यय जोड़ेआ जंदा ऐ । जि’यां :-

(i) अकारान्त (व्यंजनांत) संज्ञाएं कन्नै ‘-आं’ दा योग कीता जंदा ऐ । जि’यां :-

इकवचन		बहुवचन
फौज	-	फौजां
कन्ध	-	कन्धां
रात	-	रातां

भैन	–	भैनां
बेल	–	बेलां

(ii) आकारान्त स्त्रीलिंग संज्ञाएं गी खीरा च 'आं' आदेश कीता जंदा ऐ जां उं'दे च अनुनासिकता दा आगम होई जंदा ऐ । जि'यां :-

इकवचन		बहुवचन
सभा	–	सभां
माला	–	मालां
भाशा	–	भाशां
कला	–	कलां

(iii) ईकारान्त स्त्रीलिंग संज्ञाएं दे बहुवचन बनाने आस्तै '–ई' गी '–इयां' आदेश कीता जंदा ऐ । जि'यां :-

इकवचन		बहुवचन
कुड़ी	–	कुड़ियां
थाली	–	थालियां
शेरनी	–	शेरनियां
घमैरी	–	घमैरियां
जान्नी	–	जान्नियां
टेली	–	टेलियां
नौकरी	–	नौकरियां

(iv) ऊकारान्त स्त्रीलिंग शब्दें दे इकवचन थमां बहुवचन रूप बनाने आस्तै खीरी '–ऊ' गी '–उआं' आदेश होई जंदा ऐ । जि'यां :-

इकवचन		बहुवचन
जूं	–	जुआं
बूंह	–	बुहां

(v) ऐकारान्त स्त्रीलिंग शब्दों दे इकवचन थमां बहुवचन बनने आस्तै ‘-ऐ’ गी ‘-एइ’ आदेश होंदा ऐ ते कन्नै बहुवचन सूचक प्रत्यय ‘-आं’ खीरा च जुड़दा ऐ । जि’यां :-

इकवचन		बहुवचन
मैंह	-	मेंहियां
गैं	-	गेंई/गेंइयां

(vi) ओकारान्त स्त्रीलिंग शब्दों दे इकवचन थमां बहुवचन बनाने आस्तै शब्द दे कन्नै ‘-आं’ प्रत्यय जोड़ेआ जंदा ऐ । जि’यां :-

इकवचन		बहुवचन
घो	-	घोआं

(vii) औकारान्त स्त्रीलिंग शब्दों दे बहुवचन बनांदे होई उ’आं ते खीरी ‘औ’ दे बाद ‘-आं’ प्रत्यय गै जोड़ेआ जंदा ऐ पर ‘-औ’ दे बाद --आं’ औने पर संधि होने करी ‘औ’ गी ‘अव्’ आदेश होई जंदा ऐ । जि’यां :-

इकवचन		बहुवचन
गौ	-	गवां

(viii) आंकारान्त स्त्रीलिंग जि’न्दा खीरी ‘-आ’ अनुनासिक होंदा ऐ, उं’दे कन्नै बहुवचनात्मक प्रत्यय ‘आं’ दी मजूदगी आस्तै ते बहुवचन दी सूचना देने आस्तै ‘-आं’ प्रत्यय गी ‘-वां’ जां ‘-मां’ आदेश होई जंदा ऐ । जि’यां :-

इकवचन		बहुवचन
मां/मा	-	मावां/मामां
बांह	-	बाह्मां
छां	-	छामां
गनाह	-	गनाहमां/गनाहां

नोट —स्त्रीलिंग दियें किश इक अकारान्त संज्ञाएं कन्नै बहुवचन आस्तै

‘-आं’ प्रत्यय दे इलावा ‘-ई’ प्रत्यय बी लगदा ऐ ते किश दूइयें अकारान्त संज्ञाएं गी ‘-आं’ दे इलावा ‘-री’ प्रत्यय बी (बहुवचन आस्तै) लगदा ऐ । जि’यां :-

(क)	इकवचन		= बहुवचन
	दाल	+ई	= दालीं
	छाल	+ई	= छालीं
	गाल	+ई	= गालीं
	अक्ख	+ई	= अक्खी
	खडाल	+ई	= खडालीं, बगैरा

किश इक ईकारान्त संज्ञा बी ‘-ई’ प्रत्यय दे योग कन्नै बहुवचनात्मक रूप ग्रैहण करी लैदियां न :-

	बक्खी		बक्खी
	चाल्ली		चाल्ली
(ख)	इकवचन		= बहुवचन
	सस्स	+री	= सस्सरीं
	मा	+री	= मौरीं
	धी	+री	= धीरीं, आदि ।

2.4 सारांश

इस पाठ गी पढ़िये विद्यार्थियों गी संज्ञा दे लिंग ते वचन दे आधार पर संज्ञा दे रूपायन बारै जानकारी थोई सकग। इस पाठ च विद्यार्थी बक्ख-बक्ख संज्ञा दे भेदें दे उदाहरणें कन्नै उदाहरण दित्ते गेदे न। जिस च पुलिंग-स्त्रीलिंग ते आकारांत संज्ञा दे खीर च ‘आ’ गी ‘ई’ करने कन्नै स्त्रीलिंग रूप बनदे न। बगैरा केई उदाहरणें समेत इस ध्याऽ गी विद्यार्थी समझी सकडऽ न।

2.5 कठिन शब्द

(क) त्रामा (ख) बेऽ (ग) परम्परागत (घ) टब्बर (ङ) जलूस (च) त्रेह (छ) मोह

2.6 अभ्यास आस्तै सोआल

(क) डोगरी संज्ञा च लिंग दे आधार रूपायन करो।

.....

.....

.....

.....

.....

(ख) डोगरी संज्ञा च वचन दे आधार उप्पर रूपायन करो।

.....

.....

.....

.....

.....

2.7 सहायक पुस्तकां

(क) डोगरी व्याकरण : संपादक डॉ. वीणा गुप्ता

(ख) डोगरी निकास ते विकास : डॉ. बालकृष्ण शास्त्री

(ग) भाशा विज्ञान ते डोगरी : सम्पादक डॉ. चम्पा शर्मा

सैह-सम्पादक : डॉ. वीणा गुप्ता

* 'बांह' ते 'गनांह' दे बहुवचन च 'बाहीं' ते 'गनाहीं' रूप बी बरतौदे न ।

MASTERS DEGREE PROGRAMME

C. NO. 103

UNIT – 1

SEMESTER - I

LESSON - 3

डोगरी संज्ञाएं च कारक

- 3.0 रूपरेखा
- 3.1 उद्देश्य
- 3.2 पाठ-परिचे
- 3.3 पाठ-प्रक्रिया
- 3.4 सारांश
- 3.5 कठिन शब्द
- 3.6 अभ्यास आस्तै सोआल
- 3.7 सहायक पुस्तकां

3.1 उद्देश्य

इस पाठ जी पढ़ियै विद्यार्थियें जी डोगरी संज्ञा च कारक कारक दी परिभाषा ते कारक दे भेदें बारै सरोखड़ ते तफसीली जानकारी हासल होई सकग इसदे लावा रूपायन दे आधार उपपर कारक दे मेदें बारै बी सरोखड़ जानकारी थोई सकग।

3.2 पाठ-परिचे

इस पाठ जी पढ़ियै विद्यार्थियें जी संज्ञाएं च कारक दे आधार उपपर रूपायन बारै सरोखड़ जानकारी हासल होई सकग।

परिचे

नामपदें यानि संज्ञा आदि पदें च कारक रूपायन दा म्हत्त्वपूर्ण थाहर ऐ ते डोगरी च एह रूपायन बाकी दियें आधुनिक भाशाएं कशा मती म्हत्ता रखदा ऐ। इस पाठ च डोगरी कारक रूपायन बारै विस्तार च चर्चा कीती गेदी ऐ।

3.3 पाठ-प्रक्रिया

डोगरी संज्ञाएं च कारक

- (क) परिचे
- (ख) कारक दी परिभाषा ते भेद
- (ग) अर्थ दे आधार उपर कारक दे भेद
- (घ) रूपायन दे आधार उपर कारक दे भेद

कारक दी परिभाषा ते भेद

संज्ञा, सर्वनाम आदि नाएं दा क्रिया जां वाक्य च कुसै होर शब्द कन्नै सम्बन्ध जोड़ने आहली व्याकरणिक कोटि गी कारक गलाया जंदा ऐ। अचार्य किशोरीदास वाजपेयी होरें ‘हिन्दी शब्दानुशासन’ नांऽ दी पोथी च कारक दा लक्षण दसदे होई गलाए दा ऐ “क्रियान्वयित्वं कारकत्वम्” अर्थात् क्रिया दे कन्नै अन्वय (सम्बन्ध) जोड़ने आहले तत्त्व गी कारक गलाया जंदा ऐ। इस आधार उपर सम्बन्ध ते सम्बोधन द’ऊं कारकें दा क्रिया दे कन्नै सिद्धा सम्बन्ध नेई होने कारण इ’नें द’ऊं गी कारक नेई मन्ने दा ।

तुआहीं कामता प्रसाद गुरु होरें “हिन्दी व्याकरण” च संज्ञा पदें दा सम्बन्ध क्रिया कन्नै लाजमी नेई मनदे होई वाक्य दे कुसै बी शब्द कन्नै मन्ने दा ऐ। एह गल्ल बक्खरी ऐ जे सम्बन्ध ते सम्बोधन कारकें दे अन्तर्गत औने आहले शब्द भाएं परतक्ख तौरा पर क्रिया कन्नै सम्बन्ध नेई रखदे, ब अपरतक्ख तौरा पर क्रिया कन्नै जरूर जुड़े दे होंदे न। जि’यां — “राम दा जागत बजार गोआ” इस वाक्य च ‘राम दा’ सम्बन्ध कारक ऐ ते ‘जागत’ ते ‘गोआ’ दा आपूं चें सिद्धा सम्बन्ध ऐ। पर, ‘राम दा’ पद जागत कन्नै इकदम सम्बन्धत ऐ। जो जागत दा लिंग ते वचन ऐ उ’ऐ सम्बन्ध कारक दे ‘दा’ दा। जेकर ‘राम दी’ धी बजार गई आखचै तां ‘धी’ दे लिंग, वचन आंगर सम्बन्ध कारक दे चि’न्न ‘दी’ दे स्त्रीलिंग

इकवचन च रौहने कारण अस दौने वाक्ये दे सम्बन्धे 'राम दा' ते 'राम दी' गी कमशः 'जागत' ते 'धी' पदे कशा बक्ख नेई करी सकदे। इस करिये 'जागत' ते -धी' दौने पदे कन्ने सम्बन्ध कारक दा अभिन्न नाता होने करी क्रिया कन्ने बी इ'ने सम्बन्धे दा नाता अपरतक्ख तौरा पर जुड़ी जंदा ऐ। इ'यै स्हाब सम्बोधन कारक दा ऐ; जि'ने संज्ञाएं च सम्बोधन कारक आस्तै रूपांतर होंदा ऐ, उ'ने संज्ञाएं गी क्रिया दे रूपा च किश नां किश आदेश जां प्रार्थना कीती जंदी ऐ। अर्थात् वाक्य च प्रयुक्त सभने शब्दे दा हर-इक शब्द कन्ने इक्कै जनेहा सम्बन्ध नेई होंदा बल्के, आपो-अपने कम्म-ब्यहार दे आधार उपपर सम्बन्धे च भिन्नता बी होंदी ऐ ।

3.3.1 अर्थ दे आधार उपपर कारक दे भेद

उपपर दित्ती दिये दलीले गी सामने रखदे होई अर्थ दे आधार उपपर कारके दी गिनतरी सम्बन्ध ते सम्बोधन दे समेत अट्ठ मन्नी जाई सकदी ऐ ते ओह इस चाल्ली ऐ — कर्ता, कर्म, करण, सम्प्रदान, अपादान, सम्बन्ध, अधिकरण ते सम्बोधन ।

1. कर्ता कारक (Nominative)

संज्ञा जां सर्वनाम दे उस रूप गी **कर्ता कारक** आखदे न, जिस थमां उसदे क्रिया दे कर्ता (करने आह्ला) होने दी सूचना थोऐ । जि'यां — '**साधु तप करदा ऐ**' च '**साधु**' '**तप करना**' क्रिया दा कर्ता ऐ । डोगरी च कर्ता कारक दा चि'न्न 'ने' ऐ । जि'यां — '**रमा ने कताब खरीदी**' वाक्य च '**रमा**' '**खरीदी**' क्रिया दा कर्ता ऐ जिसदी सूचना 'ने' चि'न्न देआ करदा ऐ ।

2. कर्म कारक (Accusative)

जिस वस्तु जां पदार्थ उपपर क्रिया दा असर पोंदा ऐ, उसगी सूचत करने आह्ले संज्ञा जां सर्वनाम आदि दे रूप गी **कर्म कारक** आखेआ जंदा ऐ ।

जि'यां — '**मोहन ने गौ खरीदी**' वाक्य च '**खरीदी**' क्रिया दा असर 'गौ' उपपर पवा करदा ऐ । इसकरी इत्थै 'गौ' कर्म कारक ऐ । डोगरी च कर्म कारक दा चि'न्न 'गी' ऐ, ब, कुतै-कुतै 'की' ते '-ई' रूप बी 'गी' दे थाहर बरतोंदे न। 'राधा ने नौकरै गी मारेआ' वाक्य च 'गी' चि'न्न 'मारना' क्रिया दे कर्म (नौकर) दी सूचना देआ करदा ऐ ।

3. करण कारक (Instrumental)

संज्ञा दा ओह रूप जिस कन्नै संज्ञा दे साधन होने दी सूचना थोए उसगी **करण कारक** आखदे न। “**तरखान आरी कन्नै लकड़ी चीरदा ऐ**” वाक्य च ‘आरी’ लकड़ी चीरने दा साधन ऐ। डोगरी च करण कारक दे चि’न्न न :- कन्नै-नै, कशा-शा, कोला, दा, हां, थमां बगैरा । जि’यां :-

सारा जाड़ **रुआं कन्नै** भरोई गोआ ।

में **नोकरै शा** कम्म कराया ।

जलाह ने लुण्डे गी **मोरका दा** फगड़ेआ ।

कल **पारो हां** जान नेई होआ ।

इ’नें वाक्यें च थमां, कन्नै, दा, हां आदि चि’न्न कमशः रुं, नौकर, मोरक, पारो आदि संज्ञाएं दे करण होने दी सूचना देआ करदे न ।

4. सम्प्रदान कारक (Dative)

जिस वस्तु जां पदार्थ आस्तै क्रिया कीती जंदी ऐ उसी सूचत करने आहले (उस वस्तु जां पदार्थ दे) रूप गी **सम्प्रदान कारक** आखदे न । ‘**में जागतै आस्तै कमीज खरीदी**’ इस वाक्य च ‘कमीज खरीदना’ क्रिया (पदबन्ध) जागतै लेई कीती गेदी ऐ इस करी इत्थै ‘जागत’ शब्द सम्प्रदान कारक च ऐ । डोगरी च सम्प्रदान कारक आस्तै ‘बास्तै-आस्तै, गितै-तै, लेई, ताई, जोगा’ आदि कारक चि’न्न बरतोंदे न । जि’यां :-

उसनै **जागतै लेई** परौंठी पकाई ।

में **जागतै गितै** स्वेटर बुनेआ ।

तूं **जागतै ताई** पैसे जोड़े ।

इ’नें वाक्यें च लेई, गितै, ताई, चि’न्न जागत दे सम्प्रदान कारक च होने दी सूचना देआ करदे न ।

5. अपादान कारक (Ablative)

संज्ञा दा ओह रूप जिस थमां किया दा बक्ख होना सूचत होंदा ऐ **अपादान कारक** खुआंदा ऐ । जि’यां :- ‘**बांदर रुक्खै परा डिग्गा**’ इस वाक्य च ‘डिग्गा’

क्रिया ‘रुक्ख’ संज्ञा कशा बक्ख होआ करदी ऐ । इस करी इत्थै ‘रुक्ख’ अपादान कारक ऐ ते ‘रुक्खै परा’ संज्ञा दा अपादान रूप । डोगरी च अपादान कारक दे चि’न्न न :- उप्परा-परा-रा, बिच्चा-चा, कशा-शा, कोला, थमां, दा-आ बगैरा ।

थैले बिच्चा इक अंगूठी निकली ।

कटड़ा जम्मू थमां 40 किलोमीटर दूर ऐ ।

अंगूठी औंगली दा झड़ी पेई ।

इन्ने च अन्दरा बुआज आई ।

भागां ने उस हां जागत लैता ।

इ’नें वाक्ये च बिच्चा, थमां, दा, -आ, हां कारक चि’न्न कमशः थैला, जम्मू, औंगली, अन्दर ते उस शब्दे दे अपादान कारक च होने दी सूचना देआ करदे न ।

6. सम्बन्ध कारक (Genetive)

संज्ञा दे जिस रूप कन्नै उसदा नाता दुए शब्दे कन्नै जुड़दा लभदा ऐ, उसगी सम्बन्ध कारक आखदे न । जि’यां :- ‘काठै दा घोड़ा मता तेज दौड़ेआ’ वाक्य च ‘दा’ कारक चि’न्न घोड़े दा सम्बन्ध काठै कन्नै सूचित करदा ऐ ।

डोगरी च सम्बन्ध कारक आस्तै दा, दे, दी, दियां; -ड़ा, -ड़े, -ड़ी, -ड़ियां, रा, -रे, -री, -रियां, ते-ना, -ने, -नी, -नियां चि’न्न बरतोंदे न । एह परसर्ग सम्बन्ध वाचक होने करी सम्बन्धी विशेष दे लिंग ते वचन आदि कन्नै समझौता करदे होई पुलिंग ते स्त्रीलिंग इकवचन ते बहुवचन च होंदे न । दा, दे, दी, दियां दे इलावा बाकी सारे कारक-चि’न्न संज्ञाएं आदि कन्नै जुड़ियै ओंदे न । जि’यां :- तेरा च ‘-रा’, साढ़ा च ‘-ड़ा’ ; (-ड़ा), अपना च ‘-ना’ बगैरा ।

दा, दे, दी, दियां, कारक चि’न्न सभनें चाल्ली दिये संज्ञाएं दे इलावा अन्य (त्रीआ) पुरुष सर्वनामे ते मध्यम (दूआ) पुरुष बहुवचन सर्वनाम कन्नै बरतोंदे न । जि’यां :-

राम दा,	जागतै दे,	घोड़े दी,	तोते दियां
ओहदा,	ओहदे	उन्दी,	उन्दियां
तुन्दा,	तुन्दे,	तुन्दी,	तुन्दियां आदि ।

-रा, -रे, -री ते -रियां कारक-चि'न्न प्रथम (पैहला) ते मध्यम (दूआ) पुरुश सर्वनामों दे इकवचन कन्नै औंदे न । जि'यां :- मेरा, मेरे, मेरी, मेरियां, तेरा, तेरे, तेरी, तेरियां ।

-ड़ा, डे, -ड़ी ते -ड़ियां कारक-चि'न्न प्रथम पुरुश इकवचन (म्हाड़ा, म्हाड़े, म्हाड़ी ते म्हाड़ियां) प्रथम पुरुश बहुवचन (साढ़ा, साढ़े, साढ़ी ते साढ़ियां) ते मध्यम पुरुश बहुवचन (तुसाढ़ा, तुसाढ़े, तुसाढ़ी ते तुसाढ़ियां जां फही थुआढ़ा, थुआढ़े, थुआढ़ी ते थुआढ़ियां) कन्नै बरतोंदे न । सुर दे प्रभाव कारण प्रथम पुरुश ते मध्यम पुरुश बहुवचन सर्वनामों कन्नै '-ड़' चि'न्न दा सरूप '-ढ़' होई जंदा ऐ ।

'-ना, -ने, -नी ते -नियां कारक-चि'न्न सिर्फ निजवाचक सर्वनामों 'आप' ते -आपू' दे कन्नै (अपना, अपने, अपनी ते अपनियां) बरतोंदे न ।

7. अधिकरण कारक (Locative)

संज्ञा आदि शब्दों दा ओह रूप जेहड़ा किया दा आधार जां आश्रय सूचक होऐ **अधिकरण कारक** खुआंदा ऐ । जि'यां :- **'मोहन खट्टे पर बैठा'** वाक्य च बौहना क्रिया दा आधार 'खट्टे' ऐ इस करी इत्थै 'खट्टे पर' अधिकरण कारक ऐ। डोगरी च अधिकरण कारक दे चि'न्न न :- उपपर, पर-र ते बिच्च, इच, च। 'उसने थाली च रु'ट्टी पाई', "ओह कोठे पर चढ़ी" वाक्यों च 'च' ते 'पर' क्रमशः 'थाली' ते 'कोठे' दे अधिकरण कारक च हाने दी सूचना देआ करदे न ।

8. सम्बोधन कारक (Vocative)

संज्ञा दा ओह रूप जिस कन्नै कुसै गी आला मारने जां चतारने दी सूचना मिलदी ऐ **सम्बोधन कारक** खुआंदा ऐ । जि'यां — **जागता** । इ'द्धर आ । **कुड़िये** कु'त्थै चली ? वाक्यों च 'जागता' ते 'कुड़िये' सम्बोधन रूप न । डोगरी च सम्बोधन कारक आस्तै नाएं दे पैहले पुलिंग च 'ओ' 'ते' स्त्रीलिंग च 'ए' सम्बोधक लगदे न ।

3.3.2 रूपायन दे आधार उपपर कारक दे भेद

कारक-रूपायन (कारकी प्रत्ययों) दे आधार उपपर डोगरी संज्ञाएं च त्रै कारक मिलदे न :-

1. अविकारी (सरल) कारक,
2. विकारी (तिर्यक्) कारक ते
3. सम्बोधन ।

1. અવિકારી કારક

અવિકારી કારક દે તૈહત સંજ્ઞાં દે મૂલ રૂપેં ચ કોઈ રૂપાંતર નેઈ હોંદા । સંજ્ઞાં દા અવિકારી રૂપ સિર્ફ કર્તા તે કર્મ કારકેં ચ લભદા એ । કર્તા કારક સકર્મક ક્રિયાં દે ભૂતકદંતી (ક્રિયા દે ભૂતકાલી રૂપ) રૂપેં કન્ને નેઈ ઔંદા । જિ'યાં — 'જાગતૈ પાની પીતા' વાક્ય ચ 'પીતા' v પી ધાતુ દા ભૂતકદંતી રૂપ એ, ઇસ કરી ઇત્થે સરલ રૂપ 'જાગત' થમાં ડસદા વિકારી રૂપ 'જાગતૈ' બની ગેઆ । 'જાગત પાની પીન્દા એ' વાક્ય ચ 'જાગત' અવિકારી કર્તા કારક ચ ગૈ એ । 'મેં ગૌ ચરીદી' વાક્ય ચ 'ગૌ' કર્મ એ તે અવિકારી રૂપેં ચ એ ।

2. વિકારી કારક

વિકારી કારક દે અનતર્ગત કર્તા, કર્મ, કરણ, સમ્પ્રદાન, અપાદાન, સમ્બન્ધ તે અધિકરણ સત્ત કારક ઔંદે ન । વિકારી કારક આસ્તૈ સંજ્ઞાં કન્ને કારકી પ્રત્યય લગ્ગને કરી ડંદે ચ રૂપાંતર હોઈ જંદા એ તે કન્ને બક્ષ-બક્ષ કારકેં આસ્તૈ કારક ચિ'ન્ન બી લગદે ન । ઇસ આસ્તૈ પુલિંગ આકારાન્ત સંજ્ઞાં ગી ઇકવચન ગિતૈ ચીરી '-આ' ગી '-એ' આદેશ હોઈ જંદા એ બહુવચન ગિતૈ ચીરી '-આ' ગી '-એ' આદેશ । બાકી સભનેં પુલિંગ સંજ્ઞાં કન્ને ઇકવચન ચ જાં '-એ' પ્રત્યય જુડદા એ (સાધુએ, જાગતૈ, સપ્પૈ, નતૈ આદિ) જાં ફહી સિર્ફ કારક-ચિ'ન્ન ગૈ લગદે ન । (સાધુ ને, સાધુ ગી) તે આમ તૌરા પર સંજ્ઞાં દે વિકારી રૂપ દે કન્ને કારક ચિ'ન્ન બી લગદે ન (સપ્પૈ ને, જાગતૈ ગી આદિ) । બહુવચન ચ સભનેં સંજ્ઞાં કન્ને '-એ' પ્રત્યય લગદા એ તે કન્ને કારક-ચિ'ન્ન (સાધું ગી, જાગતેં લેઈ, સપ્પેં થમાં રુક્ષેં ઉપ્પર આદિ ચ) ।

સભનેં સ્ત્રીલિંગ સંજ્ઞાં ગી વિકારી કારક ચ ઇકવચન આસ્તૈ '-એ' પ્રત્યય તે કારક ચિ'ન્ન (સસ્સૂ ને, નુહેં ગી, કમીજૈ ઉપ્પર) લગદે ન જાં ફહી સિર્ફ કારક-ચિ'ન્નેં દે યોગ કન્ને વિકારી રૂપેં દા નિર્માણ હોઈ જંદા એ (લાડી ને, કુડી લેઈ, ચાચી કશા, મામી દા) । બહુવચન ચ સભનેં સ્ત્રીલિંગ સંજ્ઞાં કન્ને '-એ' પ્રત્યય લગદા એ (કુડિયેં, ભૈનેં, ધિયેં, નુહેં, મામિયેં આદિ રૂપેં ચ ।

3. સમ્બોધન કારક

સમ્બોધન કારક દે તૈહત પુલિંગ આકારાન્ત સંજ્ઞાં ગી ઇકવચન ચ ચીરી '-આ' ગી '-આ' (રાજેઆ, ઘોડેઆ) તે બહુવચન ચ '-ઓ' (રાજેઓ, ઘોડેઓ) આદેશ

होई जंदा ऐ ।

बाकी दियें पुलिंग संज्ञाएं गी इकवचन च ‘-आ’ प्रत्यय लगदा ऐ (जागता, साधुआ) ते बहुवचन च ‘-ओ’ (भगतो, मालियो, साधुओ, नाइयो, सदागरो)। दूरा दा आला मारने आस्तै पुलिंग शब्दें दे पैहले ‘ओ’ (ओ जागता) सम्बोधक लगदा ऐ।

सभनें स्त्रीलिंग संज्ञाएं गी इकवचन सम्बोधन आस्तै ‘-ए’ (कुड़िये, गवे, धिये) ते बहुवचन च -ओ (कुड़ियो, गवो, धियो) प्रत्यय लगदे न ते दूरा दा आला मारने आस्तै संज्ञाएं दे पैहले ‘ए’ सम्बोधक लगदा ऐ (ए कुड़ियो, ए भैने) ।

डोगरी संज्ञाएं दे कारकी रूप

1. आकारान्त पुलिंग — चाचा

कारक	इकवचन	बहुवचन
अविकारी	चाचा	चाचे
विकारी	चाचे	चाचें
सम्बोधन	चाचा/चाचेआ	चाचेओ

2. अकारान्त पुलिंग — जागत

कारक	इकवचन	बहुवचन
अविकारी	जागत	जागतेँ
विकारी	जागतै	जागतेँ
सम्बोधन	जागता	जागतो

3. ईकारान्त पुलिंग — धोबी

कारक	इकवचन	बहुवचन
अविकारी	धोबी	धोबी
विकारी	धोबियै/धोबी	धोबियें
सम्बोधन	धोबिया/धोबी	धोबियो

4.	ऊकारान्त पुलिङ्ग	— तारु		
	कारक	इकवचन	बहुवचन	
	अविकारी	तारु	तारु	
	विकारी	तारुऐ	तारुएं	
	सम्बोधन	तारुआ	तारुओ	
5.	औकारान्त पुलिङ्ग	— जौ		
	कारक	इकवचन	बहुवचन	
	अविकारी	जौ	जा	
	विकारी	जवै	जवें	
	सम्बोधन	—	—	
6.	आकारान्त स्त्रीलिङ्ग	— कला		
	कारक	इकवचन	बहुवचन	
	अविकारी	कला	कला	
	विकारी	कला	कलाएं/कलें	
	सम्बोधन	—	—	
7.	अकारान्त स्त्रीलिङ्ग	— भैन		
	कारक	इकवचन	बहुवचन	
	अविकारी	भैन	भैना	
	विकारी	भैन/भैनु	भैनें	
	सम्बोधन	भैने	भैनो	
8.	ईकारान्त स्त्रीलिङ्ग	— कुड़ी		
	कारक	इकवचन	बहुवचन	
	अविकारी	कुड़ी	कुड़ियां	

વિકારી	કુડિયૈ/કુડી	કુડિયે
સમ્બોધન	કુડિયે	કુડિયો
9. ઊકારાન્ત સ્ત્રીલિંગ — નૂંહ!		
કારક	ઇકવચન	બહુવચન
અવિકારી	નૂંહ	નુહા
વિકારી	નુહૈં ¹	નુહેં
સમ્બોધન	નુહેં	નુહોં
10. ઔકારાન્ત સ્ત્રીલિંગ — ગૌ		
કારક	ઇકવચન	બહુવચન
અવિકારી	ગૌ	ગવા
વિકારી	ગવૈ	ગવેં
સમ્બોધન	ગવે	ગવો

નોટ — સસ્સ, ભૈન, ધી, બ્રાડ, મા આદિ સમ્બન્ધવાચક સંજ્ઞાએ કન્નૈ વિકારી કારક ઇકવચન ચ ‘-એ’ દે થાહર ‘-ઊ’ પ્રત્યય બરતોંદા એ (સસ્સૂ, ભૈનૂ, ધીઊ, બ્રાઊ, માઊ) ।

3.4 સારાંશ

ઇસ પાઠ ગી પઢિયે વિદ્યાર્થીયેં ગી ડોગરી સંજ્ઞાએ ચ કારક બારે જાનકારી હાસલ હોઈ સકગ। ઇસદે લાવા કારક દી પરિભાશા તે ભેદ બારે તે અર્થ દે આધાર ઉપ્પર તે રૂપાયન દે આધાર ઉપ્પર કારક દે ભેદેં દી તફસીલી જાનકારી દિત્તી ગેદી એ। ડોગરી ચ એહ રૂપાયન બાકી દિયેં આધુનિક ભાશાએ કશા મતી મહતા રચદા એ ઇસ પાઠ ચ ડોગરી રૂપાયન બારે વિસ્તાર ચ ચર્ચા કીતી ગેદી એ।

3.5 કઠિન શબ્દ

(ક) સમ્બન્ધ (ઘ) કોટિ (ગ) સમ્બોધન (ઘ) પરતક્ષ (ઙ) કર્તા (ચ) કર્મ (છ) તારુ (જ) રૂપાંતર

1. ‘નૂંહ’ ચ અનુનાસિકતા દે કારણ સમ્બોધન પરસર્ગ ‘-એ’ તે ‘-ઓ’ ચ બી અનુનાસિકતા ફલકા કરદી એ ।

3.6 अभ्यास आस्तै सोआल

(क) कारक दी परिभाषा दस्सो।

.....

.....

.....

.....

.....

(ख) अर्थ दे आधार उप्पर कारक दे भेद दस्सो।

.....

.....

.....

.....

.....

(ग) रूपायन दे आधार उप्पर कारक दे भेद लिखो।

.....

.....

.....

.....

.....

3.7 सहायक पुस्तकां

(क) डोगरी व्याकरण : संपादक डॉ. वीणा गुप्ता

(ख) डोगरी निकास ते विकास : डॉ. बालकृष्ण शास्त्री

(ग) भाषा विज्ञान ते डोगरी : सम्पादक डॉ. चम्पा शर्मा

सैह सम्पादक : डॉ. वीणा गुप्ता

MASTERS DEGREE PROGRAMME

C. NO. 103

UNIT – 2

SEMESTER - I

LESSON - 4

सर्वनाम दी परिभाषा ते भेद

- 4.0 रूपरेखा
- 4.1 उद्देश्य
- 4.2 पाठ-परिचे
- 4.3 पाठ-प्रक्रिया
- 4.4 सारांश
- 4.5 कठिन शब्द
- 4.6 अभ्यास आस्तै सोआल
- 4.7 सहायक पुस्तकां

4.1 उद्देश्य

इस पाठ गी पढ़ियै विद्यार्थियें गी सर्वनाम दी परिभाषा ते उसदे भेदें बारै सरोखड़ जानकारी हासल होई सकग।

4.2 पाठ-परिचे

इस पाठ गी पढ़ियै विद्यार्थियें गी सर्वनाम दी परिभाषा ते उसदे भेदें-उपभेदें बारै विस्तार च जानकारी हासल होई सकग।

परिचे

भाषा समाजी व्यवहार दी वस्तु ऐ, जेहड़ी कुदरती प्रवाह च बलोंदी-बरतोंदी निरंतर अगड़ी बधदी जंदी ऐ। बरतूनियें बोलने शा पैहलें कदें इसदा नाप-जोख नेई

कीता, बल्के अपने विचारें दी अभिव्यक्ति आस्तै सैहज प्रवाह च उपयोग कीता। भाशा-विद्वानें भाशा दे इससै प्रवाह दा अध्ययन करियै इसदे सुआतम बारै द्रिष्टीकोण प्रस्तुत कीते। जिं'दे मूजब दिक्खेआ गेआ जे भाशा दा कुदरती प्रवाह शब्दें दी पुनरुक्ति दे भार कशा मुक्त रौहदा ऐ। फलसरूप भाशा च संज्ञा यानि नाएं दी बार-बार पुनरुक्ति गी रोकदे होई उं'दे थाहर सर्वनाम दा प्रयोग इक कुदरती अमल ऐ जेहड़ा पढ़े-लिखें, अनपढ़ें, बजुर्गे, जुआनें, बच्चें यानि हर कुसै भाशा-भाशी दी बोलचाल दा इक अहम हिस्सा ऐ। इस पाठ च सर्वनाम दी परिभाशा ते उसदे भेदें-उपभेदें बारै विस्तार च चर्चा कीती गेदी ऐ।

4.3 पाठ-प्रक्रिया

सर्वनाम दी परिभाशा ते भेद

(क) परिचे

(ख) सर्वनाम दी परिभाशा

(ग) सर्वनामों दे भेद

सर्वनाम दी परिभाशा

ओह शब्द जेहड़ा संज्ञाएं दे थाहरा उप्पर कुसै सरबन्धै च औंदा ऐ उसी सर्वनाम गलांदे न। जि'यां :- में (बोलने आह्ला), तूं (सुनने आह्ला) ते ओह (दूर जां गैरहाजिर) ते एह (नेह्रै गै कुतै मजूद)।

सर्वनाम की जे संज्ञाएं दे थाहरै उप्पर आनियै उं'दा गै कम्म-भार सम्हालदा ऐ, इस करी वाक्य च इसदा थाहर ते ब्यहार संज्ञा आह्ला गै होंदा ऐ। भाशा प्रवाह च नाएं दा बार-बार औना जित्यै भाशा दी हीनता साबत करदा ऐ, उत्तयै पुनरुक्ति दोश दे कारण भाशा-प्रवाह च रुकावट बी औंदी ऐ ते भाशा दी सुन्दरता गी जोह बी पुजदा ऐ। इस करी कुसै बी नांऽ जां संज्ञा दे परती परती औने दे दोश कशा भाशा गी बचाने लेई सर्वनाम शब्दें दा प्रयोग भाशा-संरचना च महत्त्वपूर्ण भूमिका नभांदा ऐ।

भाशा दी संरचना च संज्ञा शब्द ते उससै चीज जां पदार्थ दी जानकारी करांदे न, जिसदा ओह नांऽ होंदे न। इस करी अनगिनत चीजें लेई अनगिनत नाएं दा प्रयोग होना जरूरी होंदा ऐ, पर सर्वनाम शब्दें दी बड़ी खूबी एह ऐ जे ओह गिनतरी

च गिने-मिथे दे होने पर अगले-पिछले सरबन्ध कन्ने कुसै बी पदार्थ दी जानकारी करांदे न। ‘राजा’ आखने कन्ने ‘राजे’ दा गै बोध होंदा ऐ ते ‘बाग’ आखने कन्ने ‘बाग’ दा पर ‘ओह’ आखने कन्ने ‘राजा’ दे सरबन्ध च राजे दा बोध होई जंदा ते ‘बाग’ दे सरबन्ध च बाग दा। अर्थात् सर्वनामें दा खेतर आपूं सीमत रेहियै बी मोकला ऐ ते पकड़ मजबूत ऐ।

सर्वनामें दे भेद

प्रयोग दे आधार उप्पर सर्वनामें दे छे भेद न — 1. पुरशवाचक, 2. निश्चयवाचक, 3. अनिश्चयवाचक, 4. सम्बन्धवाचक, 5. प्रश्नवाचक ते 6. निजवाचक (आपवाचक) ।

1. पुरशवाचक (Personal) सर्वनाम

ओह सर्वनाम जेहड़े बोलने आहले (वक्ता जां लेखक), सुनने आहले (श्रोता जां पाठक) ते इ’नें दौनें गी छोड़ियै दुए (गैर-हाजर) व्यक्ति दा ज्ञान करान उ’नेंगी **पुरशवाचक सर्वनाम** गलाया जंदा ऐ । पुरशवाचक सर्वनाम बी त्रै चाल्ली दे होंदे न — (क) उत्तम पुरुश जां पैहले पुरश दे सूचक सर्वनाम, (ख) मध्यम पुरश जां सामने हाजर पुरश दे सूचक सर्वनाम ते (ग) त्रीआ पुरश जां गैर-हाजर पुरश (जेहदे बारे च गल्ल-बात होआ दी होऐ) दे सूचक सर्वनाम ।

(अ) **पैहला जां उत्तम पुरश (First Person) सर्वनाम** :- जेल्लै बोलने आहला जां लेखक अपने गै बारे च गल्ल-बात करदा ऐ, तदूं ओह इस सर्वनाम दा प्रयोग करदा ऐ । जि’यां :- एह सारे कम्म में करड । अस कल दफ्तर जाहगे । लेखक सम्पादक, हुकमरान, नेता ते देवता लोक अपने आस्तै इक वचन दे थाहर बहुवचन दा प्रयोग करदे न । जि’यां :- **असें आखी दित्ता ऐ तेरा कम्म तौलै गै होई जाग** । जि’यां के अस अगें गै आखी आए आं ।

(आ) **दूआ जां मध्यम पुरश (Second Person) सर्वनाम** :- बोलने आहला जिस सर्वनाम दा इस्तेमाल अपने मुख्रातब (सुनने आहले) व्यक्ति आस्तै करदा ऐ उसी **मध्यम पुरश सर्वनाम** गलाया जंदा ऐ । जि’यां — **तुसें मोहन गी पैसे की नेई दित्ते । तूं मती चतर-सेआनी नेई बन** ।

(इ) **तीआ जां अन्य पुरश (Third Person) सर्वनाम** :- बोलने आहला जिस सर्वनाम दा प्रयोग कुसै त्रिये व्यक्ति आस्तै करदा ऐ जेहड़ा सामनै नेई होऐ,

उसगी **त्रीआ पुरश सर्वनाम** आखेआ जंदा ऐ । जि'यां :- **ओह** इक मन्ने-परमन्ने दा आदमी ऐ । सभा ने कल **उ'नेगी** सम्मानत कीता ।

2. निश्चयवाचक (Demonstrative) सर्वनाम

जि'नें सर्वनामों थमां कुसै निश्चय चीजै दी जानकारी होंदी ऐ, उ'नेगी **निश्चयवाचक सर्वनाम** आखेआ जंदा ऐ । जि'यां :- **एह शैल कुसीं ऐ । ओह कोहदा मकान ऐ ?**

निश्चयवाचक सर्वनाम बी दो चाल्ली दा होंदा ऐ :- नेड़में पदार्थ सरबन्धी निश्चय वाचक सर्वनाम ते दरेड़े पदार्थे सरबन्धी निश्चयवाचक सर्वनाम ।

नेड़े दियें चीजें लेई जेहड़ा सर्वनाम शब्द बरतोंदा ऐ उसी नेड़में पदार्थे दा निश्चय वाचक आखदे न, जि'यां :- एह । दूरे दियें चीजें लेई जेहड़ा सर्वनाम शब्द बरतोंदा ऐ उसी दरेड़े पदार्थे दा निश्चयवाचक सर्वनाम आखदे न, जि'यां :- ओह ।

3. अनिश्चयवाचक (Indefinite) सर्वनाम

ओह सर्वनाम शब्द जि'दे राहें कुसै वस्तु दे बारे च पक्की जानकारी नेई होऐ अर्थात् कुसै चीजै दे बारे च गैर-जकीनीपन झलकै, उ'नें सर्वनामों गी **अनिश्चयवाचक सर्वनाम** गलाया जंदा ऐ । जि'यां :- **कोई आया लभदा ऐ** । उप्परा किश डिग्गा ऐ । इत्थै बी 'कोई' सर्वनाम, 'किश' सर्वनाम कशा बक्ख अर्थ दिंदा ऐ । 'कोई' दी बरतून पुरशें जां प्राणियें लेई होई दी ऐ ते 'किश' दी चीजें-बस्ते लेई ।

4. सम्बन्धवाचक (Relative) सर्वनाम

जो सर्वनाम (मिश्रवाक्य च) इक उपवाक्य दा दुए उपवाक्य कन्ने सरबन्ध जोड़े उसी **सम्बन्ध वाचक सर्वनाम** आखदे न । इस किस्मा दे उपवाक्य अक्सर विशेषण उपवाक्य होंदे न ते मुख्य उपवाक्य च उं'दा नित्त सम्बन्धी सर्वनाम औंदा ऐ । डोगरी च **जो** सम्बन्धवाचक सर्वनाम ऐ ते **सो** उसदा नित्त सम्बन्धी । जि'यां :- **जो** करग **सो** भरग । **जेहड़ा** बोल्लै **उ'ऐ** बूहा खोहलै । एह सर्वनाम इक उपवाक्य दी संज्ञा दा दुए वाक्य कन्ने सरबन्ध बी जोड़दे न । जि'यां :- **ओह** आदमी **कु'न** ऐ **जेहड़ा** धारा पर बेहियै गा करदा ऐ ।

5. प्रश्नवाचक जां सुआलिया (Interrogative) सर्वनाम

सुआल पुच्छने आस्तै जि'नें सर्वनामों दा प्रयोग कीता जंदा ऐ, उ'नेंगी **प्रश्न वाचक सर्वनाम** आखदे न । जि'यां :- कु'न ते केह । 'कु'न' सर्वनाम अक्सर प्राणियों लेई बरतोंदा ऐ ते 'केह' दा प्रयोग चीजें लेई होंदा ऐ । जि'यां :- **कु'न आया ऐ ? ओह केह करा करदा ऐ ?**

6. निजवाचक (Reflexive) सर्वनाम

त्रौनें पुरशें दे निज जां अपने सरबन्धी अभिव्यक्ति लेई जेहड़ा सर्वनाम बरतोंदा ऐ उसी **निजवाचक सर्वनाम** आखेआ जंदा ऐ । आप ते आपूं निजवाचक सर्वनाम न । जि'यां :- **आप मोए जग परले** । आपूं मोए बगैर सुर्ग निं जान होंदा ।

रचना दी द्रिष्टी कन्ने मूल सर्वनामों दे इलावा यौगिक सर्वनाम बी भाशा च अपना थाहर रखदे न । जि'यां :- में आपूं , ओह आपूं, अपने आप जो कोई, कु'न कोई, जे किश, केह किश, सब किश बगैरा सब सर्वनाम यौगिक न, की जे इ'दे च दो भिन्न-भिन्न सर्वनामों दा योग ऐ । इ'यां गै इक्कै सर्वनाम दा दोहरा प्रयोग बी यौगिक सर्वनामों दे तैहत औंदा ऐ । जि'यां :- केह-केह किश-किश, कु'न-कु'न, कोई-कोई, जो-जो, सो-सो, जेहड़ा-जेहड़ा, केहड़ा-केहड़ा बगैरा ।

4.4 सारांश

इस पाठ जी पढ़ियै विद्यार्थियों जी सर्वनाम की परिभाषा भेदें-उपभेदें बारें तफसीली जानकारी हासल होई सकग। भाषा च संज्ञा यानि नाएं की बार-बार पुनरुक्ति जी रोकदे होई उंदे थाहर सर्वनाम दा प्रयोग इक कुदरती अमल ऐ। जेहड़ा पढ़े-लिखें, अनपढ़े-बजुर्गे, खुआनें, बच्चे जानि हर कुसे भाषा-भाषी की बोलचाल दा इक अहम हिस्सा ऐ। इस पाठ च सर्वनाम की परिभाषा ते उसदे भेदें-उपभेदें बारें विस्तार च चर्चा कीती गेदी ऐ।

4.5 कठिन शब्द

(क) व्यवहार (ख) बरतूनियें (ग) मूजब (घ) दीनता (ङ) पुनरुक्ति (च) सूचक (छ) नेड़में (ज) बलोंदी

4.6 अभ्यास आस्तै सोआल

(क) सर्वनाम की परिभाषा लिखो।

.....

.....
.....
.....
.....
(ख) सर्वनाम दे भेदें बारै जानकारी देओ।
.....
.....
.....
.....
.....

4.7 सहायक पुस्तकां

- (क) डोगरी व्याकरण : सम्पादक डॉ. वीणा गुप्ता
(ख) डोगरी निकास ते विकास : डॉ. बालकृष्ण शास्त्री
(ग) भाशा विज्ञान ते डोगरी : सम्पादक डॉ. चम्पा शर्मा
ते सैह सम्पादक : डॉ. वीणा गुप्ता

MASTERS DEGREE PROGRAMME

C. NO. 103

UNIT – 2

SEMESTER - I

LESSON - 5

डोगरी सर्वनामों च लिंग, वचन ते कारक-रूपायन

- 5.0 रूपरेखा
- 5.1 उद्देश्य
- 5.2 पाठ-परिचे
- 5.3 पाठ-प्रक्रिया
- 5.4 सारांश
- 5.5 कठिन शब्द
- 5.6 अभ्यास आस्तै सोआल
- 5.7 सहायक पुस्तकां

5.1 उद्देश्य

इस पाठ जी पढ़ियै विद्यार्थियों जी सर्वनामों च लिंग, वचन ते कारक-रूपायन बारै सरोखड़ जानकारी हासल होई सकग।

5.2 पाठ-परिचे

इस पाठ जी पढ़ियै विद्यार्थियों जी सर्वनामों च लिंग वचन ते कारक ते आधार पर डोगरी सर्वनामों दी रूप-रचना बारै जानकारी हासल कराना ऐ।

परिचे

संज्ञाएं आंगर सर्वनामों दी रूप-रचना बी भाशा दी कुदरती व्यवस्था दा इक

नियम ऐ ते इस नियम दी पालना डोगरी भाशा दे सर्वनामें च बी अपनी टकोहद रखदी ऐ । डोगरी सर्वनामें च वचन-भेद (इकवचन ते बहुवचन) ते कारक आस्तै रूपांतर होंदा ऐ, पर कुसै बी चाल्ली दे सर्वनाम च लिंग (स्त्रीलिंग ते पुलिंग) आस्तै विकार नेहं होंदा । सर्वनामें दे लिंग दा पता वाक्य च बरतोई दी क्रिया दे लिंग थमां लगदा ऐ, जि'यां — 'ओह पढ़दी ही' वाक्य च क्रिया -पढ़दी ही' स्त्रीलिंग इकवचन च ऐ इस करी 'ओह' सर्वनाम बी इत्थै स्त्रीलिंग इकवचन समझना लोड़दा ऐ । जां फही जिस संज्ञा दे थाहरै पर सर्वनाम औंदा ऐ उस संज्ञा दे लिंग गी दिक्खियै सर्वनाम दे लिंग दा पता लगदा ऐ, जि'यां — 'राजेश इक इंजीनियर ऐ, उसने कल इत्थै औना ऐ' दुए वाक्य च 'उसने' सर्वनाम च लिंग दा स्पष्टीकरण नेई ते नां गै क्रिया 'औना ऐ' च कुसै लिंग दी सूचना ऐ, इस लेई इत्थै 'राजेश' संज्ञा थमां 'उसने' सर्वनाम दे लिंग दा पता लगगी सकदा ऐ, जे एह पुलिंग इकवचन ऐ ।

5.3 पाठ-प्रक्रिया

डोगरी सर्वनामें च लिंग, वचन ते कारक-रूपायन

(क) परिचे

(ख) वचन ते कारक दे आधार उपपर डोगरी सर्वनामें दी रूप-रचना ।

वचन ते कारक दे आधार उपपर डोगरी सर्वनामें दी रूप-रचना

वचन ते कारक दे आधार उपपर डोगरी सर्वनामें दी रूप-रचना इस चाल्ली ऐ :-

1. पुरुषवाचक सर्वनाम

(1) उत्तम (पैह्ला) पुरुष सर्वनाम

कारक	इकवचन	बहुवचन
अविकारी	अ'ऊं/में	अस
विकारी (कर्ता)	अ'ऊं/में	असें
विकारी (कर्म)	मि (गी)	असें (गी)
विकारी (करण, सम्प्रदान,		

अपादान ते अधिकरण)	मेरे/म्हाड़े	साढ़े
विकारी (सम्बन्ध)	मेरा/मेरे	साढ़ा, साढ़े
	मेरी, मेरियां	साढ़ी, साढ़ियां

(2) मध्यम (दूआ) पुरुष सर्वनाम

कारक	इकवचन	बहुवचन
अविकारी	तूं/तोह/तुद्द	तुस
विकारी (कर्ता)	तूं	तुसें
विकारी (कर्म)	तु (गी)	तुसें (गी)
विकारी (करण, सम्प्रदान, अपादान ते अधिकरण)	तेरे (कन्नै आदि)	तुन्दे, थुआढ़े, तुसाढ़े (कन्नै आदि)
विकारी (सम्बन्ध)	तेरा, तेरे, तेरी, तेरियां	तुंदा, तुंदे, तुंदी, तुंदिया थुआढ़ा, थुआढ़े, थुआढ़ी, थुआढ़ियां तुसाढ़ा, तुसाढ़े, तुसाढ़ी, तुसाढ़ियां

(3) अन्य (त्रीआ) पुरुष सर्वनाम

कारक	इकवचन	बहुवचन
अविकारी	ओह	ओह
विकारी (कर्ता)	उस/उन्न (उ'न्ने)	उ'नें
विकारी (कर्म)	उस (गी-ई)	उ'नें (गी-ई)
विकारी (करण, सम्प्रदान, अपादान ते अधिकरण)	उस/उसदे/ओहदे (कन्नै आदि)	उं'दे (कन्नै आदि)

विकारी (सम्बन्ध)	उसदा, उसदे,	उं'दा, उं'दे
	उसदी, उसदियां	उं'दी, उं'दियां
	ओहदा, ओहदे	
	ओहदी, ओहदियां	

2. निश्चयवाचक सर्वनाम

(i) कोलै दा सूचक —एह

कारक	इकवचन	बहुवचन
अविकारी	एह	एह
विकारी (कर्ता)	इस/इन्न (इ'न्ने)	इ'नें
विकारी (कर्म)	इस (गी-ई)	इ'नें (गी-ई)
विकारी (करण, सम्प्रदान, अपादान ते अधिकरण)	इस/एह (दे)	इं'दे
विकारी (सम्बन्ध)	इसदा, इसदे इसदी, इसदियां, एहदा, एहदे, एहदी, एहदियां	

(ii) दूरै दा सूचक —ओह

इस सर्वनाम दी कारक-रचना (कारकी-रूप) अन्य पुरुष सर्वनाम, 'ओह' आंगू होंदी ऐ ।

3. अनिश्चयवाचक सर्वनाम

अनिश्चयवाचक सर्वनाम च जीबें लेई 'कोई' शब्द बरतोंदा ऐ ते बेजान चीजें लेई 'किश' । रूप-रचना दी द्रिष्टी कन्नै 'कोई' सर्वनाम च विकारी कारक आस्तै रूपांतर होंदा ऐ, पर 'किश' सर्वनाम अक्सर (सिर्फ इकवचन च विकारी रूप 'किसै' कुतै-कुतै बरतोंदा मिलदा ऐ ।) अविकारी रौहदा ऐ ।

પ્રાણિવાચક સર્વનામ — કોઈ

કારક	ઇકવચન	બહુવચન
અવિકારી	કોઈ, કિશ	કોઈ/કેઈ
વિકારી	કુસૈ	કેઝ્યે

4. સમ્બન્ધ વાચક સર્વનામ

કારક	ઇકવચન	બહુવચન
અવિકારી	જો/જેહઝા	જો/જેહઢે
વિકારી (કર્તા)	જિસ/જિન્ન (જિ'ન્ને)	જિ'નેં
વિકારી (કર્મ)	જિસ (ગી-ઈ)	જિ'નેં (ગી-ઈ)
વિકારી (કરણ, સમ્પ્રદાન, અપાદાન તે અધિકરણ)	જિસ/જિસદે/જેહદે	જિં'દે
વિકારી (સમ્બન્ધ)	જિસદા, જિસદે જિસદી, જિસદિયાં, જેહદા, જેહદે, જેહદી, જેહદિયાં	

5. પ્રશ્નવાચક સર્વનામ

પ્રશ્નવાચક સર્વનામ ચ જીબેં લેઈ 'કુ'ન' શબ્દ બરતોંદા એ તે બેજાન ચીજેં લેઈ 'કેહ' ।

(i) પ્રશ્નવાચક સર્વનામ — કુ'ન

કારક	ઇકવચન	બહુવચન
અવિકારી	કુ'ન	કુ'ન
વિકારી (કર્તા)	કુસ/કુન્ન (કુ'ન્ને)	કુ'નેં

विकारी (कर्म)	कुस (गी-ई)	कु'नें (गी-ई)
विकारी (करण, सम्प्रदान, अपादान ते अधिकरण)	कुस/कुसदे/कोहदे	कु'न्दे
विकारी (सम्बन्ध)	कुसदा, कुसदे कुसदी, कुसदियां, कोहदा, कोहदे, कोहदी, कोहदियां	

(ii) प्रश्नवाचक सर्वनाम — केह

कारक	इकवचन	बहुवचन
अविकारी	केह	—
विकारी (कर्म)	किस (गी-ई)	
विकारी (करण, सम्प्रदान, अपादान ते अधिकरण)	किस/कैहदे	
विकारी (सम्बन्ध)	किसदा, किसदे किसदी, किसदियां, कैहदा, कैहदे, कैहदी, कैहदियां	

नोट — बेजान पदार्थे आस्तै बरतोने आहला प्रश्नवाचक सर्वनाम 'केह' म्हेशां इकवचन च औंदा ऐ ते इसदा विकारी कर्ता रूप बी नेई बरतोंदा ।

6. निजवाचक सर्वनाम

कारक	इकवचन	बहुवचन
अविकारी	आप/आपूं	आप/आपूं
विकारी (कर्ता,कर्म)	आपूं, अपने	आपूं, अपने
विकारी (करण, सम्प्रदान)	अपने	अपने

अपादान ते अधिकरण)

अपादान ते अधिकरण)

विकारी (सम्बन्ध)

अपना, अपने

अपना, अपने

अपनी, अपनिया

अपनी, अपनियां

नोट— सर्वनाम शब्दें च सिर्फ अविकारी ते विकारी दो गै कारक होंदे न, सम्बोधन कारक आस्तै इ'नें शब्दें दा नां ते प्रयोग होंदा ऐ ते नां गै रूपांतर । सम्बन्ध । कारक की जे विशेषण आह्ला लेखा बरतोंदा ऐ इसकरी विशेष्य दे लिंग, वचन गी ग्रहण करने कारण सम्बन्ध कारक दे पुलिंग इकवचन, पुलिंग बहुवचन, स्त्रीलिंग इकवचन ते स्त्रीलिंग बहुवचन चार-चार रूप बनदे न ।

5.4 सारांश

इस पाठ गी पढ़िये विद्यार्थियों गी सर्वनामों च लिंग, वचन ते कारक दे आधार उप्पर रूपायन बारे जानकारी हासल होई सकग। संज्ञाएं आंगर सर्वनामों दी रूप-रचना बी भाशा दी कुदरती व्यवस्था दा इक नियम ऐ ते इस नियम दी पालना डोगरी भाशा दे सर्वनामों च बी अपनी टकोह्द रखदी ऐ। डोगरी सर्वनामों च वचन-भेद (इकवचन ते बहुवचन) ते कारक आस्तै रूपांतर होंदा ऐ, पर कुसै बी चाल्ली दे सर्वनाम च लिंग (स्त्रीलिंग ते पुलिंग) आस्तै विकार नेई होंदा ऐ।

5.5 कठिन शब्द

(क) व्यवस्था (ख) नियम (ग) टकोह्द (घ) रूपांतर (ङ) विकारी (च) अविकारी

5.6 अभ्यास आस्तै सोआल

(क) वचन दे आधार उप्पर सर्वनाम दा रूपायन करो।

.....

.....

.....

.....

.....

(ख) कारक दे आधार उप्पर सर्वनाम दा रूपायन करो।

.....

.....

.....

.....

.....

5.7 सहायक पुस्तकां

(क) डोगरी व्याकरण : सम्पादक डॉ. वीणा गुप्ता

(ख) डोगरी निकास ते विकास : डॉ. बालकृष्ण शास्त्री

(ग) भाशा विज्ञान ते डोगरी : सम्पादक डॉ. चम्पा शर्मा

सैह सम्पादक : डॉ. वीणा गुप्ता

MASTERS DEGREE PROGRAMME

C. NO. 103

UNIT – 3

SEMESTER - I

LESSON - 6

**डोगरी विशेशन — परिभाषा, भेद ते लिंग, वचन,
कारक दे आधार उपर डोगरी विशेशनें दी रूप-रचना**

- 6.0 रूपरेखा
- 6.1 उद्देश्य
- 6.2 पाठ-परिचे
- 6.3 पाठ-प्रक्रिया
- 6.4 सारांश
- 6.5 कठिन शब्द
- 6.6 अभ्यास आस्तै सोआल
- 6.7 सहायक पुस्तकां

6.1 उद्देश्य

इस पाठ जी पढ़ियै विद्यार्थियें जी डोगरी विशेशन दी परिभाषा, भेद ते लिंग, वचन, कारक दे आधार उपर डोगरी विशेशनें दी रूप रचना बारे सरोखड़ जानकारी मिली सकग।

6.2 पाठ-परिचे

इस पाठ जी पढ़ियै विद्यार्थियें जी विशेशन दी परिभाषा भेदे-उपभेदे दे लावा लिंग, वचन ते कारक दे आधार उपर रूप-रचना बारे जानकारी हासल होई सकग।

परिचे

उ'आं ते संज्ञा ते सर्वनाम शब्द गै सक्रिया तौरा पर वाक्य दे कर्ता दा कम्म-भार सांभदे न; पर विशेशन बी भाषा-प्रयोगें च अपनी खास भूमिका नभाने

करी कर्ता-पद दे विस्तार जां उं'दी टकोहदगत नशानदेही करदे होई वाक्य दे कर्ता दा अनत्रुट हिस्सा होंदा ऐ । ते केई बारी विशेशन पद इक्कला गै कर्ता-पद दी भूमिका बी नभांदा ऐ । सैह डोगरी भाशा दी व्याकरणिक व्यवस्था च विशेशन-प्रयोग अपनी चेची थाहर रखदा ऐ ।

6.3 पाठ-प्रक्रिया

डोगरी विशेशन

(क) परिचे

(ख) विशेशन दी परिभाशा

(ग) विशेशन दे भेद

(घ) डोगरी विशेशनें दी रूप-रचना : लिंग, वचन ते कारक दे आधार उपपर

विशेशन दी परिभाशा

जि'नें शब्दे थमां संज्ञा जां सर्वनाम दी विशेशता प्रगट होऐ उ'नेंगी विशेशन गलाया जंदा ऐ । विशेशन आसेआ जि'नें संज्ञाएं दे गुणें (धर्मे) आदि दा बखान कीता जंदा ऐ उ'नेंगी विशेष्य गलाया जंदा ऐ । जि'यां :- “लम्मा नाग” (पदबन्ध) च ‘लम्मा’ विशेशन ऐ त ‘नाग’ विशेष्य ।

विशेशन दे भेद

अर्थ दे आधार उपपर विशेशन दे चार भेद न :-

1. **गुणवाचक (Qualitative) विशेशन** :- जि'नें विशेशनें राहें विशेष्ये दे गुण, रंग, शकल-सूरत, समां, थाहर, दशा बगैरा दा ज्ञान होऐ; उ'नेंगी **गुणवाचक विशेशन** आखेआ जंदा ऐ । जि'यां :-

(क) **गुणसूचक** — चंगा, माड़ा, हिम्मती, दलेर, उद्दमी, विद्वान, धर्मी-कर्मी, दाता, दानी बगैरा ।

(ख) **रंग सूचक** — गोरा, काला, पीला, सैला, सूहा, नसवारी बगैरा ।

(ग) **कद-बुत्त (शकल-सूरत) सूचक** — गोल, लम्मा, चैड़ा, मुट्टा, चौरस, त्रै-नु'क्करा, शेरमुहारा आदि ।

- (घ) **समां सूचक** — नमां, पराना, अजकणा, कदीमी, चिरका आदि ।
- (ङ) **थाहर सूचक** — शैहरी, घरु, बजारु, ग्राई, कश्मीरी, बनारसी, पशौरी, बगैरा ।
- (च) **दशा सूचक** — तगड़ा, लिस्सा, नरोआ, कसरी, सुखी, दुखी, सेहतमंद, तंदरुस्त बगैरा ।

दोश, देश ते दिशा दे संदर्भ च बी केई विशेशन भाशा च बरतोंदे न; जि'नेंगी इंदे चा कुसै केहड़ी जमाती च रक्खना औखा बझोआ दा ऐ, उ'आं दोश-सूचक गुण सूचकें कन्नै; देश ते दिशा सूचक थाहर सूचकें कन्नै सरबन्ध दसदे न । इ'दा ब्योरा इस चाल्ली ऐ :-

(अ) **दोशसूचक** — भैड़ा, बेशर्म, दुष्ट, नीच, पापी, बगैरा विशेशन कुसै बुराई दी सूचना देआ करदे न ।

(आ) **देशसूचक** — एह विशेशन अपने विशेष्य दी देश सरबन्धी जानकारी दिंदे न जि'यां — भारती, अमरीकी, रूसी, जपानी, पाकिस्तानी, बलैती, चीनी बगैरा ।

(इ) **दिशा सूचक** — जि'यां — पूर्वी, पच्छमी, उत्तरी, दक्खनी आदि ।

2. संख्यावाचक (Numeral) विशेशन :- ओह शब्द जि'दे थमां विशेष्य दी संख्या (गिनतरी) सरबन्धी जानकारी हासल होऐ, उ'नेंगी **संख्यावाचक विशेशन** आखेआ जंदा ऐ । जि'यां — **दो जने, पंज रपेऽ, नौ ग्रैह** आदि । संख्या सरबन्धी एह जानकारी बी द'ऊं रूपें च मिलदी ऐ । यकीनी (निश्चत) संख्या दे रूपा च ते अन्दाजन (अनिश्चत) संख्या दे रूपा च ।

निश्चत संख्यावाचक विशेशन अपने विशेष्य दी संख्या सरबन्धी जानकारी यकीनी रूपा च (पक्के तौरा पर) दिन्दे न । जि'यां — **दो कम्बल, दस रपेऽ, त्रेहरी बुक्कल, दूना आटा, दोऐ आ बगैरा** ।

उ'ने निश्चत संख्यावाचक विशेशन दे बी पंज भेद कीते जंदे न —

- (क) **गिनतरी सूचक** — इक, चार, छे, अट्ठ बगैरा ।
- (ख) **सिलसला सूचक** — पैह्ला, चौथा, अठमां बगैरा ।
- (ग) **दोहराई सूचक** — दूना त्रीणा, चौगना । दोहरा, त्रेहरा, चौहरा आदि ।

(घ) समूह (कट्ठ) सूचक — दोऐ, त्रैवे, अट्ठे, दस्सै बगैरा ।

(ङ) हर-इक सूचक — इक-इक रपेआ, दौं-दौं फुलके, हर इक कुड़ी,
प ज-प ज सुआल आदि ।

गिनतरी सूचक विशेशन पूरी गिनतरी ते खण्डत गिनतरी द'ऊं चाल्ली दिये गिनतरिये दी जानकारी दि'दे न । पूरी गिनतरी च दो, पंज, छे, नौ, बगैरा ते खण्डत गिनतरी च, पौना, सवा, डेढ, ढाई, साढे बगैरा ।

अन्दाजन संख्या दस्सने आहले विशेशने थमां अक्सर मती जां बड्डी संख्या दी सूचना मिलदी ऐ । उ'आं 'कोई' शब्द आम संख्याएं दे कन्ने जुड़िये उन्दे बारे च 'अन्दाजन' जानकारी दिन्दा ऐ । अन्दाजन संख्या (अनिश्चयवाचक संख्या) सरबन्ध नि विशेशता इ'ने रुपे च लभदी ऐ :-

(क) कोई+संख्या — कोई पं'जी रपेऽ, कोई दस्से ब'रें दा ।

(ख) बड्डी संख्या दा बहुवचनी प्रयोग — ज्हारें ब'रें दी जानकारी, लक्खां रपेआ, करोड़ां लोक आदि ।

(ग) इक्कै संख्या दा दो बारी प्रयोग — लक्ख-लक्ख गाल, बीह-बीह रुट्टियां, जहार-जहार मोहरियां, बारां-बारां फराटियां आदि ।

(घ) द'ऊं बक्ख-बक्ख संख्याएं दा किट्ठा प्रयोग — चाली-बताली साल, बीह-पं'जी रपेऽ, ठारां-बीह रुट्टियां, सौ-दो सौ बोरियां बगैरा ।

3. नाप-तोल वाचक (परिमाण — Quantitative) विशेशन :-

एह विशेशन अपने विशेष्ये दी नाप-तोल सम्बन्धी विशेशता दस्सने करी नाप-तोल वाचक विशेशन खुआंदे न । जि'यां — सेर आटा, मन चौल, गज कपड़ा, बोरी खण्ड, मील पैडा, दस कोह छिण्डा । इ'ने विशेशने दा प्रयोग द्रव्यवाचक, समूहवाचक ते भाववाचक संज्ञाएं कन्ने होंदा ऐ । जेकर इ'ने विशेशने कन्ने बिन्द, मता, दनां, अद्धा, हारा जां जनेहा आदि शब्द जोड़े जान तां नाप-तोल सरबन्धी एह जानकारी निश्चत नेई होइये अंदाजन बनी जंदी ऐ । जि'यां — सेर हारा आटा, मती हारी खण्ड, थोहड़ा जनेहा घ्यो, सारा टब्बर, किश लोक, अद्धा-जनेहा टोकरा, बिन्द सारा लून आदि ।

अनिश्चित संख्या ते अनिश्चित नाप-तोल दे वाचक विशेषणें च बुनियादी फर्क नेई दे बरोबर ऐ । एह फर्क सिर्फ प्रयोग दे कारण ऐ । की जे जेकर इ'नेंगी इकवचनी संज्ञाएं कन्नै बरतेआ जां तां इ'दे थमां नाप-तोल दी अनिश्चित जां अन्दाजन सूचना मिलदी ऐ ते जेकर इ'नेंगी बहुवचनी संज्ञाएं कन्नै बरतेआ जा तां इन्दे थमां अंदाजन संख्या सरबन्धी जानकारी थ्होदी ऐ, जि'यां :-

किश आटा, मता दुब्ध, थोहड़ी खण्ड, खासे चौल बगैरा प्रयोगें च किश, मता, थोहड़ी ते खासे शब्द अनिश्चित नाप-तोल दी जानकारी देआ करदे न ते किश जागत, मते गलास, थोहड़ियां कौलियां, खासे लोक बगैरा प्रयोगें च अनिश्चित संख्या दी सूचना देआ करदे न ।¹

इ'नें विशेषणें चा गै मता, दनां, सक्खर, किश, थोहड़ा, आदि किश विशेषण क्रिया-विशेषणें दा कम्म बी करदे न । जि'यां :-

में अज्ज किश डरी गेई, तुस कल मता न्हाते हे । तुस दनां हिल्ली गे हे । ओह थोहड़ा दुरेआ हा ।

इ'यै विशेषण केई थाहरें पर कर्तृपूरक ते कर्मपूरक दी भूमका बी नभांदे न । जि'यां :-

अज्ज डर मता लग्गा ।	(कर्तृ पूरक)
गवै अज्ज दुब्ध मता दित्ता ।	(कर्म पूरक)
अज्ज जोर सक्खर लग्गा ।	(कर्तृ पूरक)
उसने न्यौड़े च लून सक्खर पाया हा ।	(कर्म पूरक)
भार थोहड़ा होई गेआ ऐ ।	(कर्तृ पूरक)
उसने कम्म थोहड़ा गै कीता हा ।	(कर्म पूरक)
अजें दिन किश गै होए न ।	(कर्तृ पूरक)
असें समान किश गै आहन्दा ऐ ।	(कर्म पूरक)

1. डोगरी च चौल, छेले, जौ बगैरा पदार्थ उ'आं तोले-जोखे जंदे न, पर इ'दा प्रयोग म्हेशां बहुवचन च होंदा ऐ ते तेल, ध्यो, खण्ड, आटा, बी जोखे-तोले जंदे पर इकवचन च औंदे न ।

સર્દી મતી હોઈ ગેઈ એ ।

(કત્વ પૂરક)

ઉસને થોહ્ડી ગલ્લૈ દા મતા બનાયા ।

(કર્મ પૂરક)

4. સંકેતવાચક જાં સર્વનામક (Demonstrative) વિશેશન :-

જેહ્ડે વિશેશન અપને વિશેષ્યેં બક્ષી ઇશારા કરદે હોઈં ડી સૂચના દિન્દે ન ડ'નેંગી સંકેતવાચક વિશેશન આચ્ચેઆ જંદા એ । ઇસ ચાલ્લી દે વિશેશન અમૂમન સર્વનામેં થમાં બનદે ન ઇસ કરી ડ'નેંગી સર્વનામક વિશેશન બી ગલાયા જંદા એ । જિ'યાં —

નિશ્ચયવાચક સર્વનામેં થમાં — એહ કુડી, ઓહ જાગત

અનિશ્ચયવાચક સર્વનામેં થમાં — કોઈ કુડી, કિશ કમ્મ

પ્રશ્નવાચક સર્વનામેં થમાં — કુ'ન આદમી ? કેહ્ ચીજ ?

સમ્બન્ધવાચક સર્વનામેં થમાં — જો સમાં, જેહ્ડા આદમી ।

નિજવાચક સર્વનામ થમાં — અપના કમ્મ, અપની ગલ્લ, અપને લોક,
અપનિયાં મસીબતાં ।

સર્વનામક વિશેશન સિર્ફ સંકેતાવાચક વિશેશનેં દા ગૈ કમ્મ નેઈ કરદે બલ્કે ગુણવાચક તે નાપ-તોલવાચક વિશેશનેં દા કમ્મ બી કરદે ન ।

ગુણવાચક વિશેશનેં દે રૂપા ચ —

મૂલ સર્વનામ	રૂપ	ગુણવાચક વિશેશન
એહ	ઇસ	એસા, ડ'ચૈ નેહા
ઓહ	ડસ	વૈસા, ડ'એ નેહા
જો	જિસ	જૈસા, જનેહા
કુ'ન	કિસ	કૈસા, કનેહા

નાપ-તોલ વાચક વિશેશનેં દે રૂપા ચ —

मूल सर्वनाम	रूप	गुणवाचक विशेषण
एह	इस	इतना / इन्ना
ओह	उस	उतना / उन्ना
जो	जिस	जितना / जिन्ना
कु'न	किस	कितना / किन्ना

कदें-कदें 'जनेहा' विशेषण सम्बन्ध सूचक दा कम्म बी करदा ऐ ।

जि'यां :- तुं'दे जनेहा भलामानस, जोराबर **जनेहा** शूरवीर बगैरा ।

इ'यां गै कैसा, कनेहा ते किन्ना विशेषण विस्मयबोधक अव्यय आगूं बी बरतोंदे न । जि'यां — **कैसा !** डिरगा आदमी ऐ ! **कनेही !** मूरख जनानी ऐ ! **किन्नी** गरमी ऐ अज्ज !

वाक्य च जिसलै विशेषण विशेष्य दे बगैर इक्कले गै ब्यहार करदे न उसलै उन्दा प्रयोग अक्सर संज्ञाएं आहला लेखा होंदा ऐ । जि'यां :-

बखले केह जानन कुसै दी पीड़ । **बजुर्गे** दा आखा मन्नना लोड़दा ऐ । **पागलें** दी दुनिया च कु'न कुसै दी सुनदा ऐ ? **मीरें** दे घर जंदे उसी झक्क औंदा ऐ ।

डोगरी विशेषणें दी रूप-रचना : लिंग, वचन ते कारक दे आधार उपपर

डोगरी च सभनें आकारान्त विशेषणें च विशेष्य दे लिंग, वचन ते कारक आस्तै रूपायन होंदा ऐ । जि'यां के पिच्छें बी गलाया गेआ ऐ जे डोगरी च विशेषण-प्रयोग विशेष्य-विशेषण ते विधेय-विशेषण द'ऊं रूपें च होंदा ऐ, इस करी इ'नें दौनें स्थितियें च विशेषण दा अपने विशेष्य कन्नै एका (अन्विति) बनेदा रौंहदा ऐ ।

(1) विशेष्य-विशेषण दे रूपा च डोगरी विशेषणें च रूपांतर

(क) लिंग दे आधार उपपर

सभनें पुलिंग आकारान्त विशेषणें दे स्त्रीलिंग रूप बनाने आस्तै स्त्रीरी '-आ' गी '-ई' आदेश होई जंदा ऐ । जि'यां :-

काला कुत्ता (पुलिंग)

काली गौ (स्त्रीलिंग)

मुट्ठा रस्सा (पुलिंग)

मुट्ठी कापी (स्त्रीलिंग)

(ख) वचन दे आधार उप्पर

आकारान्त पुलिंग विशेषणें दे बहुवचन बनाने आस्तै मूल विशेषण दे खीरी ‘-आ’ गी ‘-ए’ आदेश कीता जंदा ऐ ते स्त्रीलिंग विशेषणें दे इकवचन थमां बहुवचन आस्तै खीरी ‘-ई’ गी ‘-इयां’ आदेश होंदा ऐ । जि’यां :-

पीला दबट्टा (पुलिंग, इकवचन)

पीले दबट्टे (पुलिंग, बहुवचन)

पीली पग्ग (स्त्रीलिंग, इकवचन)

पीलियां पग्गां (स्त्रीलिंग, बहुवचन)

(ग) कारक दे आधार उप्पर

कारक-रचना दी द्रिष्टी कन्नै डोगरी विशेषणें च अविकारी, विकारी ते सम्बोधन त्रै कारक न । पुलिंग आकारान्त विशेषणें दे खीरा च अविकारी कारक दे इकवचन लेई ‘-आ’ गै रौहदा ते बहुवचन च ‘-ए’ आदेश होई जंदा ऐ । विकारी कारक दे इकवचन आस्तै खीरा च ‘-आ’ गी ‘-ए’ ते बहुवचन च बी ‘-एं’ आदेश होई जंदा ऐ । किश इक विशेषणें च ते सम्बोधन कारक आस्तै बी’ रूपांतर होंदा ऐ । उत्थै इकवचन च खीरी ‘-आ’ गी ‘-एआ’ ते बहुवचन च ‘-एओ’ होई जंदा ऐ ।

इस्तै चाल्ली ईकरान्त स्त्रीलिंग विशेषणें च बी विशेष्य दे कारक अनुसार रूपांतर होंदा ऐ । अविकारी कारक च इकवचनी रूपें दे खीरा च ‘-ई’ ते बहुवचनी रूपें दे खीरा च ‘-इ’यां’ गै रौहदा ऐ । विकारी कारक च इकवचनी रूपें दे खीरा च ‘-ई’ गै औंदा ऐ ब, बहुवचनी रूपें दे खीरा च ‘-इयें’ होई जंदा ऐ । सम्बोधन कारक च मूल विशेषण दे खीरी ‘-ई’ गी ‘-इये’ ते बहुवचन च ‘-इयो’ आदेश होई जंदा ऐ । जि’यां :-

पुलिंग विशेषण — गोरा

कारक	इकवचन	बहुवचन
अविकारी	गोरा जागत	गोरे जागत
विकारी	गोरे जागत	गोरें जागतें
सम्बोधन	गोरे/गोरेआ जागता	गोरे/गोरेओ जागतो

સ્ત્રીલિંગ વિશેશન — ગોરી

કારક	ઇકવચન	બહુવચન
અવિકારી	ગોરી કુઢી	ગોરિયાં કુઢિયાં
વિકારી	ગોરી કુઢી (ગી)	ગોરિયેં કુઢિયેં (ગી)
સમબોધન	ગોરિયે કુઢિયે	ગોરિયો કુઢિયો

સમ્બોધન કારક આસ્તૈ રૂપાંતર અક્ષર સર્વનામક વિશેશને ચ આમ લભદા એ । જિ'યાં :-

લિંગ	ઇકવચન	બહુવચન
પુલિંગ	મેરેઆ ભાવા	મેરે બચ્વેઓ
સ્ત્રીલિંગ	મેરિયે માએ	મેરિયો બચ્વિયો

(2) વિધેય-વિશેશન દે રૂપા ચ ડોગરી વિશેશને ચ રૂપાંતર

વિધેય વિશેશને દા પ્રયોગ બી વિશેષ્ય-વિશેશને આંગૂ હોંદા એ । ફર્ક છઢા ઇન્ના એ જે વિધેય વિશેશને ચ વિશેષ્ય દે લિંગ તે વચન આસ્તૈ રૂપાંતર હોંદા એ કારક આસ્તૈ નેઈ । વિધેય-વિશેશન પ્રયોગ કર્તૃપૂરક તે કર્મપૂરક દ'ઝં રૂપે ચ હોંદા એ તે દોને રૂપે ચ વિશેષ્યે કન્નૈ વિશેશને દા મેલ બને દા રોંહદા એ ।

કર્તૃપૂરક દે રૂપા ચ વિધેય-વિશેશન

સેઅઝ મિટ્ઠા એ ।	(પુલિંગ ઇકવચન 'આ')
સેઅઝ મિટ્ઠે ન ।	(પુલિંગ બહુવચન '-એ')
નાસ્ર મિટ્ઠી એ ।	(સ્ત્રીલિંગ ઇકવચન '-ઈ')
નાસ્રાં મિટ્ઠિયાં ન ।	(સ્ત્રીલિંગ બહુવચન '-ઈયાં')

કર્મપૂરક દે રૂપા ચ વિધેય-વિશેશન

ગુરુ ને શાગિર્દ સ્યાના બનાયા ।	(પુલિંગ ઇકવચન 'આ')
ગુરુ ને શાગિર્દ સ્યાને બનાએ ।	(પુલિંગ બહુવચન '-એ')

उसने कन्ध **उच्ची** बनाई । (स्त्रीलिंग इकवचन ‘-ई’)

उसने कन्धां **उच्चियां** बनाइयां । (स्त्रीलिंग बहुवचन ‘-इयां’)

6.4 सारांश

इस पाठ गी पढ़िये विद्यार्थियों गी विशेशन ते उसदी परिभाषा, भेद ते लिंग, वचन ते कारक दे आधार उपर डोगरी विशेशनें दी रूप-रचना बारे सरोखड़ जानकारी हासल होई सकग। उ’आं ते संज्ञा ते सर्वनाम शब्द गै सक्रिय तौरा पर वाक्य दे कर्ता दा कम्म-भार सांभदे न, पर विशेशन बी भाषा-प्रयोगे च अपनी खास भूमिका नभाने करी कर्ता-पद दे विस्तार जां उंदी टकोहदगत नशानदेही करदे होई वाक्य दे कर्ता दा अननुदृष्ट हिस्सा होंदा ऐ। ते केई बार विशेशनपद इक्कला गै कर्ता-पद दी भूमिका बी नभांदा ऐ सैह डोगरी भाषा दी व्याकरणिक व्यवस्था च विशेशन-प्रयोग अपनी चेची थाहर रखदा ऐ।

6.5 कठिन शब्द

(क) विशेशता (ख) विस्तार (ग) औरा (घ) अन्दाजन (ङ) दोहराई (च) संख्यावाचक (छ) समूह

6.6 अभ्यास आस्तै सोआल

(क) विशेशन दी परिभाषा लिखो।

.....

.....

.....

.....

.....

(ख) विशेशन दे भेदे-उपभेदे बारे विस्तार कन्ने लिखो।

.....

.....

.....

.....
.....
(ग) वचन ते कारक ते आधार उप्पर विशेशन दी रूप-रचना करो।
.....
.....
.....
.....
.....

6.7 सहायक पुस्तकां

- (क) डोगरी व्याकरण : सम्पादक : डॉ. वीणा गुप्ता
(ख) डोगरी निकास ते विकास : डॉ. बालकृष्ण शास्त्री
(ग) भाशा विज्ञान ते डोगरी : सम्पादक : डॉ. चम्पा शर्मा
सैह सम्पादक : डॉ. वीणा गुप्ता

MASTERS DEGREE PROGRAMME

C. NO. 103

UNIT – 3

SEMESTER - I

LESSON - 7

क्रिया दी परिभाषा ते भेद

7.0 रूपरेखा

7.1 उद्देश्य

7.2 पाठ-परिचे

7.3 पाठ-प्रक्रिया

7.4 सारांश

7.5 कठिन शब्द

7.6 अभ्यास आस्तै सोआल

7.7 सहायक पुस्तकां

7.1 उद्देश्य

इस पाठ गी पढ़ियै विद्यार्थियें गी क्रिया दी परिभाषा ते उसदे भेदें-उपभेदें बारै सरोखड़ जानकारी हासल होई सकग।

7.2 पाठ-परिचे

इस पाठ गी पढ़ियै विद्यार्थियें गी क्रिया दी परिभाषा ते उसदे भेदें बारै तफसीली जानकारी हासल होई सकग।

परिचे

वाक्य च उद्देश्य दे कन्नै दूआ लाजमी अंग विधेय होंदा ऐ ते विधेय दी रचना

च क्रिया केन्द्री भूमिका नभांदी ऐ । क्रिया इक्कली बी सपूरे विधेय दा कम्म करदी ऐ ते क्रिया विशेशन आदि विस्तारकें गी कन्नै लेइयै बी । इस करी ‘क्रिया’ नांऽ दा वाक्भाग भाशा च अपना खास थाहर रखदा ऐ । इस पाठ च क्रिया दी परिभाशा ते उसदे भेदे-उपभेदें दा ब्योरा दित्ता गेदा ऐ ।

7.3 पाठ-प्रक्रिया

क्रिया दी परिभाशा ते भेद

(क) परिचे

(ख) क्रिया दी परिभाशा

(ग) क्रिया दे भेद

क्रिया दी परिभाशा

ओह शब्द जेहड़ा कुसै कम्मै दे होने जां कीते जाने बारै जानकारी देऐ, उसगी व्याकरण च क्रिया आखेआ जंदा ऐ । जि’यां — ओह **पढ़दा** ऐ । में खत **लिखेआ** । इ’नें वाक्यें च ‘पढ़दा’ ते ‘लिखेआ’ क्रिया न । पर एह क्रिया दे कमशः **वर्तमान कालक ते भूतकालक** रूप न जि’न्दी रचना मूल धातु दे अगें ‘अदा’ ते ‘एआ’ प्रत्यय लगियै होंदी ऐ । बुनियादी तौरा पर क्रिया दे मूल अंश गी धातु आखेआ जंदा ऐ — जि’यां पढ़दा च पढ़’ ते लिखेआ च ‘लिख्’ न ।

क्रिया दे भेद

अर्थ ते रचना द’ऊं अधारें पर क्रिया दा वर्गीकरण कीता जंदा ऐ ।

7.3.1 अर्थ दे आधार उपपर क्रिया दे भेद

मुख्य तौरा पर क्रिया दौं चाल्ली दी होंदी ऐ — 1. अकर्मक ते 2. सकर्मक ।

1. अकर्मक (Intransitive) क्रिया

ओह क्रिया (कम्म) जिसदा असर कर्ता उपपर गै पौंदा ऐ अर्थात् जिसगी कर्म दी जरूरत नेई होंदी उसगी ‘अकर्मक क्रिया’ आखेआ जंदा ऐ । जि’यां :- **‘मोहन टुरदा ऐ’** वाक्य च ‘टुरदा’ क्रिया दा असर मोहन उपपर गै पवा करदा ऐ ते “मोहन” वाक्य दा कर्ता ऐ । दुए शब्दें च जि’नें क्रियाएं गी अपने विधान दी पूर्ति आस्तै कर्म

(दे रूपा च संज्ञा) दी जरूरत नेई पौंदी ओह क्रियां अकर्मक होंदियां न । मसाल दे तौरा पर :- डरना, सौना, टुरना, डिग्गना, दौड़ना, लड़ना, हस्सना, रोना, ठरना, झक्कना, खंघना, औना, जाना बगैरा ।

2. सकर्मक (Transitive) क्रिया

ओह क्रिया जिसदे विधान (कम्म) दा असर कर्ता उप्पर नेई बल्के कर्म उप्पर पौंदा ऐ, उसी ‘सकर्मक’ यानी “कर्म दे समेत औने आहली” क्रिया आखदे न । जि’यां :- खाना, पीना, देना, सु’टटना, धोना, छोड़ना, लैना, पुड़छना, कुटटना, पुटटना, सीना बगैरा केई क्रियां सकर्मक न ते इ’दा कम्म-बपार कर्म दे बगैर पूरा नेई होंदा । जेकर कोई आखै ‘जागत धोआ दा ऐ’ तां सुनने आहले गी गल्ल अब्दी बझोंदी ऐ ते पुच्छना पौंदा ऐ ‘केह धोआ दा ऐ ? जेकर इन्ना आखेआ जंदा ‘जागत कमीज धोआ दा ऐ’ तां पैहलें गै क्रिया दा भाव स्पष्ट होई जंदा ते वाक्य बी पूरा बझोंदा ऐ ।

सकर्मक क्रियां जिसलै भूतकाल (पूर्ण) च ओंदियां न तां क्रिया दे कर्ता कन्नै “ने” चि’न्न लगदा ऐ । केई बारी “कर्म” कन्नै ‘गी’ चि’न्न बी लगदा ऐ । मसाल दे तौरा पर — राधा ने रमा गी चिट्ठी लिखी, “जागता ने कुतै गी सोटा मारेआ । बब्बै ने जागतै गी पैसे दित्ते । माली बूहटें गी पानी दिन्दा ऐ । सीता ने मंगतें गी चाह पलाई । नौकरै घोड़े गी भो खलाया । इ’नें वाक्यें च लिखी, मारेआ, दित्ते, दिन्दा ऐ, पलाई, खलाया,—सकर्मक क्रियां न, जि’न्दे कर्म न : क्रमशः चिट्ठी, सोटा, पैसे, पानी, चाह ते भी । इन्दे इलावा इ’नें क्रियाएं कन्नै इक कर्म होर ऐ, जि’न्दे पर उस क्रिया दा फल पवा करदा ऐ । “लिखी” क्रिया दा दूआ कर्म रमा गी; “मारेआ” दा कुत्ते गी ; “दित्ते” दा जागतै गी ‘दिन्दा ऐ’ दा “बूहटें गी” “पलाई” दा मंगतें गी ते “खलाया” दा घोड़े गी ऐ । नेही क्रियाएं गी जि’न्दे कन्नै दो-दो कर्म होन उ’नेंगी दोकर्म (द्विकर्मक) क्रिया आखदे न । द’ऊं कर्म चा इक कर्म क्रिया दे अर्थ दी पूर्ति आस्तै बड़ा जरूरी होंदा ऐ, इसी ‘मुख्र कर्म’ आखदे न । मुख्र कर्म अक्सर कोई चीज-बस्त (पदार्थ) होंदा ऐ । दूआ कर्म कुसै जीबै दा वाचक होंदा ऐ, जिसदे लेई मुख्र कर्म बरतेआ जंदा ऐ । इस कर्म गी ‘गौण कर्म’ आखदे न ते गौण कर्म कन्नै म्हेशां “गी” चि’न्न लगदा ऐ ।

डोगरी च किश सकर्मक धातु (क्रिया) अपने कन्नै “-ओच” प्रत्यय जुड़ने पर अकर्मक धातुएं दे अर्थ च बरतोंदे न । जि’यां :-

अकर्मक

पानी **भरोची** गेआ ।
गल्ल नेई **सनोची** ।
लकड़ी **दलोची** गेई ।
फुल्ल **टंगोचे** दे हे ।
जागत **गुआची** जाग ।

सकर्मक

राधा ने पानी **भरेआ** ।
उसने मेरी गल्ल नेई **सुनी** ।
में लकड़ी **दली** ।
उसने फुल्ल **टंगे** दे हे ।
उसने जागत **गुआई ओड़ेआ** ।

कर्तृपूरक जां उद्देश्यपूर्ति

अकर्मक ते सकर्मक दोऐ चाल्लीं दे धातु केई बारी अपने अर्थ गी पूरी चाल्ली स्पष्ट नेई करी सकदे । उस स्थिति च उद्देश्य (कर्ता) दे अर्थ स्पष्टीकरण आस्तै कर्तृपूरक जां उद्देश्य पूर्ति दे रूपा च **संज्ञा** जां विशेशन शब्द क्रिया दे कन्नै औंदे न । जि'यां '**रामधन गवैया ऐ**' वाक्य च 'ऐ' क्रिया दी पूर्ति 'गवैया' संज्ञा करा करदी ऐ इस करी इत्थै 'गवैया' शब्द उद्देश्य पूर्ति जां कर्तृपूरक ऐ । इसै चाल्ली '**एह डाक्टर स्याना निकलेआ**' इत्थै 'स्याना' शब्द विशेशन ऐ जेहड़ा वाक्य दे उद्देश्य डाक्टर बारे लोड़चदी जानकारी दि'दे होई 'निकलेआ' क्रिया दी अर्थपूर्ति करा करदा ऐ ।

कर्मपूर्ति

अकर्मक क्रियाएं आह्ला लेखा केई बारी सकर्मक क्रियां बी छड़े कर्म दी सहायता कन्नै अपना अर्थ पूरा नेई करी सकदियां, यानि उ'नेंगी बी अपने अर्थ दी पूर्ति आस्तै अपने कर्म कन्नै सरबंधत संज्ञा जां विशेशन दी जरूरत बझोंदी ऐ, जिसगी व्याकरण च 'कर्मपूर्ति' आखदे न । मसाल दे तौरा पर :-

डाक्टरै मरीज **नरोआ** कीता ।

मिगी ओहदी डौल **ढिल्ली** लब्धी ।

में राधा गी **भैन** समझदी ही ।

उ'न्नै पति गी **परमेशर** जानेआ ।

इ'नें वाक्यों च नरोआ, ढिल्ली, भैन, परमेशर बगैरा शब्द कर्मपूर्ति न की जे

एह अपने-अपने कर्म कमशः मरीज, डौल, राधा, ते पति कन्नै सरबन्धत होइयै क्रिया दे अर्थ गी पूरा करदे न । पैहले वाक्य दी क्रिया 'कीता' वाक्यार्थ गी स्पष्ट करने च असमर्थ जन सेही होआ करदी ऐ ते उसगी अपने अर्थ दी पूर्ति आस्तै विशेषण शब्द 'नरोआ' कर्मपूर्ति दे रूपा च लैने दी जरूरत लाजमी बझोई । इ'यां गै बाकी वाक्यें दियें क्रियाएं कमशः 'लब्धी', 'समझदी ही' ते 'जानेआ' गी बी कर्मपूर्ति दा सहारा लैना पेआ ।

डोगरी भाशा दी क्रिया-रचना च अक्सर अकर्मक ते सकर्मक दौनें धातुएं थमां बनी दियां भाववाचक संज्ञां बी 'कर्म' दे रूपा च अपने धातु दी सकर्मक क्रिया कन्नै ओंदियां न । जि'यां :-

अकर्मक धातुएं थमां :-

उन्न म्हेशां गै अपना **रोना** (रोन) रोएआ ।

ओह केई **चालां** चलदा रेहा ।

शरत ने डिरगा जनेहा **हासा** हस्सेआ ।

सकर्मक धातुएं थमां :-

तुसें बी उसदी **झाल** नेई झल्ली ।

में बट्हेरे **जोड़** जोड़े ।

उसने केई **घोखन** घोखे ।

उ'नें सारा **धोन** धोई ओड़ेआ ।

बधाता बी सभनें दे **लेख** लिखदा ऐ ।

पन्नै केई **मेल** मेले, पर किस्मत अपनी ।

7.3.2 रचना दे आधार उप्पर क्रिया दे भेद

रचना दे आधार उप्पर क्रिया (धातुएं) दे दौं भेद न : मौलक क्रिया (सिद्ध धातु) ते यौगक क्रिया (साद्धे दे धातु) ।

1. मौलक क्रिया

मौलक क्रिया च धातु दे मूल रूप गै प्रयुक्त होंदे न अर्थात् मौलक क्रिया

દી રચના ચ મૂલ યાની સિદ્ધ ધાતુએ કન્ને કુસૈ પ્રત્યય બગૈરા દા યોગદાન નેઈ હોંદા ।
 એ ધાતુ અકર્મક તે સર્મક દોં ચાલ્લી દે હોંદે ન (જિ'ન્દા બ્યૌરા પિચ્છેં દિત્તા ગેઆ
 એ) જિ'યાં :- કટ્ટ, ઁપ્, ઁઁઁ, છૂહ, ટપ્, તર્, તોલ્, થ'મ્, દિક્, દે, ઘર્, ન્હૌ,
 પી, પુચ્, ફુટ, બ'ન્, બુઁ, બિ'ન્, મલ્, રક્, ર્, લિમ્, સુન્, હસ્, હાર્,
 હો બગૈરા ।

ઈ'નેં મૌલક ક્રિયાએ ચ વાક્યાર્થ દે મતાબક લિંગ, વચન પુરશ, કાલ, વાચ્ય
 તે અર્થ આસ્તૈ રૂપાન્તર હોંદા એ જિસદી ચર્ચા અગલે પાઠ ચ કીતી ગેદી એ ।

2. યોગક ક્રિયા

ઈ'નેં ક્રિયાએ (ધાતુએ) દી રચના ચ મૂલ ધાતુ જાં શબ્દે દે કન્ને કુસૈ પ્રત્યય
 આદિ દા યોગદાન હોંદા એ । ડુએ શબ્દે ચ ઈ'નેં ક્રિયાએ' દી રચના ઇક થમાં મતે તત્વે
 દે મેલ કન્ને હોંદી એ, ઇસ કરી ઈ'નેંગી સાધત (સાદ્ધી ગેદી) ક્રિયાં ગલાયા જંદા એ ।

યોગક ક્રિયા દે મુક્ક ચાર ભેદ મન્ને જંદે ન : જિ'દે ચ — પ્રેરણાર્થક ક્રિયા,
 સંયુક્ત ક્રિયા, નામધાતુ તે ધ્વન્યાત્મક ક્રિયા શામલ ન ।

7.4 સારાંશ

ઇસ પાઠ ગી પઢિયૈ વિદ્યાર્થિયેં ગી ક્રિયા દી પરિભાશા તે ઁસદે ભેદે-ઁપભેદેં બારૈ
 સરોઁઁઁ જાનકારી હાસલ હોઈ સકગ । ઇસદે લાવા ક્રિયા બારૈ ઁલ્લિયૈ વિદ્યાર્થી જાની
 સકઁઁઁ । વાક્ય ચ ઁદ્દેશ્ય દે કન્ને ઢૂઆ લાઁમી અંગ વિધેય હોંદા એ તે વિધેય દી રચના
 ચ ક્રિયા કેન્દ્રી ભૂમિકા નભાંદી એ । ક્રિયા ઇક્કલી બી સપૂરે વિધેય દા કમ્મ કરદી એ તે
 ક્રિયા વિશેશન આદિ વિસ્તારકેં ગી કન્ને લેઁયૈ ચલદી એ । ઇસ કરી 'ક્રિયા' નાંઁ દા વાક્ભાગ
 ચ અપના ઁસ થાહર રઁદા એ । ઇસ પાઠ ચ ક્રિયા દી પરિભાશા તે ઁસદે ભેદેં-ઁપભેદેં દા
 બ્યૌરા દિત્તા ગેદા એ ।

7.5 કઠિન શબ્દ

(ક) ઇક્કલી (ઁ) વિધેય (ગ) વાક્ભાગ (ઘ) બ્યૌરા (ઁ) ધાતૂ (ચ) અકર્મક
 (છ) સર્મક

7.6 અભ્યાસ આસ્તૈ સોઆલ

(ક) ક્રિયા દી પરિભાશા દસ્સો

.....

.....
.....
.....
.....
(ख) क्रिया दे भेदें उप्पर रोशनी पाओ
.....
.....
.....
.....
.....

7.7 सहायक पुस्तकां

- (क) डोगरी व्याकरण : सम्पादक : डॉ. वीणा गुप्ता
(ख) डोगरी निकास ते विकास : डॉ. बालकृष्ण शास्त्री
(ग) भाशा विज्ञान ते डोगरी : सम्पादक : डॉ. चम्पा शर्मा
सैह-सम्पादक : डॉ. वीणा गुप्ता

MASTERS DEGREE PROGRAMME

C. NO. 103

UNIT – 3

SEMESTER - I

LESSON - 8

क्रिया च वाच्य, काल ते अर्थ रूपायन

- 8.0 रूपरेखा
- 8.1 उद्देश्य
- 8.2 पाठ-परिचे
- 8.3 पाठ-प्रक्रिया
- 8.4 सारांश
- 8.5 कठिन शब्द
- 8.6 अभ्यास आस्तै सोआल
- 8.7 सहायक पुस्तकां
- 8.1 उद्देश्य

इस पाठ जी पढ़िये विद्यार्थियों जी क्रिया च वाच्य, काल ते अर्थ रूपायन बारे सरोखड़ जानकारी हासल होई सकग।

8.2 पाठ-परिचे

इस पाठ जी पढ़िये विद्यार्थियों जी सिर्फ वाच्य काल ते अर्थ कोटियें लेई रूपायन दी चर्चा कीती गेदी ऐ।

परिचे

क्रिया (धातुएं) दी रूप-रचना च जि'नें व्याकरणिक कोटियें दा टकोहदा योगदान होंदा ऐ उं'दे च वाच्य, काल, अर्थ, पुरुष, लिंग ते वचन प्रमुख न । इस पाठ च सिर्फ वाच्य, काल ते अर्थ कोटियें लेई रूपायन दी चर्चा कीती गेई ऐ ।

8.3 पाठ-प्रक्रिया

क्रिया च वाच्य, काल ते अर्थ रूपायन

(क) परिचे

(ख) डोगरी क्रिया च वाच्य-रूपायन

(ग) डोगरी क्रिया च काल-रूपायन

(घ) डोगरी क्रिया च अर्थ रूपायन

डोगरी क्रिया च वाच्य-रूपायन

वाच्य, क्रिया रूप-रचना दी इक प्रमुख व्याकरणिक कोटि ऐ । वाच्य रूपांतर दे राहें वाक्य-अर्थ दे रुख दा पता लगदा ऐ जे इस च वाक्य दा कु'न केहड़ा तत्त्व प्रधान ऐ, अर्थात् कर्ता, कर्म जां फही क्रिया दा भाव इ'नें त्रौनें चा कोहदी प्रधानता ऐ ? इ'ब्बी आखेआ जाई सकदा ऐ जे वाच्य रूप-रचना दे राहें क्रिया ते वाक्य दे होरनें तत्वे मझाटै संबन्धे दा पता लगदा ऐ । जि'यां 'घोड़ा दौड़दा ऐ' इत्थै 'घोड़ा' कर्ता ऐ ते 'दौड़दा ऐ' क्रिया । इ'नें दौनें पदे च लिंग, वचन, पुरुष सम्बन्धी इकरूपता ऐ इसकरी कर्ता दा क्रिया कन्ने सम्बन्ध परतक्ख ऐ ।

मुख्य तौरा पर डोगरी च त्रै वाच्य बरतोंदे न 1. कर्तृवाच्य 2. कर्मवाच्य ते 3. भाववाच्य । ब, किश रले-मिले वाच्य बी भाशा-प्रवाह च अपनी म्हत्ता रखदे न, जि'दे च कर्तृकर्मवाच्य ते कर्तृभाववाच्य अक्सर प्रयोग च औंदे न ।

कर्तृवाच्य

कर्तृवाच्य च कर्ता ते क्रिया दा सिद्धा सम्बन्ध होंदा ऐ । कर्ता म्हेशां अविकारी कारक च होंदा ऐ । कर्तृवाच्य आमतौरा पर अकर्मक क्रियाएं च होंदा ऐ ब, भूतकृदन्ती क्रिया-रूपे गी छोड़ियै होरनें थाहरें सकर्मक क्रियाएं च बी होंदा ऐ । क्रिया दे लिंग वचन ते पुरुष कर्ता दे लिंग, वचन ते पुरुष कन्ने मेल खंदे न अर्थात् क्रिया दे लिंग वचन ते पुरुष कर्ता दे लिंग, वचन ते पुरुष दे अनुरूप होंदे न । जि'यां :-

घोड़ा दौड़दा ऐ ।

पुलिंग इकवचन

घोड़े दौड़दे न ।

पुलिंग बहुवचन

घोड़ी दौड़दी ऐ ।

स्त्रीलिंग इकवचन

घोड़ियां दौड़दियां न ।

स्त्रीलिंग बहुवचन

सकर्मक क्रियाएं दे भूतकृदन्ती रूपें कन्नै वाक्य दे कर्ता गी विकारी रूप इख्तियार करना पौंदा ऐ, इस करी क्रिया दे लिंग ते वचन कर्ता दे लिंग ते वचन कन्नै इकरूप नेई होई सकदे । जि'यां — 'रमा ने खत लिखे' वाक्य च कर्ता 'रमा' स्त्रीलिंग इकवचन ऐ, पर क्रिया 'लिखे' पुलिंग बहुवचन च ऐ ।

कर्तृवाच्य दी रूप-रचना च धातुएं कन्नै काल, अर्थ, लिंग, वचन, पुरश आदि दे प्रत्यय बी लगदे न । उ'आं कर्तृवाच्य आस्तै धातुएं कन्नै कोई प्रत्यय नेई लगदा यानि सिफर प्रत्यय लगदा ऐ ।

जि'यां — "में दौड़दा आं" वाक्य च ।

'दौड़' (मूलधातु) '-अद्' (वर्तमान काल दा प्रत्यय),

'-आ' (पुलिंग इकवचन) ते '-आं' (उत्तमपुरश दा प्रत्यय) दा योग ऐ ते 'दौड़दा आं' कर्तृवाची रूप ऐ । इत्थै वाच्य दा सूचक कोई बी प्रत्यय नजरी नेई आया ।

कर्मवाच्य

कर्मवाच्य च कर्म दी प्रधानता होंदी ऐ ते क्रिया दे लिंग, वचन, पुरश कर्म कन्नै मेल खंदे न । वाक्य दा कर्म म्हेशां अविकारी होंदा ऐ । कर्मवाच्य म्हेशां सकर्मक क्रियाएं च होंदा ऐ । इस वाच्य च कर्ता दी जरूरत नेई होंदी, ब जेकर कर्ता होऐ बी तां करण कारक च होंदा ऐ । जि'यां :-

खत लखोआ

(पुलिंग इकवचन)

(मेरे शा) कताब नेई पढ़ेई ।

(स्त्रीलिंग, इकवचन)

टल्ले सनोए

(पुलिंग, बहुवचन)

चीजां खरदोइयां

(स्त्रीलिंग, बहुवचन)

डोगरी च कर्म वाच्य दी रचना मुख्य धातु दे भूतकृदन्ती रूप कन्नै v जा धातु दे योग कन्नै होंदी ऐ । जि'यां :- लिखेआ गेआ (लखोआ), लिखेआ जंदा (लखोँदा), लिखेआ जाग (लखोग), ब, डोगरी क्रिया-रूपें च संक्षेपीकरण दी विशेषता

દે કારણ મુક્ષ ધાતુ દે મૂલ રૂપ દે કન્નૈ કર્મવાચ્ય આસ્તૈ ‘-ઓ’ પ્રત્યય જુડદા એ । કુતૈ-કુતૈ ‘-ઓ’ પ્રત્યય દે થાહરૈ પર ‘-નો’ પ્રત્યય જાં ફહી ‘-ઓચ્’ પ્રત્યય બી ઔદા એ । ‘-ઓ’ પ્રત્યય જ્યાદાતર વ્યંજનાંત્ ધાતુએ કન્નૈ જુડદા એ તે ઇસદી બરતૂન ‘-નો’ તે ‘-ઓચ્’ દૌને કશા મતી એ । જિ’યાં :-

લિખ્+ઓ=લખો,

ગિન્+ઓ=ગનો

તુપ્+ઓ=તપો,

બુન્+ઓ=બનો આદિ

કાલ, લિંગ, વચન તે પુરશ સૂચક પ્રત્યય ‘-ઓ’ બગૈરા પ્રત્યયે દે બાદ ચ જુડદે ન । જિ’યાં :-

લખો+આ=લખોઆ (ભૂતકાલ, પુલિંગ, ઇકવચન)

લખો+ન્દ્+આ=લખોદા (વર્તમાન, પુલિંગ, ઇકવચન)

લખો+ગ=લખોગ (ભવિષ્ય, ઇકવચન, દોએ લિંગ)

‘-નો’ પ્રત્યય મ્હેશાં સ્વરાંત ધાતુએ કન્નૈ જુડદા એ । જિ’યાં :-

ખા+નો=ખનો+ન્દ્+ઈ=ખનોદી

પી+નો=પનો+ન્દ્+આ=પનોદા

સી+નો=સનો+ગ્=સનોગ

દે+નો=દનો+આ=દનોઆ

ધો+નો=ધનો+ઙ્ન=ધનોઙ્ન

‘-ઓચ’ પ્રત્યય કિશ ઇક ધાતુએ જિ’યાં ભર્, સુન્, ટંગ્, દબ્બ્ બગૈરા કન્નૈ લગદા એ । જિ’યાં :-

સુન્+ઓચ=સનોચ+ઈ=સનોચી

ભર્+ઓચ=ભરોચ+આ=ભરોચા

દબ્બ્+ઓચ=દબોચ+એ=દબોચે

ટંગ્+ઓચ=ટંગોચ+ઈયાં=ટંગોચિયાં

कर्मवाच्यी प्रत्ययें दे योग कन्नै किया दी रूप-रचना च मूल धातु दे सरूप च 'जेहड़ी तब्दीली लभदी ऐ ओह इ'यां ऐ जे एह प्रत्यय लगाने करी मूलधातु दे पैहले जां दुए, जेहड़े बी अक्खर लम्मे (दीर्घ) होन उन्दे स्वर दा जां ते लोप होई जंदा ऐ जां उसदा थाहर 'अ' स्वर लेई लैंदा ऐ । जि'यां :-

लीक्	-	लको,	नचोड़	-	नचड़ो
तुप्प्	-	तपो,	सी	-	सनो
ताल	-	तलो,	सुन	-	सनो
छू	-	छो,	धो	-	धनो
नपीड़	-	नपड़ो,	पी	-	पनो

भाववाच्य

भाववाच्य च कर्ता जां कर्म कुसै बी पक्ख दी प्रधानता नेई होंदी बल्के, क्रिया दा भाव आपूं गै प्रधान होंदा ऐ । इत्थै बी कर्ता लुप्त रौहदा ऐ ब, जेकर होऐ बी तां करण कारक च औंदा ऐ । क्रिया दा रूप म्हेशां अन्य पुरश, पुलिंग, इकवचन आह्ला होंदा ऐ । भाववाच्य दी खास गल्ल एह ऐ जे इस च अक्सर असमर्थता दा भाव अभिव्यक्त होंदा ऐ । जि'यां :-

(मोहन शा)	नेई दड़ोंदा	(पुलिंग, इकवचन)
(घोड़ें शा)	नेई दड़ोंदा	(पुलिंग, बहुवचन)
(कुड़ी शा)	नेई चलोंदा	(स्त्रीलिंग, इकवचन)
(कुड़ियें शा)	नेई चलोंदा	(स्त्रीलिंग, बहुवचन)

भाववाच्य आस्तै बी धातु दे मूल रूप कन्नै 'ओ' प्रत्यय लगदा ऐ । जि'यां :-

“चलोंदा- च 'चल्' (मूल धातु), 'ओ' (भाववाची प्रत्यय) 'न्द्' (वर्तमान काल दा प्रत्यय) ते 'आ' (अन्यपुरश, पुलिंग, इकवचन दा प्रत्यय) ।

उ'आं भाववाच्य दी रचना च बी मुख्य धातु कन्नै हो सहायक धातु दा योग होंदा ऐ । जि'यां — जान होआ (जनोआ), जान होंदा (जनोदा), जान होग (जनोग)

आदि । ब, इत्थै बी संक्षेपीकरण दी प्रवृत्ति कारण मुख्य धातु दे मूल रूप कन्नै-ओ प्रत्यय लगदा ऐ ते अगगें काल-सूचक प्रत्यय दे बाद अन्यपुरुश, पुलिंग, इकवचन दा प्रत्यय ‘-आ’ जुड़दा ऐ । जि’यां :-

टुर्+ओ+ब्+आ=टरोँदा, चढ्+ओ+ग=चढोग, आदि

रले-मिले वाच्य

इस चाल्ली दी वाच्य-रचना च वाक्य-अर्थ च प्रधानता कुसै तत्व दी होंदी ऐ ते तत्वे दी रूप-रचना कुसै बक्ख चाल्ली दी होंदी ऐ। डोगरी च इस चाल्ली दी मिश्रत वाच्य-रचना बड़ी आम ऐ जिस च कर्तृ-कर्म वाच्य ते कर्तृ-भाव वाच्य मते बरतोंदे लभदे न ।

कर्तृ-कर्म वाच्य

इस चाल्ली दी रूप-रचना च, वाक्य-अर्थ च कर्ता दी प्रधानता होंदी ऐ पर क्रिया दी अन्विति (इकरूपता) कर्म कन्नै होंदी ऐ । तुआहीं कर्ता विकारी कर्ता कारक च औँदा ऐ । जि’यां :-

‘राधा ने फुलका पकाया’

वाक्य च ‘राधा’ वाक्य दा कर्ता ऐ ते विकारी रूपा च ऐ, तुआहीं वाक्य दा अर्थ बी जि’यां —‘**राधा दौड़दी ऐ**’ वाक्य आंगू राधा दी प्रधानता उल्ली गै प्रगट करदा ऐ, ब विकारी रूपा च होने करी क्रिया दी इकरूपता राधा कन्नै नेई रेही। उद्धर ‘फुलका’ (कर्म) अविकारी रूपा च ऐ ते क्रिया दी रूप-रचना ‘फुलका’ दा साथ देआ करदी ऐ । इस करी इत्थै कर्तृ-कर्म वाच्य दा रला-मिला प्रयोग आखेआ जाई सकदा ऐ । इ’थै जनेह अनगिनत प्रयोग भाशा च लभदे न।

कर्तृ-भाव वाच्य

इस चाल्ली दी रूप-रचना च बी वाक्यार्थ कर्ता दी प्रधानता प्रगट करदा ऐ ब, क्रिया दी वाच्य-रचना कर्ता ते कर्म, दौने दे विकारी कारक च होने करी नां गै कर्ता कन्नै ते नां गै कर्म कन्नै लिंग, वचन, पुरुश आदि दी इकरूपता रखदी ऐ। इस लेई क्रिया पुलिंग, इकवचन, अन्य पुरुश च होने करी भाववाच्य आह्ला लेखा बझोंदी ऐ । जि’यां :- ‘**माश्टरै जागते गी कुआलेआ**’ वाक्य च ‘माश्टर’ कर्ता ऐ ते कर्ता कारक दे विकारी रूपा च होने करी क्रिया उसदा साथ नेई देआ करदी।

तुआहीं कर्म 'जागतें बी विकारी (कर्म) कारक च ऐ ते क्रिया 'कुआलेआ' ने पुलिंग, इकवचन च होने करी बेलाग जनेहा रूप इखत्यार कीते दा ऐ। इस करी इत्थै कोई इक वाच्य स्पष्ट नेई होइयै कर्तृ ते भाव वाच्यें दा रला-मिला प्रयोग ऐ ।

डोगरी क्रिया च काल-रूपायन

काल (समां) क्रियाएं सरबन्धी व्याकरणिक कोटि ऐ । क्रिया दा ओह रूप जिस राहें क्रिया होने दे समें दी सूचना मिलदी ऐ, उसगी उस क्रिया दा काल आखेआ जंदा ऐ । जि'यां 'दुरेआ', 'दुरदा' ते 'दुरग' दुर धातु दी काल रचना दे त्रै रूप न जि'दे थमां कमशः क्रिया दे भूतकाल, वर्तमानकाल ते भविष्य (भविष्य) काल दी सूचना मिला करदी ऐ।

अर्थ दे आधार उपपर डोगरी क्रियाएं दी काल-रचना

होरनें भाशाएं आह्ला लेखा डोगरी च बी मुख्य त्रै काल न— भूतकाल, वर्तमान काल ते भविष्य (भविष्यत्) काल ।

भूतकाल — बीते दे समें गी व्याकरण च 'भूतकाल' आखेआ जंदा ऐ क्रिया दी भूतकालीन रूप-रचना राहें बीते दे काल च होए दे जां होआ करदे क्रिया-बपार दी जानकारी थोंदी ऐ । जि'यां — ओह डिग्गा, ओह डिग्गा हा, आदि ।

वर्तमानकाल — मौजूदा समें गी 'वर्तमान काल' गलाया जंदा ऐ ते इसदे तैहत मजूदा समें च होने आहले क्रिया-बपार दी सूचना मिलदी ऐ । जि'यां :- ओह जंदा ऐ, ओह जंदा होग, आदि ।

भविष्य — औने आहले समें गी 'भविष्य' गलाया जंदा ऐ ते इस काल दे तैहत औने आहले समें च होने आहले क्रिया दे बपार दा पता चलदा ऐ । जि'यां — ओह जाहग, खबरै में जां, आदि ।

उ'आं भाशा दी क्रिया रूप-रचना च छड़े काल आस्तै रूपांतर (विकार) दी गल्ल नेई कीती जाई सकदी, की जे क्रिया रूप-रचना च वाच्य, काल, अर्थ, लिंग, वचन ते पुरुष सूचक प्रत्यय आम तौरा पर किट्टे रलियै औंदे न । जि'यां :- 'करड' पद भविष्य (काल) दे इलावा उत्तमपुरुष, इकवचन, कर्तृवाच्य, निश्चय अर्थ दी सूचना बी देआ करदा ऐ ।

पही बी विधेय भाग दी रूप-रचना च काल परिवर्तन आस्तै धातु रूपें च लग्गने

આહલે પ્રત્યયેં ગી કાલ-સૂચક પ્રત્યયેં દી જમાતી ચ રક્ષેઆ જાઈ સકદા એ ।

ભૂતકાલ દી રૂપ-રચના

ડોગરી ચ ભૂતકાલ દી રૂપ-રચના દ'ઁ ચાલ્લીં દી મિલદી એ :-

(ક) વ્યજનાંત ધાતુએં દી કાલ-રચના તે

(ઁ) સ્વરાંત ધાતુએં દી કાલ-રચના ।

(ક) વ્યજનાંત ધાતુએં ચ ભૂતકાલ આસ્તૈ સિફર (-૦) પ્રત્યય લગદા એ તે ભૂતકાલ દે એહ રૂપ ભૂતકૃદન્તી રૂપ યુઆંદે ન જેહડે વિશેષનેં આહલા લેખા બ્યહાર કરને કારણ પુલિંગ ઇકવચન ચ '—આ—' જાં '—એઆ', પુલિંગ બહુવચન ચ '—એ', સ્ત્રીલિંગ ઇકવચન ચ '—ઈ' તે સ્ત્રીલિંગ બહુવચન ચ '—ઈયાં' પ્રત્યય ધારણ કરદે ન । જિ'યાં :-

ટુરેઆ, ટુરે, ટુરી તે ટુરિયાં

પુજ્જા, પુજ્જે, પુજ્જી તે પુજ્જિયાં

ક્રિયા દે ભૂતકાલી રૂપેં ચ પુલિંગ ઇકવચન આસ્તૈ '—એઆ' તે '—આ' દો પ્રત્યય બરતોને દા કારણ ભાશા વિજ્ઞાનક બી એ તે પ્રાદેશક ઉચ્ચારણ સમ્બન્ધી બી । ભાશા વિજ્ઞાનક દ્રિષ્ટી કન્નૈ દિક્ષેઆ જા તાં દુત્ત વ્ય જનેં કન્નૈ સમાપ્ત હોને આહલે ધાતુએં કન્નૈ '—એઆ' પ્રત્યય મતા બરતોંદા લભદા એ । જિ'યાં — ભજ્જ — ભજ્જા (ભજ્જેઆ), ઢટ્ઠ — ઢટ્ઠા (ઢટ્ઠેઆ), પુજ્જ — પુજ્જા (પુજ્જેઆ), ડિગ્ગ — ડિગ્ગા (ડિગ્ગેઆ), લબ્ધ — લબ્ધા (લબ્ધેઆ), નસ્સ — નસ્સા (નસ્સેઆ) બગૈરા । ઁ'આં અજ્જકલ બાકી દે ધાતુએં દી કાલ-રચના દે સાદૃશ્ય કારણ ઢટ્ઠેઆ, ભજ્જેઆ, લબ્ધેઆ, નસ્સેઆ બગૈરા રૂપ બી બરતોઆ કરદે ન ।

પ્રાદેશક ઉચ્ચારણ દે આધાર ઉપ્પર ડુગ્ગર દે કિશ પ્હાડી ઇલાકેં ચ '—આ' રૂપ મતા પ્રચલત એ તે સંયુક્ત ભૂતકૃદન્તી રૂપેં ચ જિત્યે ડિગ્ગે દા, તુપ્પે દા આદિ પદ બરતોને લોડદે ન ઉત્યે બી '—આ' દે પ્રભાવ કરી ડિગ્ગા દા, તુપ્પા દા આદિ પદ બરતોંદે ન ।

(ઁ) સ્વરાંત ધાતુએં ચ ભૂતકાલ આસ્તૈ મુક્ષ તૌરા પર '—ત્' પ્રત્યય લગદા એ તે કુતૈ-કુતૈ '—દ્' જાં '—ઢ્' પ્રત્યય બી લગદે ન । ઇત્યે બી પુલિંગ ઇકવચન આસ્તૈ

‘-आ’, बहुवचन आस्तै ‘-ए’, स्त्रीलिंग इकवचन आस्तै ‘-ई’ ते बहुवचन आस्तै ‘-इयां’ प्रत्यय लगदे न । जि’यां :-

सी+त्+आ=सीता

पी+त्+आ=पीता

दे+त्+आ=दित्ता

बौह+ट्+आ=बैहठ

न्हौ+त्+आ=न्हाता

सौ+त्+आ=सुत्ता

खड़ो+त्+आ=खड़ोता

खा+द्+आ=खाद्दा (खाद्धा)

लै+त्+आ=लैता, आदि

वर्तमानकाल दी रूप-रचना

डोगरी क्रिया-रूपें च वर्तमान काल दी रूप-रचना च प्रत्ययें दा योगदान बड़ा स्पष्ट ऐ । इसदे आस्तै बी द’ऊं चाल्ली दी रूप-रचना सामनै औंदी ऐ । इक व्यजनांत धातुएं दी ते दूई स्वरांत धातुएं दी । व्यञ्जनांत धातुएं कन्नै वर्तमान काल दी सूचना आस्तै ‘-अद्’ प्रत्यय लगदा ऐ ते स्वरांत धातुएं कन्नै ‘-न्द’ प्रत्यय । इ’नें काल सूचक प्रत्यये दे योग कन्नै वर्तमान-कृदन्ती रूप बनदे न ते बाद च बक्ख-बक्ख अर्थे लेई लिंग, वचन, पुरुष आदि सूचक प्रत्यय बी लगदे न । जि’यां :-

व्यजनांत धातु — √डर्

डरदा, डरदे, डरदी ते डरदियां — वर्तमान कृदन्ती रूप न ।

डरदा आं, डरदे आं, डरदी आं, डरदियां आं — निश्चय-अर्थ सधारण वर्तमान,

प्रथम पुरुष दे रूप न ।

डरदा एं, डरदे ओ, डरदी एं, डरदियां ओ — निश्चय-अर्थ सधारण वर्तमान,

मध्यम पुरुष दे रूप न ।

डरदा ऐ, डरदे न, डरदी ऐ, डरदियां न — निश्चय-अर्थ सधारण वर्तमान, अन्य

पुरुष दे रूप न ।

व्यजनांत धातु — √पी

पीदा, पीदे, पीदी ते पीदियां — वर्तमान कृदन्ती रूप न ।

पीदा आं, पीदे आं, पीदी आं, पीदियां आं — निश्चय-अर्थ सधारण वर्तमान,

प्रथम पुरुष दे रूप न ।

पीदा एं, पीदे ओ, पीदी एं, पीदियां ओ — निश्चय-अर्थ सधारण वर्तमान,

मध्यम पुरुष दे रूप न ।

पीदा ऐ, पीदे न, पीदी ऐ, पीदियां न — निश्चय-अर्थ सधारण वर्तमान, अन्य

पुरुष दे रूप न ।

डोगरी दे स्वरांत धातुएं √ जा ते √ खा गी वर्तमान काल दी रूप-रचना च क्रमशः “ज” ते “ख” आदेश होई जंदा ऐ । जि’यां :- जंदा (लिपि दी इकरूपता कारण ‘जंदा’ (जन्दा) आदि च ‘न्’ दे थाहर अनुस्वार दा प्रयोग कीता गेआ ऐ ।), खंदा आदि रूपें च ।

भविष्य काल दी रूप-रचना

भविष्य काल दी रूप-रचना आस्तै धातुएं कन्नै मुख्य प्रत्यय ‘-ग्’ लगदा ऐ । उ’आं इसदा इक रूप ‘-ङ’ बी किश-इक थाहरें पर औंदा ऐ । भविष्य काल दी क्रिया रूप-रचना च धातुएं कन्नै कालसूचक प्रत्यय दे बाद लिंग, वचन ते पुरुष आस्तै बी प्रत्यय लगदे न । उत्तम पुरुष, पुलिंग इकवचन ते स्त्रीलिंग इकवचन दौनों च धातु कन्नै काल सूचक प्रत्यय (‘-ग्’ दे थाहर) ‘-ङ’ लगदा ऐ ते लिंग सूचक भेद करने आस्तै कोई प्रत्यय नेई लगदा । बहुवचन च काल सूचक प्रत्यय ‘-ग्’ दे बाद बहुवचन, पुलिंग आस्तै ‘-ए’ ते स्त्रीलिंग आस्तै ‘-इयां’ प्रत्यय लगदे न । जि’यां :-

	इकवचन	बहुवचन
पुलिंग	करङ	करगे
स्त्रीलिंग	करङ	करगियां

मध्यमपुरुष च कालसूचक ‘-ग्’ प्रत्यय दे बाद पुलिंग इकवचन लेई ‘-आ’, बहुवचन लेई ‘-एओ’, स्त्रीलिंग इकवचन लेई ‘-ई’ ते बहुवचन लेई ‘-इयां’ प्रत्यय लगदे न । जि’यां :-

	इकवचन	बहुवचन
पुलिंग	करगा	करगेओ
स्त्रीलिंग	करगी	करगियां

अन्य (त्रीआ) पुरुष च बी कालसूचक प्रत्यय ‘-ग्’ दे बाद पुलिंग ते स्त्रीलिंग इकवचन लेई सिफर प्रत्यय ते दौने दे बहुवचन लेई ‘-न’ प्रत्यय लगदे न । इस पुरुष दी भविष्य रूप-रचना च लिंग सरबन्धी भेद नेई होंदा । जि’यां :-

	इकवचन	बहुवचन
पुलिंग	करग	करङन
स्त्रीलिंग	करग	करङन

डोगरी क्रिया च अर्थ-रूपायन

व्याकरणिक कोटियें च अर्थ नांऽ दी कोटि दा मतलब क्रिया दा विधान करने दी रीति यानि तौर-तरीका समझेआ जंदा ऐ। उ’आं ते भाशा-प्रवाह च अर्थ सरबन्धी बरीकियें-सूखमताएं दी कोई गिनतरी नेई ते इ’नें सूखमताएं गी गै दिखदे होई भाशा दी संरचना च संयुक्त क्रियाएं दा विधान अपनाया गेआ ऐ ते बक्ख-बक्ख चाल्ली दे अर्थे दे सूचक धातुएं गी मुख्ख धातु दे कन्नै सहायक धातुएं दे रूपा च बरतेआ जंदा ऐ। पर जित्थूं तगर साधारण क्रिया-रचना च अर्थ सरबन्धी रूपांतर दा सुआल ऐ ओह इ’नें छें प्रमुख भेदें च नजरी औंदा ऐ :- 1. निश्चय-अर्थ, 2. सम्भाव्य-अर्थ, 3. संदिग्ध अर्थ, 4. संकेत (शर्ती)-अर्थ, 5. आज्ञा-अर्थ ते 6. विधि-अर्थ ।

1. निश्चय-अर्थ

क्रिया दे जिस रूप च क्रिया दा अवधान निश्चय रूपे च व्यक्त होंदा ऐ, उसगी निश्चय-अर्थ रूप गलाया जंदा ऐ । एह अर्थ भूत, वर्तमान ते भविष्य त्रौनें कालें च औंदा ऐ ते पूर्ण ते अपूर्ण पक्खें च बी ।

2. સમ્ભાવ્ય-અર્થ

ક્રિયા દે જિસ રુપ ચ ક્રિયા દે બપાર આસ્તૈ કુસૈ સમ્ભાવના જાં મેદ દી અભિવ્યક્તિ હોંદી એ ઉસગી ક્રિયા દા સમ્ભાવ્ય અર્થ રુપ ગલાયા જંદા એ । સમ્ભાવ્ય-અર્થ ભૂત, વર્તમાન તે ભવિષ્ય ત્રૌનેં કાલેં ચ ઔંદા એ ।

3. સંદિગ્ધ અર્થ

ક્રિયા દે જિસ રુપ ચ ક્રિયા દે બપાર બારૈ સંદેહ ઝલકૈ ઉસગી ક્રિયા દા સંદિગ્ધ-અર્થ રુપ ગલાયા જંદા એ । એહ અર્થ સિર્ફ ભૂત તે વર્તમાન કાલેં ચ ઔંદા એ ।

4. સંકેત-અર્થ

ક્રિયા દા ઓહ રુપ જિસ થમાં ક્રિયા દા બપાર કુસૈ શર્ત દે રુપ ચ હોએ ઉત્થૈ ક્રિયા દા સંકેત-અર્થ રુપ હોંદા એ । એહ અર્થ ભૂતકાલ તે વર્તમાન કાલ ચ ઔંદા એ તે પૂર્ણ-અપૂર્ણ પક્ષેં ચ બી ।

5. આજ્ઞા-અર્થ

ક્રિયા દા ઓહ રુપ જિસ ચા અપને ગિતૈ આજ્ઞા લૈને તે દુએં ગી આજ્ઞા દેને દા અર્થ ઝલકૈ ઉત્થૈ ક્રિયા આજ્ઞાર્થી રુપ ચ હોંદી એ । એહ અર્થ વર્તમાન કાલ તે ભવિષ્ય દે તૈહત ઔંદા એ । અર્થ સરબન્ધી રુપાંતર કી જે પુરશ, લિંગ, વચન આદિ કશા પૂરી ચાલ્લી પ્રભાવિત હોંદા એ ઇસકરી અર્થ દી રુપ-રચના બારૈ અગ્ગેં સમનેં વ્યાકરણિક કોટિયેં દે સાંઝે રુપાંતરણ ચ ચર્ચા કીતી ગેદી એ ।

6. વિધિ-અર્થ

ક્રિયા દે વિધિ-અર્થ રુપ થમાં ભૂતકાલ જાં વર્તમાન કાલ ચ ક્રિયા દે કીતે જાને બારૈ સધારણ જાનકારી મિલદી એ । ઇસ અર્થ ચ ક્રિયા દે સંજ્ઞા-અર્થ રુપ ‘જાના’ આદિ કન્નેં ભૂતકાલ લેઈ ‘હા’ તે વર્તમાન કાલ લેઈ ‘એ’ સંયોગમૂલક ક્રિયા લગદી એ પર સકર્મક ક્રિયાએં કન્નેં કર્મ દે લિંગ વચન બી શામિલ હોઈ જંદે ન, ઇસ કરી ધાતુ દે સંજ્ઞા-અર્થ રુપ બી પુલિંગ-ઇકવચન, પુલિંગ-બહુવચન સ્ત્રીલિંગ-ઇકવચન તે સ્ત્રીલિંગ-બહુવચન ચ બરતોંદે ન । જિ’યાં :-

विधि-अर्थ-वर्तमानकाल

पुलिंग		स्त्रीलिंग	
इकवचन	बहुवचन	इकवचन	बहुवचन
कुर्ता धोना ऐ — कुर्ते धोने न । कमीज धोनी ऐ — कमीजां धोनियां न ।			

विधि-अर्थ-भूतकाल

पुलिंग		स्त्रीलिंग	
इकवचन	बहुवचन	इकवचन	बहुवचन
कुर्ता धोना हा — कुर्ते धोने हे । कमीज धोनी ही — कमीजां धोनियां हियां ।			

8.4 सारांश

इस पाठ गी पढ़िये विद्यार्थियों गी क्रिया च वाच्य, काल ते अर्थ रूपायन दी सरोखड़ जानकारी हासल होई सकग। क्रिया (धातुएं) दी रूप रचना च जि'नें व्याकरणिक कोटियों दा टकोह्दा जोगदान होंदा ऐ उंदे च वाच्य, काल, अर्थ, पुरश, लिंग ते वचन प्रमुख न। इस पाठ च सिर्फ वाच्य, काल ते अर्थ कोटियों लेई रूपायन दी चर्चा कीती गेई ऐ।

8.5 कठिन शब्द

(क) व्याकरणिक (ख) टकोह्दा (ग) रूपायन (घ) अनुरूप (ङ) धातुएं (च) असमर्थता

8.6 अभ्यास आस्तै सोआल

(क) डोगरी क्रिया च वाच्य-रूपायन बारै दस्सो।

.....

.....

.....

.....

.....

(ख) डोगरी क्रिया च काल-रूपायन बारै लिखो।

.....

.....

.....

.....

.....

(ग) डोगरी क्रिया च अर्थ-रूपायन बारै दस्सो।

.....

.....

.....

.....

.....

8.7 सहायक पुस्तकां

(क) डोगरी व्याकरण : सम्पादक : डॉ. वीणा गुप्ता

(ख) डोगरी निकास ते विकास : डॉ. बालकृष्ण शास्त्री

(ग) भाशा विज्ञान ते डोगरी : डॉ. चम्पा शर्मा (सम्पादक)

सैह सम्पादक डॉ. वीणा गुप्ता

MASTERS DEGREE PROGRAMME

C. NO. 103

UNIT – 3

SEMESTER - I

LESSON - 9

डोगरी क्रिया च पुरश, लिंग ते वचन-रूपायन

- 9.0 रूपरेखा
- 9.1 उद्देश्य
- 9.2 पाठ-परिचे
- 9.3 पाठ-प्रक्रिया
- 9.4 सारांश
- 9.5 कठिन शब्द
- 9.6 अभ्यास आस्तै सोआल
- 9.7 सहायक पुस्तकां

9.1 उद्देश्य

इस पाठ गी पढ़िये विद्यार्थियों गी डोगरी क्रिया च पुरश, लिंग ते वचन-रूपायन बारै सरोखड़ जानकारी हासल होई सकग।

9.2 पाठ-परिचे

इस पाठ गी पढ़िये विद्यार्थियों गी डोगरी क्रिया पुरश, लिंग ते वचन रूपायन दे आधार पर तफसीली जानकारी हासल होई सकग।

परिचे

डोगरी भाशा च नामपदें आंगर क्रियापदें च बी पुरश, लिंग ते वचन आस्तै

रूपायन होंदा ऐ जेहड़ा के डोगरी भाशा दी व्याकरणिक संरचना दा अनत्रुट हिस्सा ऐ । इस पाठ च डोगरी क्रिया च पुरश, लिंग ते वचन गितै रूपायन बारै ब्योरा दिता गेदा ऐ ।

9.3 पाठ-प्रक्रिया

(क) डोगरी क्रिया च पुरश, लिंग ते वचन-रूपायन

डोगरी क्रिया च पुरश, लिंग ते वचन-रूपायन

पुरशवाचक सर्वनामों आंगूं डोगरी क्रिया रूप-रचना च उत्तम पुरश, मध्यम पुरश ते अन्य पुरश त्रै पुरश न । संज्ञाएं दे लिंग आहला लेखा पुलिंग ते स्त्रीलिंग दो लिंग ते वचन आंगूं इकवचन ते बहुवचन दो वचन न ।

पुरश रूपांतर क्रिया दे भूतकाली रूपें च निस्बतन घट्ट होंदा ऐ की जे छड़े संदिग्ध ते सम्भाव्य भूतकाल दे रूपें च गौ पुरश-भेद लभदा ऐ, बाकी दे सधारण, पूर्ण, अपूर्ण, संकेतार्थ पूर्ण ते संकेतार्थ अपूर्ण भूत दे रूपें च लिंग ते वचन-भेद होंदा ऐ पुरश-भेद नेई । वर्तमान काल दे संकेतार्थ च बी पुरश-भेद नेई होंदा ।

तुआहीं आज्ञा-अर्थ वर्तमानकाल, आज्ञा-अर्थ भविष्य, सम्भाव्य-अर्थ भविष्य कालें च लिंग-भेद नेई होंदा । इसदे इलावा निश्चय-अर्थ सधारण भविष्य दे रूपें च उत्तमपुरश इकवचन ते अन्यपुरश दे रूपें च बी लिंग-भेद नेई होंदा ।

भिन्न-भिन्न वाच्यें च काल, अर्थ, पुरश, लिंग ते वचन दे आधार उप्पर डोगरी क्रियाएं दी रूप-रचना

कर्तृवाच्य दे रूप

कर्तृवाच्य अकर्मक ते सकर्मक दौनों चाल्ती दी क्रियाएं च औंदा ऐ, की जे सकर्मक क्रिया दे भूतकृदन्ती रूपें च कर्तृवाच्य नेई औंदा, इसकरी सकर्मक क्रियाएं च कर्तृवाच्य निस्बतन घट होंदा ऐ । जेल्लै के अकर्मक क्रियां प जें अर्थ — निश्चय-अर्थ, आज्ञा-अर्थ, सम्भाव्य अर्थ, संदिग्ध अर्थ, संकेत अर्थ; त्रौ कालें — भूत, वर्तमान ते भविष्य; दौ पक्षें — पूर्ण ते अपूर्ण आस्तै विकारी रूप ग्रैहण करदे होई काल ते अर्थ दे रले-मिले सोहलें भेदें दी अभिव्यक्ति करदियां न । जि'यां :-

(क) कर्तृवाच्य — अकर्मक धातु 'दौड़'

(1) निश्चय-अर्थ सधारण भूतकाल

इकवचन				बहुवचन		
	पुलिंग	स्त्रीलिंग		पुलिंग	स्त्रीलिंग	
उ.पु. (में)	दौड़ेआ	दौड़ी	(अस)	दौड़े	दौड़ियां	
म.पु. (तूं)	दौड़ेआ	दौड़ी	(तुस)	दौड़े	दौड़ियां	
अ.पु. (ओह)	दौड़ेआ	दौड़ी	(ओह)	दौड़े	दौड़ियां	
(पुरुष-भेद नहीं)						

(2) निश्चय-अर्थ सधारण भूतकाल

इकवचन				बहुवचन		
	पुलिंग	स्त्रीलिंग		पुलिंग	स्त्रीलिंग	
उ.पु. (में)	दौड़दा हा	दौड़दी ही	(अस)	दौड़दे हे	दौड़दियां हियां	
म.पु. (तूं)	दौड़दा हा	दौड़दी ही	(तुस)	दौड़दे हे	दौड़दियां हियां	
अ.पु. (ओह)	दौड़दा हा	दौड़दी ही	(ओह)	दौड़दे हे	दौड़दियां हियां	
(पुरुष-भेद नहीं)						

(3) निश्चय-अर्थ अपूर्ण भूतकाल

इकवचन				बहुवचन		
	पुलिंग	स्त्रीलिंग		पुलिंग	स्त्रीलिंग	
उ.पु. (में)	दौड़ेआ हा	दौड़ी ही	(अस)	दौड़े हे	दौड़ियां हियां	
म.पु. (तूं)	दौड़ेआ हा	दौड़ी ही	(तुस)	दौड़े हे	दौड़ियां हियां	
अ.पु. (ओह)	दौड़ेआ हा	दौड़ी ही	(ओह)	दौड़े हे	दौड़ियां हियां	
(पुरुष-भेद नहीं)						

(4) सम्भाव्य भूतकाल

इकवचन				बहुवचन			
पुलिंग		स्त्रीलिंग		पुलिंग		स्त्रीलिंग	
उ.पु.	(में)	दौड़आ	होआं	दौड़ी	होआं	(अस)	दौड़े होचै दौड़ियां होचै
म.पु.	(तूं)	दौड़आ	होएं	दौड़ी	होएं	(तुस)	दौड़े होवो दौड़ियां होवो
अ.पु.	(ओह)	दौड़आ	होऐ	दौड़ी	होऐ	(ओह)	दौड़े होन दौड़ियां होन

(5) संदिग्ध भूतकाल

इकवचन				बहुवचन			
पुलिंग		स्त्रीलिंग		पुलिंग		स्त्रीलिंग	
उ.पु.	(में)	दौड़ेआ	होङ	दौड़ी	होङ	(अस)	दौड़े होंगे दौड़ियां होगियां
म.पु.	(तूं)	दौड़ेआ	होगा	दौड़ी	होगी	(तुस)	दौड़े होंगेओ दौड़ियां होगियां
अ.पु.	(ओह)	दौड़ेआ	होग	दौड़ी	होग	(ओह)	दौड़े होङन दौड़ियां होङन

(6) संकेतार्थ अपूर्ण भूतकाल

इकवचन				बहुवचन			
पुलिंग		स्त्रीलिंग		पुलिंग		स्त्रीलिंग	
उ.पु.	(में)	दौड़दा	होंदा	दौड़दी	होंदी	(अस)	दौड़दे होंदे दौड़दियां होंदियां
म.पु.	(तूं)	दौड़दा	होंदा	दौड़दी	होंदी	(तुस)	दौड़दे होंदे दौड़दियां होंदियां
अ.पु.	(ओह)	दौड़दा	होंदा	दौड़दी	होंदी	(ओह)	दौड़दे होंदे दौड़दियां होंदियां

(पुरश-भेद नेई)

(7) संकेतार्थ पूर्ण भूतकाल

इकवचन				बहुवचन			
पुलिंग		स्त्रीलिंग		पुलिंग		स्त्रीलिंग	
उ.पु.	(में)	दौड़ेआ	होंदा	दौड़ी	होंदी	(अस)	दौड़े होंदे दौड़ियां होंदियां
म.पु.	(तूं)	दौड़ेआ	होंदा	दौड़ी	होंदी	(तुस)	दौड़े होंदे दौड़ियां होंदियां

अ.पु. (ओह) दौड़ेआ होंदा दौड़ी होंदी (ओह) दौड़े होंदे दौड़ियां होंदियां
(पुरुष-भेद नेई)

(8) निश्चय-अर्थ सधारण वर्तमानकाल

इकवचन		बहुवचन	
पुलिंग	स्त्रीलिंग	पुलिंग	स्त्रीलिंग
उ.पु. (में) दौड़दा आं/ दौड़दी आं/		(अस) दौड़दे आं/ दौड़दियां आं/	
दौड़नां आं दौड़नी आं		दौड़ने आं दौड़नियां*	
म.पु. (तूं) दौड़दा एं/ दौड़दी एं/		(तुस) दौड़दे ओ दौड़दियां ओ	
दौड़ना एं दौड़नी एं			
अ.पु. (ओह) दौड़दा ऐ दौड़दी ऐ		(ओह) दौड़दे न दौड़दियां न	

(9) निश्चय-अर्थ पूर्ण वर्तमानकाल

इकवचन		बहुवचन	
पुलिंग	स्त्रीलिंग	पुलिंग	स्त्रीलिंग
उ.पु. (में) दौड़ेआ आं दौड़ी आं		(अस) दौड़े आं दौड़ियां आं	
म.पु. (तूं) दौड़ेआ एं दौड़ी एं		(तुस) दौड़े न दौड़ियां ओ	
अ.पु. (ओह) दौड़ेआ ऐ दौड़ी ऐ		(ओह) दौड़े न दौड़ियां न	

* 'दौड़दा आं' थमां दौड़ना आं ते 'दौड़नां' आहला लेखा दौड़दी आं थमां दौड़नी आं ते इ'यां गै दौड़ने आं दौड़नियां, दौड़ना एं बगैरा रूपें च 'द' गी 'न' आदेश होए दा ऐ जिसदा कारण इसदे बाद औने आहले 'आं', 'एं' आदि क्रिया-रूपें दी अनुनासिकता दा प्रभाव ऐ ते इसदे गै कारण 'द' दा 'न' च समीकरण होए दा ऐ ।

** डोगरी क्रिया दी रूप-रचना च निश्चयअर्थ पूर्ण वर्तमान ते सधारण वर्तमानकाल दे अन्य पुरुष पुलिंग ते स्त्रीलिंग इकवचन दे रूपें थमां क्रिया घटने दी परतक्खता प्रगट करने आस्तै पुलिंग च 'ऐ' दे थाहर 'ई' (ओह दौड़ेआ/दौड़दा ई) ते स्त्रीलिंग च 'ऐ' दे थाहर 'आ' (ओह दौड़ी/दौड़दी आ) लगदे न ।

(1 0) सम्भाव्य भूतकाल

इकवचन		बहुवचन	
पुलिंग	स्त्रीलिंग	पुलिंग	स्त्रीलिंग
उ.पु. (में) दौड़दा होआं दौड़दी होआं	(अस) दौड़े होचै दौड़दियां होचै		
म.पु. (तूं) दौड़दा होएं दौड़दी होएं	(तुस) दौड़े होवो दौड़दियां होवो		
अ.पु. (ओह) दौड़दा होऐ दौड़दी होऐ	(ओह) दौड़े होन दौड़दियां होन		

(1 1) संदिग्ध वर्तमानकाल

इकवचन		बहुवचन	
पुलिंग	स्त्रीलिंग	पुलिंग	स्त्रीलिंग
उ.पु. (में) दौड़ेदा होङ दौड़दी होङ	(अस) दौड़े होगे दौड़दियां होगियां		
म.पु. (तूं) दौड़दा होगा दौड़दी होगी	(तुस) दौड़े होगेओ दौड़दियां होगियां		
अ.पु. (ओह) दौड़दा होग दौड़दी होग	(ओह) दौड़े होङन दौड़दियां होङन		

(1 2) आज्ञा-अर्थ वर्तमानकाल

इकवचन		बहुवचन	
पुलिंग	ते	पुलिंग	ते
उ.पु. (में) दौड़ां		(अस) दौड़चै	
म.पु. (तूं) दौड़		(तुस) दौड़ो	
अ.पु. (ओह) दौड़ै		(ओह) दौड़न	

(लिंग-भेद नेई)

(1 3) संकेतार्थ वर्तमानकाल

इकवचन		बहुवचन	
पुलिंग	स्त्रीलिंग	पुलिंग	स्त्रीलिंग
उ.पु. (में) दौड़दा	दौड़दी	(अस) दौड़ेदे	दौड़दियां

મ.પુ.	(તું)	દૌડદા	દૌડદી	(તુસ)	દૌડદે	દૌડદિયાં
અ.પુ.	(ઓહ)	દૌડદા	દૌડદી	(ઓહ)	દૌડદે	દૌડદિયાં
(પુરુશ-ભેદ નેઈ)						

(1 4) નિશ્ચય-અર્થ સધારણ ભવિક્ષ

इकवचन			बहुवचन		
	पुलिंग	स्त्रीलिंग		पुलिंग	स्त्रीलिंग
उ.पु.	(में) दौड़	दौड़	(अस)	दौड़गे	दौड़गियां
म.पु.	(तूं) दौड़गा	दौड़गी	(तुस)	दौड़गेओ	दौड़गियां
अ.पु.	(ओह) दौड़ग	दौड़ग	(ओह)	दौड़ङन	दौड़ङन

(1 5) સમ્ભાવ્ય ભવિક્ષ

ઇકવચન				બહુવચન			
	પુલિંગ	તે	સ્ત્રીલિંગ		પુલિંગ	તે	સ્ત્રીલિંગ
ઉ.પુ.	(મેં)	ઘબરૈ	દૌડાં		(અસ)		દૌડૈ
મ.પુ.	(તું)	ઘબરૈ	દૌડેં		(તુસ)		દૌડો
અ.પુ.	(ઓહ)	ઘબરૈ	દૌડૈ	(ઓહ)	દૌડન		
(લિંગ-ભેદ નેઈ)							

(1 6) આજ્ઞા-અર્થ ભવિક્ષ (અપરતક્ષ)

इकवचन			बहुवचन		
	पुलिंग	ते स्त्रीलिंग		पुलिंग	ते स्त्रीलिंग
उ.पु.	(मैं)	—		(अस)	—

* નિશ્ચય-અર્થ સધારણ ભવિક્ષ દે ક્રિયા-રૂપે થમાં પૈહલે 'જેકર' જાં 'જે' જોડેઆ જા તાં ભવિક્ષ ચ સંકેતાર્થ (જેકર મેં દૌડઙ તાં સ્કૂલ તૌલે પુજ્જઙ) દી અભિવ્યક્તિ હોઈ સકદી ઇ .

म.पु.	(तूं)	दौड़ेआ	(तुस)	दौड़ेओ
अ.पु.	(ओह)	दौड़ै	(ओह)	दौड़न
(लिंग-भेद नेई)				

उत्तम पुरश च भविक्ख आज़ार्थ दे रूप बरतोंदे नेई लभदे । सधारण भविक्ख दे रूपे कन्नै गै एह अभिव्यक्ति कीती जंदी ऐ ।

ख) कर्तृवाच्य — सकर्मक धातु 'पी'

कर्तृवाच्य सकर्मक क्रिया दे भूतकृदन्ती रूपे च नेई औंदा इसकरी सकर्मक क्रियाएं दे कर्तृवाच्य च सभने 16एं कालें ते अर्थे लेई रूपांतर नेई होंदा । जि'ने कालें ते अर्थे च कर्तृवाच्य होंदा ऐ उन्दा ब्यौरा इस चाल्ली ऐ :-

(1) निश्चय-अर्थ अपूर्ण भूतकाल

इकवचन				बहुवचन			
		पुलिंग	स्त्रीलिंग		पुलिंग	स्त्रीलिंग	
उ.पु.	(में)	पीन्दा हा	पीन्दी ही	(अस)	पीन्दे हे	पीन्दियां हियां	
म.पु.	(तूं)	पीन्दा हा	पीन्दी ही	(तुस)	पीन्दे हे	पीन्दियां हियां	
अ.पु.	(ओह)	पीन्दा हा	पीन्दी ही	(ओह)	पीन्दे हे	पीन्दियां हियां	
(पुरुश-भेद नेई)							

(2) संकेतार्थ अपूर्ण भूतकाल

इकवचन					बहुवचन					
	पुलिंग		स्त्रीलिंग		पुलिंग		स्त्रीलिंग			
उ.पु.	(में)	पीन्दा	होंदा	पीन्दी	होंदी	(अस)	पीन्दे	होंदें	पींदियां	होंदियां
म.पु.	(तूं)	पीन्दा	होंदा	पीन्दी	होंदी	(तुस)	पीन्दे	होंदे	पींदियां	होंदियां
अ.पु.	(ओह)	पीन्दा	हा	पीन्दी	होंदी	(ओह)	पीन्दे	होंदे	पींदियां	होंदियां
(पुरुष-भेद नहीं)										

(3) निश्चय-अर्थ सधारण वर्तमानकाल

इकवचन				बहुवचन	
	पुलिंग	स्त्रीलिंग		पुलिंग	स्त्रीलिंग
उ.पु.	(में)	पीन्नां	पीन्नी आं	(अस)	पीन्ने आं पीन्नियां आं
म.पु.	(तूं)	पीन्ना एं	पीन्नी एं	(तुस)	पीन्दे ओ पींदियां ओ
अ.पु.	(ओह)	पीन्दा ऐ	पीन्दी ऐ	(ओह)	पीन्दे न पींदियां न

(4) सम्भाव्य वर्तमानकाल

इकवचन				बहुवचन	
	पुलिंग	स्त्रीलिंग		पुलिंग	स्त्रीलिंग
उ.पु.	(में)	पीन्दा होआं	पीन्दी होआं	(अस)	पीन्दे होचै पींदियां होचै
म.पु.	(तूं)	पीन्दा होएं	पीन्दी होएं	(तुस)	पीन्दे होवो पींदियां होवो
अ.पु.	(ओह)	पीन्दा होऐ	पीन्दी होऐ	(ओह)	पीन्दे होन पींदियां होन

(5) संदिग्ध वर्तमानकाल

इकवचन				बहुवचन	
	पुलिंग	स्त्रीलिंग		पुलिंग	स्त्रीलिंग
उ.पु.	(में)	पीन्दा होड	पींदी होड	(अस)	पीन्दे होगे पींदियां होगियां
म.पु.	(तूं)	पीन्दा होगी	पीन्दी होगी	(तुस)	पीन्दे होगेओ पींदियां होगियां
अ.पु.	(ओह)	पीन्दा होग	पीन्दी होग	(ओह)	पीन्दे होडन पींदियां होडन

(6) आज्ञा-अर्थ वर्तमानकाल

इकवचन			बहुवचन		
पुलिंग	ते	स्त्रीलिंग	पुलिंग	ते	स्त्रीलिंग
उ.पु.	(में)	पियां	(अस)		पीचै
म.पु.	(तूं)	पी	(तुस)		पियो
अ.पु.	(ओह)	पियै	(ओह)		पीन
(लिंग-भेद नेई)					

(7) संकेतार्थ वर्तमानकाल

इकवचन					बहुवचन	
	पुलिंग		स्त्रीलिंग		पुलिंग	स्त्रीलिंग
उ.पु.	(में)	पीन्दा	पीन्दी	(अस)	पीन्दे	पींदियां
म.पु.	(तूं)	पीन्दा	पीन्दी	(तुस)	पीन्दे	पींदियां
अ.पु.	(ओह)	पीन्दा	पीन्दी	(ओह)	पीन्दे	पींदियां
(पुरुष-भेद नेई)						

(8) निश्चय-अर्थ सधारण भविक्ख

इकवचन					बहुवचन	
	पुलिंग		स्त्रीलिंग		पुलिंग	स्त्रीलिंग
उ.पु.	(में)	पीङ्	पीङ्	(अस)	पीगे	पीगियां
म.पु.	(तूं)	पीगा	पीगी	(तुस)	पीगेओ	पीगियां
अ.पु.	(ओह)	पीग	पीग	(ओह)	पीङ्ग	पीङ्ग

(9) सम्भाव्य भविष्य

इकवचन			बहुवचन		
	पुलिंग	ते स्त्रीलिंग		पुलिंग	ते स्त्रीलिंग
उ.पु.	(खबरै)	पियां		(अस)	पीचै
म.पु.	(खबरै)	पी		(तुस)	पियो
अ.पु.	(खबरै)	पियै		(ओह)	पीन
(लिंग-भेद नेई)					

(10) आज्ञा-अर्थ भविष्य (अपरतक्य)

	पुलिंग	ते स्त्रीलिंग		पुलिंग	ते स्त्रीलिंग
उ.पु.	(में)	—		(अस)	—
म.पु.	(तूं)	पीऽआं		(तुस)	पीएओ
अ.पु.	(ओह)	पीऐ		(ओह)	पीन
(लिंग-भेद नेई)					

9.4 सारांश

इस पाठ गी पढ़ियै विद्यार्थियें गी पुरश, लिंग ते वचन-रूपायन बारै सरोखड़ जानकारी हासल ते होई सकग इसदे लावा डोगरी भाशा च नामपदें आंगर क्रियापदें च बी पुरश, लिंग ते वचन आस्तै रूपायन होंदा ऐ। जेहड़ा के डोगरी भाशा दी व्याकरणिक संरचना दा अनत्रुट हिस्सा ऐ। इस पाठ च डोगरी क्रिया च पुरश, लिंग ते वचन गितै रूपायन बारै ब्यौरा दिता गेदा ऐ।

9.5 कठिन शब्द

(क) नामपदें (ख) रूपायन (ग) संदिग्ध (घ) सम्भाव्य (ङ) संकेतार्थ (च) अपूर्ण

9.6 अभ्यास आस्तै सोआल

(क) डोगरी क्रिया च पुरश; लिंग ते वचन-रूपायन बारे तफसीली जानकारी देओ।

.....

.....

.....

.....

.....

9.7 सहायक-पुस्तकां

- (क) डोगरी व्याकरण : सम्पादक : डॉ. वीणा गुप्ता
- (ख) डोगरी निकास ते विकास : डॉ. बालकृष्ण शास्त्री
- (ग) भाशा विज्ञान ते डोगरी : डॉ. चम्पा शर्मा (सम्पादक)
- डॉ. वीणा गुप्ता (सैह सम्पादक)

MASTERS DEGREE PROGRAMME

C. NO. 103

UNIT – 4

SEMESTER - I

LESSON - 10

क्रिया विशेसन

10.0 रूपरेखा

10.1 उद्देश्य

10.2 पाठ-परिचे

10.3 पाठ-प्रक्रिया

10.4 सारांश

10.5 कठिन शब्द

10.6 अभ्यास आस्तै सोआल

10.7 सहायक-पुस्तकां

10.1 उद्देश्य

इस पाठ जी पढ़ियै विद्यार्थियें जी क्रिया-विशेसन दी परिभाशा ते उसदे भेदें-उपभेदें बारै सरोखड़ जानकारी हासल होई सकग।

10.2 पाठ - परिचे

इस पाठ जी पढ़ियै विद्यार्थियें जी क्रिया-विशेसन दी परिभाशा बारै सरोखड़ जानकारी हासल होई सकग। इसदे लावा डोगरी क्रिया विशेसन दे भेदें-उपभेदें बारै सरोखड़ जानकारी हासल होई सकग।

परिचे

भाशा दी सभनें शा म्हत्तवपूर्ण इकाई वाक्य दे विधेय भाग च क्रिया दियां

थाहर, समां ते रीतिसूचक विशेषतां अभीष्ट अर्थ दी अभिव्यक्ति च नुमायां भूमिका अदा करदियां न । ते एह भूमिकां नभाने दे श्रेय 'क्रियाविशेषण' वाक्भाग गी जंदा ऐ । डोगरी भाशा दी व्याकरणिक संरचना च क्रिया-विशेषणें दे प्रयोग दी बड़ी बानगी ऐ जिसदा विश्लेषण इस पाठ च कीता गेदा ऐ ।

10.3 पाठ प्रक्रिया

क्रिया विशेषण

- (क) परिचे
- (ख) क्रिया-विशेषण दी परिभाषा
- (ग) क्रिया विशेषण दे भेद

क्रिया-विशेषण दी परिभाषा

क्रिया दी विशेषता दस्सने आहले शब्दें गी क्रिया-विशेषण आखेआ जंदा ऐ । क्रिया-विशेषणें गी अक्सर अव्यय अर्थात् अविकारी शब्दें दी जमाती च रक्खेआ जंदा ऐ की जे वाक्यें च बरतोंदे होई इंदे रूप-सरूप च लिंग, वचन, कारक, काल, वाच्य, पुरुष आदि गितै तब्दीली नेई दे बरोबर गै होंदी ऐ । जि'यां :-

- (क) जागत अगों-अगों दुरेआ ।
- (ख) कुड़ी अगों-अगों दुरी ।
- (ग) जागत अगों-अगों दुरे ।
- (घ) कुड़ियां अगों-अगों दुरियां ।

इ'नें च'उं वाक्यें च वाक्यें दे कर्ता कमशः पुलिंग इकवचन, स्त्रीलिंग इकवचन, पुलिंग बहुवचन ते स्त्रीलिंग बहुवचन न, पर क्रिया-विशेषण 'अगों-अगों' हर चाल्ली दे कर्ता कन्नै इक्कै जनेहा रेहा । कर्ता दे लिंग, वचन आदि दे मताबक उस च कोई तब्दीली नेई आई । इसै चाल्ली तौले, बल्लें, चिरें बगैरा क्रिया-विशेषण हर हालती च बरोबर इक्कै रूपै च बरतोंदे न ।

कदें-कदें एह क्रिया विशेषण विशेषणें आहला लेखा कर्ता जां कर्म दे लिंग, वचन बगैरा कन्नै समझौता करदे होई उन्दे लिंग ते वचन अनुसार रूपान्तर ग्रहण करन लगी पौंदे न, जि'यां :-

जागत तौला-तौला आया ।

कुड़ी तौली-तौली आवा करदी ही ।

तुस बड़ियां तौलियां टुस करदियां हियां ।

ब्याणे बड़े तौलै उठी आए ।

इ'नें वाक्यें च सिर्फ खीरले वाक्य 'ब्याणे बड़े तौलै उठी आए' च 'तौलै' शब्द शुद्ध क्रिया-विशेषण दे रूपा च बरतोए दा ऐ, जेल्लै के उप्परले त्र'ऊं वाक्यें च "तौला", "तौली" ते "तौलियां" क्रिया विशेषण 'विधेय-विशेषण' यानि कर्तृपूरक ते कर्मपूरक आह्ला लेखा कर्ता आदि दे लिंग, वचन दे मताबक रूपान्तर ग्रैहण करा करदे न । इस चाल्ली रूपान्तर ग्रैहण करने आहले क्रिया-विशेषण अक्सर विशेषणें दे रूपा च बी बरतोंदे न । जि'यां :-

मता कम्म, मते लोक, मतियां चीजां, अगड़ा सफर, अगड़ी बत्त, अगड़ियां गें आदि प्रयोगें च मता, मते, मतियां ते अगड़ा, अगड़ी, अगड़ियां आदि ।

क्रिया-विशेषण दे भेद

मुख्य तौरा पर क्रिया-विशेषणें गी द'ऊं अधारें पर वर्गीकृत कीता जंदा ऐ :-

अर्थ दे आधार उप्पर ते

रचना दे आधार उप्पर

10.3.1 अर्थ दे आधार उप्पर क्रिया-विशेषण दे भेद

अर्थ दी द्रिष्टी कन्नै क्रिया-विशेषणें दे चार भेद होंदे न — 1. कालवाचक क्रिया-विशेषण, 2. स्थानवाचक क्रिया-विशेषण, 3. रीतिवाचक क्रिया-विशेषण ते 4. परिमाण (नाप-तोल) वाचक क्रिया-विशेषण ।

1. कालवाचक क्रिया-विशेषण

जेहड़े क्रिया-विशेषण क्रियाएं दे समें (काल) सरबन्धी विशेषता दसदे न, उ'नेंगी कालवाचक क्रिया-विशेषण आखेआ जंदा ऐ । जि'यां :- अज्ज, कल, परसों, बडलै, दपैहरीं, स'जां, रातीं, सबेल्ला, चिरें, झट्ट, तौले, भ्यागा, तरकालें, परूं, परार, ऐगती, निन्न, तुरत, पैहले, पिच्छें, जदूं, कदूं, अदूं, तदूं, इसलै, उसलै, कुसलै,

जिसलै, दो बजे, ढाई बजे, साढ़े नौ बजे, सवा बारां बजे, डेढ बजे, जनवरी च, बसाख म्हीनै, उन्नी सौ चाली च, ठारां सौ पैंहठ च बगैरा ।

2. स्थानवाचक क्रिया-विशेषण

इस चाल्ली दे क्रिया-विशेषण क्रिया दी थाहर (स्थान) सरबन्धी विशेषता दसदे न, जां फही क्रिया दे थाहर दे बारे च जानकारी दिन्दे न । जि'या :- अन्दर, बाहर, अगों, पिच्छें, मझाटै, बश्कार, दूर, नेडै, कश, कोल, रुआर, पार, उप्पर, ख'ल्ल, हेठ, उरें, परें, इत्थै, उत्थै, कुतै, तांह, तुआंह, बक्खी, बिच्च, सामनै ओहलै, नकेबलै बगैरा । इद्धर, उद्धर, कुद्धर, जिद्धर आदि दिशा सूचक क्रिया विशेषण बी स्थान वाचक क्रिया-विशेषणें च औंदे न ।

3. रीतिवाचक क्रिया-विशेषण

जेहड़े शब्द क्रिया दे ढंग-तरीके (रीति) दी जानकारी देन उ'नेंगी रीतिवाचक क्रिया-विशेषण गलाया जंदा ऐ । जि'यां :-

जोरें, बल्लें, तौलै, सैहजें, सच्चें, झूठें, परतिचै, मताबक, मुड़ियै, आस्ता, चुप्पचाप, पक्क, जकीनन, खबरै, शायद, जरूर, मत, बी, नां, ठीक, स्हेई, बशक्क बगैरा ।

4. परिमाण (नाप--तोल) वाचक क्रिया-विशेषण

इस चाल्ली दे क्रियाविशेषण क्रिया दे नाप-तोल सरबन्धी जानकारी दिन्दे न । मसाल दे तौरा पर :-

किश, किज, कुल्ल, सक्खर, होर, जरा, बिन्द, मता, बड़ा, थोहड़ा, घट्ट, अति बगैरा ।

10.3.2 रचना दे आधार उप्पर क्रिया-विशेषण दे भेद

रचना दे आधार उप्पर क्रिया-विशेषणें दे द'ऊं भेद कीते जाई सकदे न ।

1. मूल क्रिया-विशेषण ते 2. यौगक क्रिया-विशेषण

1. मूल क्रिया-विशेषण

एह क्रिया-विशेषण अक्सर अपने मूल रूपा च बरतोंदे न ते इक्कले गौ अपने अर्थ गी पूरी चाल्ली व्यक्त करदे न । जि'यां :-

i) મૂલ ક્રિયા-વિશેશન-સ્થાનવાચક

તાહીં, સામનૈ, બક્ષી, દૂર, અગ્ગે, અન્દર, ઉત્થૈ, ઇધ્દર, કુતૈ, નેઢૈ, મઝાઢૈ, ઓહલૈ બગૈરા ।

ii) મૂલ ક્રિયા-વિશેશન-કાલવાચક

અજ્જ, હૂન, કલ્લ, પરૂં, બડલૈ, તરકાલૈ, ઇગતી, ઝટ્ટ, ચિરૈ, દપૈહરી આદિ ।

iii) મૂલ ક્રિયા-વિશેશન-રીતિવાચક

બલ્લૈ, જોરૈ, હૌલી, તૌલૈ, પક્ક, જરૂર, સૈહબન, સ્હેઈ, મત આદિ ।

iv) મૂલ ક્રિયા-વિશેશન-પરિમાણસૂચક

થોહઢા, મતા, ય્રાસા, સક્કર, દૂના, મુગતા, ક્યા, બિન્દ, દનાં આદિ ।

મૂલ ક્રિયા-વિશેશન અપને દોહરે (દ્વિત્વ) રૂપે ચ તે સંયુક્ત (દ'ઠં બક્કરે-બક્કરે મૂલ ક્રિયા-વિશેશને દે મેલ કન્નૈ બને દે) રૂપે ચ બી બરતોંદે ન । જિ'યાં :-

દોહરે રૂપે ચ — હૂનૈ-હૂનૈ, દૂર-દૂર, તૌલૈ-તૌલૈ, સબેલ્લા-સબેલ્લા, બડલૈ-બડલૈ, કુતૈ-કુતૈ, કોલ-કોલ, બલ્લૈ-બલ્લૈ, જોરૈ-જોરૈ, દપૈહરી-દપૈહરી, અગ્ગે-અગ્ગે, પિચ્છે-પિચ્છે, નેઢૈ-નેઢૈ બગૈરા ।

સંયુક્ત રૂપ ચ — જદૂં-કદૈ, કદૈ-કુતૈ, અજ્જકલ, પરૂ-પરાર, સચ્વે-ઝૂઠૈ, જિ'યાં-કિ'યાં, દૂર-પાર, અગ્ગે-પિચ્છે, અન્દર-બાહર, કચ્છ-કોલ બગૈરા ।

2. યૌગક ક્રિયા-વિશેશન

ક્રિયા-વિશેશને જાં હોરને શબ્દે અર્થાત્ સંજ્ઞા, સર્વનામ, વિશેશન, ક્રિયા બગૈરા શબ્દે કન્નૈ વિભક્તિ, પરસર્ગ જાં કોઈ હોર તત્ત્વ જોડને કન્નૈ બનને આહલે ક્રિયા-વિશેશને ગી 'યૌગક ક્રિયા-વિશેશન' આચ્છેઆ જંદા ઇ । જિ'યાં :-

(i) ક્રિયા-વિશેશન+પરસર્ગ

ઇસ ચાલ્લી દે ક્રિયા-વિશેશન સ્થાનસૂચક તે કાલસૂચક ક્રિયા-વિશેશને કન્નૈ કારક વિભક્તિ લગ્ગને કન્નૈ બનદે ન । મસાલ દે તૌરા પર :-

इत्थुआं (दा), उत्थुआं, ख'ल्लै गी, अग्गें गी, सामनै दा, जदूं दा, कदूं दा, कल्लै दा, अज्जै दा, परूं दा बगैरा ।

(ii) मध्यसर्ग (मझाटै सर्ग) युक्त क्रिया-विशेशन

कदें नां कदें, कुतै नां कुतै, इत्थों दा इत्थै, कु'त्थों दा कु'त्थै, रोज-बरोज, राती-बराती, न्हेर-मन्हेरे, अज्जो-अज्ज, रातो-रात, अन्दरो-अन्दर, बिच्चो-बिच्च बगैरा ।

(iii) निश्चे दा भाव प्रकट करने जां जोर पाने दे उद्देश्य कन्नै क्रिया-विशेशन कन्नै गै, **बी, धोड़ी, तगर, तक**, ते बगैरा अव्यय बी लाए जंदे न । ते इ'नें अव्ययें दे योग कन्नै बी यौगक क्रिया-विशेशन बनदे न । मसाल दे तौरा पर :-

क्रिया-विशेशन+गै

कोल गै, पैहलें गै, अग्गें गै, अज्ज गै, हून गै, इत्थै गै, अन्दर गै, राती गै, तौले गै, उदर गै, मझाटै गै, अदूं गै बगैरा ।

क्रिया-विशेशन+बी

अन्दर बी, बाहर बी, इत्थै बी, उत्थै बी, कुतै बी, कदें बी, तदूं बी, तांह बी, अग्गें बी, पिच्छें बी, पैहलें बी, अज्ज बी बगैरा ।

क्रिया-विशेशन+धोड़ी, तगर, तक

कल्लै धोड़ी, दूरै तगर, अज्जै तगर, कुत्थूं तगर, इत्थूं तगर, कदूं धोड़ी, कल्लै तक, हूनै तगर, जदूं तक, हाली तक, चिरें धोड़ी बगैरा ।

क्रिया-विशेशन+ते

इत्थै ते, उत्थै ते, अदूं ते, अज्ज ते, हून ते, तदूं ते, परूं ते, इसलै ते, सबेला ते, इच्छर ते बगैरा ।

(iv) यौगिक क्रिया-विशेशन दी रचना संज्ञा आदि दुए शब्दें कन्नै परसर्ग जां कोई होर तच्च जोड़ने कन्नै बी होंदी ऐ । जि'यां :-

(क) संज्ञा दा दोहरा रूप

इक्कै संज्ञा दो बारी बोलने कन्नै बी क्रिया-विशेशन दा अर्थ निकलदा ऐ ते इस चाल्ती दे क्रिया-विशेशन बी यौगक क्रिया-विशेशन दी जमाती च औंदे न । जि'यां :-

चाएं-चाएं, जोरें-जोरें, धुप्पै-धुप्पै, छामें-छामें, ग'लियें-ग'लियें आदि ।

(ख) संज्ञा+संज्ञा जां कोई होर तत्त्व

उ'ऊं बक्ख-बक्ख संज्ञाएं दे मेल कन्नै बी यौगक क्रिया-विशेशन रचे जंदे न । जि'यां :-

अज्जकल, बेल्लै-कबेल्लै, थाहर-कथाहर, रत्ति-मात्तर, खिन-भर, दिन-ब-दिन, रातो-रात , आदि ।

(ग) सर्वनाम दा दोहरा रूप

सर्वनाम दा दोहरा रूप यानि इक्कै सर्वनाम दे दो बारी उच्चारण कन्नै बी यौगक क्रिया-विशेशन बनदे न । जि'यां :-

किज-किज, केह-केह, कोई-कोई आदि ।

(घ) सर्वनाम+सर्वनाम जां कोई होर तत्त्व

अपने-आप, केई-किश, कु'न-कोई, केह-किश, जो-कोई, सब-किश, सब-कोई, इन्ना गै, किश बी, किश ते, इस चाल्ली, इस बेल्लै, बगैरा ।

(ङ) विशेशन दा दोहरा रूप

इक्कै विशेशन गी दो बारी बोलने कन्नै बी क्रिया-विशेशन दा अर्थ व्यक्त होंदा ऐ ते इस चाल्ली दे क्रिया-विशेशन गी बी यौगक क्रिया-विशेशन गलाया जंदा ऐ : जि'यां :-

चूर-चूर, साफ-साफ, बखला-बखला, मिट्ठा-मिट्ठा, काला-काला, लम्मा-लम्मा, बिन्द-बिन्द, कौड़ा-कौड़ा, पुल्ला-पुल्ला बगैरा ।

(च) विशेशन+कोई होर तत्त्व

उ'आं गै, ओपरा-जन, बड़े-शैल, थोहड़ा-चिर, पैहले-बारी, मते-दिन, केई-ब'रे, इक-पासी, दोहरा-झकाऽ आदि ।

(छ) क्रिया दा दोहरा रूप

क्रिया दे कुसै विशेश रूप गी दो बारी बोलने जां लिखने कन्नै बी क्रिया-विशेशन दी अभिव्यक्ति होंदी ऐ ते द'ऊं तत्वे दे मेल कारण, इस चाल्ली दे क्रिया-विशेशन गी बी यौगक क्रिया विशेशन गै गलाया जंदा ऐ । जि'यां :-

दिखदे-दिखदे, खन्दे-खन्दे, दौड़दी-दौड़दी, फिरदा-फिरदा, सोचदे-सोचदे, घसड़ोंदा-घसड़ोंदा, बोलदा-बोलदा, रोन्दी-रोन्दी आदि ।

(ज) द'ऊं बक्ख-बिक्ख क्रियाएं दे मेल कन्नै

डिगदे-ढौंदे, रोंदे-करलांदे, चलदे-फिरदे, नसदे-भजदे, हसदे-खेळदे, खाई-पीऐ, डिग्गी-ढट्टिठ्यै, नहाई-धोइयै बगैरा ।

(झ) क्रिया+कोई होर तत्त्व

खाइयै बी, करियै बी, जाइयै बी, देइयै गै, रोइयै गै, दिक्खियै गै, धोइयै गै आदि ।

केई बारी संज्ञा बगैरा दुए शब्द बी अपने मूल रूपें च बरतोंदे होई क्रिया-विशेषणें दा अर्थ व्यक्त करदे न । इस चाल्ली दे प्रयोग हर भाशा च यादृच्छिक (arbitrary) होंदे न की जे हर भाशा दा अपना मुहावरा होंदा ऐ ते शब्दें दे विशेष प्रसंगें च प्रयोग बी आपो-अपनी प्रयोग-परम्परा मुजब रुढ़ होई चुके दे होंदे न । इसकरी इस चाल्ली दी क्रिया-विशेषण-संरचना उपपर स्थानी अर्थात् प्रादेशक प्रभाव मता होने करी इ'नेगी स्थानी जां प्रादेशक क्रिया-विशेषण गलाया जंदा ऐ । आमतौरा पर संज्ञा, सर्वनाम, विशेषण आदि इस चाल्ली दे क्रिया-विशेषणें दी रचना च योगदान दिन्दे न । जि'यां :-

(क) संज्ञा-शब्द ? क्रिया-विशेषण

जागत सुक्कियै तीला होई गेआ ।

एह खबर सुनदे सार उसदा मन पत्थर होई गेआ ।

उसने तुसेंगी ठिट्ठूं देना ऐ ।

उसने एह कम्म सिर अपना करना ऐ ।

(ख) सर्वनाम शब्द ? क्रिया-विशेषण

उसने तुसेंगी केह-किश नेई आखेआ ।

थुआढ़ियां कताबां एह पेदियां जे ।

इस सारी दुनिया च तुसेंगी चंगा कु'न लब्धा ?

(ग) विशेशन शब्द ? क्रिया-विशेशन

तुस कविता बड़ी रंगीन लिखदे ओ ।

ललारी दबट्टे शैल रंगदा ऐ ।

जागतै दा रंग चिट्ठा फिरी गेआ ।

सौहरे घरा कुड़ी भुक्खी आई ।

10.4 सारांश

भाशा दी सभनें शा म्हत्वपूर्ण इकाई वाक्य दे विधेय भाग च क्रिया दियां थाहर, समां ते रीतिसूचक विशेशतां अभीष्ट अर्थ दी अभिव्यक्ति च नुमायां भूमिका अदा करदियां न। ते एह् भूमिका नभाने दे श्रेय 'क्रिया-विशेशन' वाकभाग गी जंदा ऐ। डोगरी भाशा दी व्याकरणिक संरचना च क्रिया-विशेशन दे प्रयोग दी बड़ी बानगी ऐ जिसदा विश्लेशन इस पाठ च कीता गेदा ऐ।

10.5 कठिन शब्द

(क) इकाई (ख) संरचना (ग) जमाती (घ) तोलै (ङ) अक्सर (च) चिरें

10.6 अभ्यास आस्तै सोआल

(क) क्रिया विशेशन दी परिभाशा लिखो।

.....

.....

.....

.....

.....

(ख) क्रिया-विशेशन दे भेदें-उपभेदें बारै दस्सो।

.....

.....

.....

.....
.....

10.7 सहायक पुस्तकां

- (क) डोगरी व्याकरण : सम्पादक : डॉ. वीणा गुप्ता
- (ख) डोगरी निकास ते विकास : डॉ. बालकृष्ण शास्त्री
- (ग) भाशा विज्ञान ते डोगरी : डॉ. चम्पा शर्मा (सम्पादक)
डॉ. वीणा गुप्ता (सैह-सम्पादक)

MASTERS DEGREE PROGRAMME

C. NO. 103

UNIT – 4

SEMESTER - I

LESSON - 11

सम्बंध-सूचक

11.0 रूपरेखा

11.1 उद्देश्य

11.2 पाठ-परिचे

11.3 पाठ-प्रक्रिया

11.4 सारांश

11.5 कठिन शब्द

11.6 अभ्यास आस्तै सोआल

11.7 सहायक पुस्तकां

11.1 उद्देश्य

इस पाठ गी पढ़ियै विद्यार्थियें गी सम्बंध सूचक दी परिभाषा बारै जानकारी हासिल होग। इसदे लावा सम्बंध सूचक अव्ययें दे भेदें बारै सरोखड़ जानकारी होई सकग।

11.2 पाठ-परिचे

इस पाठ गी पढ़ियै विद्यार्थियें गी सम्बंध सूचक दी परिभाषा, सम्बंध-सूचक अव्ययें दे भेदें बारै सरोखड़ जानकारी हासल होग। इसदे लावा सम्बंध-सूचक अव्ययें दे भेदें-उपभेदें दी बी जानकारी हासल होई सकग।

11.3 पाठ-प्रक्रिया

सम्बंध-सूचक

- (1) परिचे
- (2) सम्बंध-सूचक अव्ययों की परिभाषा
- (3) सम्बंध-सूचक अव्ययों के भेद
- (4) प्रयोग के आधार उपर डोगरी के सम्बंध-सूचक अव्यय

1 1.3.1 परिचे

वाक्य पदों (शब्दों) का पदबंध (शब्द-गुच्छ) के समूह जिन्हे च संज्ञा आदि शब्दों का आपू-चें सरबंध जोड़ने आस्तै ऐसे अव्ययों की लोड़ होंदी ऐ जेहड़े इंदे मझाटै आनियै इंदे च सरबंध स्थापत करदे न । सम्बंध-सूचक अव्यय भाषा च इन्हे भूमिका नभांदे न । इस पाठ च डोगरी सम्बंध-सूचक अव्ययों की परिभाषा ते उंदे भेदें आदि बारै समग्रि दिती गेदी ऐ ।

1 1.3.2 सम्बंध-सूचक अव्ययों की परिभाषा

सम्बंध सूचक अव्यय संज्ञा का संज्ञा के थाहरै उपर बरतोने आहले शब्दों (सर्वनाम आदि) के अगों लगियै वाक्य के कुसै दुए शब्द कन्नै उसदा सम्बंध प्रकट करदे न ।

1 1.3.3 सम्बंध-सूचक अव्ययों के भेद

सम्बंध-सूचक अव्ययों की मुख्य तौरा पर द'ऊं अधारें पर बंडेआ जंदा ऐ : अर्थ के आधार उपर ते प्रयोग के आधार उपर ।

1 1.3.3.1 अर्थ के आधार उपर डोगरी के सम्बंध-सूचक अव्यय

अर्थ के आधार उपर सम्बंध सूचक अव्ययों के भेद इस चाल्ती न :-

(क) काल सूचक — पैहलें, पिच्छें, बाद, परैन्त, मगरा, कन्नै, कन्नो-कन्नी, बरोबर आदि ।

(ख) थाहर सूचक — ख'ल्ल, हेठ, मंझ, मझाटै, बश्कार, उपर, अगों, पिच्छें, सामनै, रुआर, पार, रेडै, गेडै आदि ।

(ग) दिशा सूचक — (इस) आससै, पाससै, बक्खी, ताहीं, तुआहीं, इद्धर, उद्धर, परें आदि ।

(घ) साधन सूचक — राहें, जरि'यै, मारफत, बदौलत, स्हारै, साथें आदि ।

(ङ) नमित्त कां कार्य-कारण सूचक — लेई, ताई, आस्तै, बास्तै, गितै, नमित्त, जोगा, लेखै, करी, कारण, मारे, मुजब आदि ।

(च) 'छोड़ियै' जां 'होर' अर्थ दे सूचक — सवाऽ, (इ) लावा, छुट्ट, बिजन, बगैर, रहत, बगैरा ।

(छ) बट्टे-सट्टा सूचक — बट्टै, बदलै, थाहर, जगह आदि ।

(ज) इक्कै जनेहा जां सादृश्य दे सूचक — सनें, आह्ला लेखा, आंगर, आंगूं, सतुल्ल, जोग, मताबक, अनुसार, बरोबर आदि ।

(झ) बरोध सूचक — बरुद्ध, खलाफ, बपरीत, उल्ट आदि ।

(ञ) साथ सूचक — संग, कन्नै, समेत, सनै, साथें आदि ।

(ठ) परिमाण जां मात्रा सूचक—भर, हारा, जिन्ना, तक, तगर, धोड़ी आदि ।

(ड) विशे सचूक — बारै, बारे च, उप्पर, पर आदि ।

11.3.3.2 प्रयोग दे आधार उप्पर डोगरी दे सम्बंध-सूचक अव्यय

प्रयोग दे आधार उप्पर सम्बंध सूचक अव्यय मुख्य द'ऊं वर्गें च बंडे जंदे न :-

1. संज्ञा आदि नाएं दे विकारी रूप दे कन्नै कारकी चि'न्न दे परैन्त औने आहले (सम्बद्ध) सम्बंध सूचक ते 2. संज्ञा आदि नाएं दे सिर्फ विकारी रूपें कन्नै औने आहले (अनुबद्ध) सम्बंध सूचक। इन्दे इलावा किश नेह सम्बंध सूचक बी हैन जेहड़े दौनें रूपें च बरतोंदे न ते किश नेह बी हैन जेहड़े सुतैन्तर होंदे न ते जि'नें गी कुसै विकारी रूप जां विभक्ति प्रत्यय दी जरूरत नेई होंदी। उ'आं किश अव्यय नेह बी हैन जेहड़े क्रिया-विशेशनें आंगर बी बरतोंदे न ते सम्बंध सूचकें आंगर बी। तुआहीं कारक चि'न्न बी सब्भै सम्बंध सूचक गै होंदे न, पर ओह सुतैन्तर तौरा पर अर्थ प्रगट नेई करी सकदे । कारक (विभक्ति)-चि'न्नें दी चर्चा 'कारक' सिरलेख दे तैहत कीती गेदी ऐ। डोगरी सम्बंध सूचकें दा ब्यौरा इस चाल्ली ऐ :-

(1) नाएं बगैरा दे विकारी रूपें दे कन्नै कारक चि'न्नें दे परैन्त औने आहले (सम्बद्ध) सम्बंध सूचक

इस जमाती च औने आहले डोगरी सम्बंध सूचक अव्यय अपादान कारक चि'न्नें ते जां पही सम्बंध कारक दे चि'न्नें मगरा औंदे न ।

लावा, छुट्ट,

(क) अपादान कारक दे चि'न्नें मगरा औने आहले सम्बंध सूचक—

(थमां) पैहले, (थमां) पिच्छें, (कोला) दूर, (कशा) नेडै, (कशा) परें, (कोला) उरें, (कशा) रेडै, (कशा) गेडै, (थमां) उप्पर, (कशा) अगों बगैरा ।

लेखा, आंगर,

(ख) सम्बंध कारक दे चि'न्नें मगरा औने आहले सम्बंध सूचक :-

(दे) कोल, (दे) कच्छ, (दे) इलावा, (दे) मझाटै, (दे) बश्कार, (दे) सवाऽ, (दे) बजाए, (दे) मगर, (दे) मगरा, (दे) छुट्ट, (दे) बाद, (दे) मताबक, (दे) बाहर, (दे) अन्दर, (दे) खल्ल, (दे) उप्पर, (दे) अगों, (दे) पिच्छें, (दे) कोल, (दे) सामनै, (दे) पार, (दे) परें, (दे) रुआर, (दे) उरें, (दे) ओहलै, (दे) नेडै आदि ।

तगर, धोड़ी

नोट — अगों, पिच्छें कोल, दूर, नेडै, ख'ल्ल उप्पर आदि सम्बंध सूचक तुलना दे अर्थ च अपादान कारक चि'न्नें दे बाद औंदे न ते सम्बंध वाचक अर्थ च सम्बंध कारक दे चि'न्न 'दे' दे बाद । जि'यां :-

साढ़ा घर मन्दरै कशा अगों ऐ । (तुलनात्मक अर्थ, अपादान कारक)

बंडे जंदे न :-

साढ़ा घर मन्दरै दे अगों ऐ । (सम्बंध वाचक अर्थ, सम्बंध कारक)

दे परैन्त औने

री रूपें कन्नै

सूचक बी हैन

न ते जि'नें

किश अव्यय

फें आंगर बी ।

न्तर तौरा पर

रक' सिरलेख

स्कूल चौका थमां पैहलें औंदा ऐ । (तुलनात्मक अर्थ, अपादान कारक)

स्कूल चौका दे पैहलें औंदा ऐ । (सम्बंध वाचक अर्थ, सम्बंध कारक)

(2) संज्ञा आदि नाएं दे सिर्फ विकारी रूपें परैन्त औने आहले (अनुबद्ध) सम्बंध सूचक

आंगर, आंगूं, अ'ल, साहीं, परैन्त, करी, कारण, कोल, पारसै, मारे, बगैरा अव्यय कारक चि'न्नें दी लोड़ नेई बुझदे ते सिर्फ संज्ञा-सर्वनामों दे विकारी रूप कन्नै गै गजारा करी लेंदे न । जि'यां — माऊ आंगर गै, सिगरटै दे गुल्लै साहीं, खाने परैन्त, खेतरे अ'ल (बक्खी), जागतै मगर, जागतै अगों, शिड़का मझाटै, पीडै कारण, शर्मा मारै, कन्धा पिच्छें, मेरे कोल, समुन्दरै पारसै, पुच्छे बगैर, दन्दें अन्दर, रुक्खै हेठ, छप्परै ख'ल्ल, चौकै बश्कार, दरेआ पार बगैरा ।

न्नें दे परैन्त

पादान कारक

इस चाल्ली दे सम्बंध सूचक अव्यय कदें-कदें संज्ञा बगैरा नाएं दे पैहले बी औंदे न । जि'यां :-

बिना खाद्धे, बिजन बचारे, बिला नागे, बगैर रोए, बिना पुच्छे, बिना दिक्खे आदि ।

(3) डोगरी दे किश सम्बंध सूचक अव्यय सम्बद्ध ते अनुबद्ध (संज्ञा बगैरा दे विकारी रूपें दे कन्नै कारक विभक्ति दे बाद बी औंदे न ते कारक विभक्ति दे बगैर बी) दौनें रूपें च औंदे न । मसाल दे तौरा पर :-

छज्जी दे कोल बेही गोआ	—	सम्बद्ध
छज्जी कोल जाइयै बेही गोआ	—	अनुबद्ध
पहाड़ियां झरनें दे बगैर बी होंदियां न	—	सम्बद्ध
फंघे बगैर एह केहड़ा जीब ऐ ?	—	अनुबद्ध
इन्दे अगगें सब किश मात खाई जंदा ऐ	—	सम्बद्ध
द्वारी अगगें इक मेला लगगे दा हा	—	अनुबद्ध
कन्धा दे पिच्छें इक बगीचा हा	—	सम्बद्ध
कन्धा पिच्छें कोई छप्पे दा हा	—	अनुबद्ध
चु'ल्ली दे कच्छ भांडे पेदे हे	—	सम्बद्ध
चु'ल्ली कच्छ बेहियै अगग सेका दा ही ।	—	अनुबद्ध

(4) सुतैन्तर रूपा च बरतोने आहले सम्बंध-सूचक

संज्ञा बगैरा दे विकारी रूपें कन्नै बरतोने आहले सम्बंध-सूचक अव्ययें दे इलावा डोगरी च किश सम्बंध-सूचक नेह बी हैन जिं'दा प्रयोग पूरी चाल्ली सुतैन्तर रूपा च होंदा ऐ । जि'यां :-

भर (दिन भर, खिन भर), मात्तर (रत्ती मात्तर), समुआं, खबरै, कुशबा, अशकें, जन (बमार जन, लिस्सा जन) बगैरा ।

(5) किश थाहर सूचक (स्थानवाचक) ते काल सूचक (समें वाचक) अव्यय प्रयोग दे आधार उपपर कर्दे क्रिया-विशेषण होंदे न ते कर्दे सम्बंध सूचक अव्यय । जि'यां :-

क्रिया-विशेषण

सम्बन्ध-सूचक

बाहर औना जाना चंगा नेई ।

ओह घरा बाहर उठी गेआ ।

में होर अगों जाड ।

घरा अगों इक खूह ऐ ।

मैहरा दुद्धा दा भांडा ख'ल्ल

फाड़ियेदे ख'ल्ल दरेआ बगदा ऐ ।

तोआरदा ऐ ।

सामने दा दरवाजा खु'ल्ला ऐ ।

राजे दे सामनै कि'यां जाड ।

पार उस हवेली च केह ऐ ?

नाले दे पार इक बाग ऐ ।

मल्लिका पिच्छे दा खिच्चिये

सूरज बूहटे दे पिच्छे निकलेआ ।

उसी सामने आहनदी ऐ ।

उ'न्नै बक्खी मूंह करिये अत्थरुं

ओह माऊ बक्खी दिखदा ऐ ।

पूंहजे ।

बाद च सारा कम्म होई गेआ ।

मेरे जाने दे बाद तुस केह करगेओ ।

पैहले ठीक होई जाओ ते कम्म

तुं'दे औने शा पैहले में निश्चिन्त हा ।

बाद च करेओ ।

कोल गै इक गुफा ऐ ।

घरा दे कोल इक हट्टी ऐ ।

(6) आकारान्त सम्बन्ध सूचक अव्ययों की विशेष्य के लिंग, वचन आदि के मताबक रूपान्तर भी होंदा ऐ । जि'यां :-

निक्का सारा जागत

(पुलिंग, इकवचन)

मते सारे लोक

(पुलिंग, बहुवचन)

निक्की सारी चक्की

(स्त्रीलिंग, इकवचन)

मतियां सारियां चीजां

(स्त्रीलिंग, बहुवचन)

इ'यां गै जनेहा, जनेह, जनेही जनेहियां, नेहा, नेह, नेही, नेहियां ।

11.4 સારાંશ

ઇસ પાઠ ચ વિદ્યાર્થીયેં ગી સમ્બંધ-સૂચક અવ્યયેંં દી પરિભાશા તે ભેદેં-ઉપભેદેંં બારેં સરોસ્રઙ્ઙ જાનકારી હાસલ હોઈ સકગ। વાક્ય પદેંં જાં પદબંધે (શબ્દ-ગુચ્છે) દે સમૂહ જિંદે ચ સંજ્ઞા આદિ શબ્દેંં દા આપૂં-ચેંં સરબંધ જોડને આસ્તૈં એસે અવ્યયેંં દી લોડ હોંદી એ જેહ્ડેંં ઇંદે મઙ્ઙાટૈં આનિયૈંં ઇંદે ચ સરબંધ સ્થાપત કરદે ન। સમ્બંધ-સૂચક અવ્યય ભાશા ચ ઇ'યૈંં ભૂમિકા નભાંદે ન। ઇસ પાઠ ચ ડોગરી સમ્બંધ-સૂચક અવ્યયેંંં દી પરિભાશા તે ઁંદે ભેદેંં આદિ બારેં સમગ્રી દિત્તી ગેદી એ।

11.5 કઠિન શબ્દ

(1) પદ (2) પદબંધ (3) સરબંધ (4) સમગ્રી (5) અવ્યય (6) દિશા (7) થાહ્ર

11.6 અભ્યાસ આસ્તૈં સોઆલ

(1) સમ્બંધ સૂચક અવ્યયેંંં દી પરિભાશા લિખો।

.....

.....

.....

.....

.....

(2) સમ્બંધ-સૂચક અવ્યયેંંં દે બારેં દસ્સો।

.....

.....

.....

.....

.....

(3) અર્થ દે આધાર ઉપ્પર ડોગરી દે સમ્બંધ સૂચક અવ્યય બારેં દસ્સો।

.....

.....
.....
.....
.....

11.7 सहायक पुस्तकां

- (1) डोगरी व्याकरण : सम्पादक डा. वीणा गुप्ता
- (2) डोगरी निकास ते विकास : डॉ. बालकृष्ण शास्त्री
- (3) भाशा विज्ञान ते डोगरी : डॉ. चम्पा शर्मा (सम्पादक)
डॉ. वीणा गुप्ता (सैह-सम्पादक)

MASTERS DEGREE PROGRAMME

C. NO. 103

UNIT – 4

SEMESTER - I

LESSON - 12

डोगरी समुच्चय-बोधक

12.0 रूपरेखा

12.1 उद्देश्य

12.2 पाठ-परिचे

12.3 पाठ-प्रक्रिया

12.4 सारांश

12.5 कठिन शब्द

12.6 अभ्यास आस्तै सोआल

12.7 सहायक पुस्तकां

12.1 उद्देश्य

इस पाठ गी पढ़ियै विद्यार्थियों गी डोगरी समुच्चय-बोधक दी परिभाषा ते समुच्चय-बोधक अव्ययें दे भेदें बारै सरोखड़ जानकारी हासल होई सकग।

12.2 पाठ-परिचे

इस पाठ गी पढ़ियै विद्यार्थियों गी समुच्चय-बोधक अव्ययें दी परिभाषा ते उसदे भेदें-उपभेदें बारै सरोखड़ जानकारी हासल होई सकग।

12.3 पाठ-प्रक्रिया

डोगरी समुच्चय-बोधक

- (1) परिचे
- (2) समुच्चय-बोधक अव्ययों की परिभाषा
- (3) समुच्चय बोधक अव्ययों के भेद

12.3.1 परिचे

समुच्चय-बोधक अव्यय भाषा च बक्ख-बक्ख पदियें इकाइयें दा सम्बंध जोड़ियै उ'नेगी इक समूह दा रूप देने च सार्थक भूमिका नभांदे न । इस पाठ च डोगरी के समुच्चय-बोधक अव्ययें बारै जानकारी दिती गेदी ऐ जेहड़े पदें थमां लेइयै उपवाक्यें तगर गी आपूं-चें जोड़दे न ।

12.3.2 समुच्चय-बोधक अव्ययों की परिभाषा

एह अव्यय द'ऊं पदें (शब्दें) पदबन्धें (शब्द-समूहें) जां वाक्यें (उपवाक्यें) दा आपूं चें सम्बन्ध जोड़दे न । समुच्चय दा अर्थ समूह होंदा ऐ ते एह अव्यय अपने योगदान कन्लै इक्कलियें इकाइयें गी जोड़ियै सामूहिक रूप दिन्दे न, इसकरी **समुच्चयबोधक अव्यय** खुआन्दे न । पदें, पदबन्धें, वाक्यें आदि गी जोड़ने की विशेषता कारण इ'नेगी **संयोजक अव्यय** बी गलाया जंदा ऐ ।

12.3.3 समुच्चय-बोधक अव्ययों के भेद

रचना के आधार उपर इ'दे दो भेद होंदे न । 1. मूल ते 2. यौगक । डोगरी च इ'दा प्रयोग बक्ख-बक्ख रूपें च होंदा ऐ । कदें-कदें खास अर्थ की अभिव्यक्ति आस्तै मूल अव्यय कन्लै दुए शब्द बी जुड़दे न ते केई बारी दुए शब्द बी मूल ते यौगक रूपें च समुच्चय-बोधक अव्ययों की भूमिका नभांदे न ।

1. समुच्चय-बोधक अव्यय-मूल

मूल समुच्चय-बोधक अव्यय सुतैन्तर तौरा पर गै (इक्कले गै) योजक (जोड़ने

आहले) दी भूमिका नभांदे न । एह योजक बी दौं चाल्ली दे सम्बन्ध व्यक्त करदे न :-
1. बरोबरी दा (समानाधिकरण) सम्बन्ध ते 2. मतैहती (आश्रित) सम्बन्ध ।

(1) बरोबरी दा सम्बन्ध व्यक्त करने आहले समुच्चय बोधक

इस चाल्ली दे अव्यय द'ऊं पदे, पदबन्धे , वाक्ये बगैरा गी जोड़दे होई उ'ने तत्त्वे गी बरोबर दा म्हत्तव दिन्दे न । कोई तत्त्व बी उ'दे च मुख्य जां गौण अर्थात् घट्ट जां बद्ध म्हत्ता आहला नेई होंदा । सामानाधिकरण सम्बन्ध व्यक्त करने आहले अव्यय बी च'ऊं भांती दे होंदे न । जि'यां :-

- (i) **समूह सूचक** — ते
- (ii) **बरोध सूचक** — पर, ब
- (iii) **विकल्प सूचक** — जां, नां, क्, भाएं
- (iv) **परिणाम सूचक** — तां

जित्थूं तगर पदे ते पदबन्धे गी आपूं चे जोड़ने दा सुआल ऐ उत्थै सिर्फ 'ते' समुच्चयबोधक अव्यय गै बरतोंदा ऐ । बाकी दे सब्भै समानाधिकरण योजक अव्यय उपवाक्ये मझाटे गै औंदे न ते संयुक्त वाक्ये दी रचना च सैहयोग दिन्दे न ।

(क) पद+पद = पदबन्ध

राम+ते+शाम = राम ते शाम

दुख+ते+मलाई = दुख ते मलाई

गौ+ते+बच्छी = गौ ते बच्छी

जागत+ते+कुड़ी = जागत ते कुड़ी आदि ।

(ख) पदबन्ध+पदबन्ध = पदबन्ध

आदमी दे सभाऽ+ते+ओहदिये भावनाएं गी = आदमी दे सभाऽ ते ओहदिये भावनाएं गी ।

आले-दुआले दे अन्ध विश्वासी+ते+कट्टरपंथी लोकें = आले दुआले
दे अन्ध विश्वासी ते कट्टरपंथी लोकें ।

अपने मनै दी+ते+अपनी अकली दी कसौटी = अपने मनै दी ते
अपनी अकली दी कसौटी ।

उं'दा पति+ते उं'दी सन्तान = उं'दा पति ते उं'दी सन्तान ।

(ग) उपवाक्य+उपवाक्य = वाक्य

राधा स्यानी ऐ ते सीता भलोकी — यौगक सम्बन्ध ।

असें इक गल्ल सोची ही ते ओह पूरी होई गई — यौगक सम्बन्ध ।

धर्म दी मूल भावना भाएं इक ऐ पर ओहदे रूप बक्ख-बक्ख
न — बरोध

सूचक सम्बन्ध ।

जान्नी ते सज्जियै तयार होई गई ब अजे तगर प्यूली पन्त नेई आए
— बरोध सूचक सम्बन्ध ।

एह कोई छलावा ऐ ते जां कोई सुखना — विकल्प सूचक सम्बन्ध ।

नां ओह राजकुमारी ऐ ते नां बजीरै दी धी — विकल्प सूचक सम्बन्ध ।

मिगी पैसैं दी लोड़ ही तां बैक गई ही — परिणाम सूचक सम्बन्ध ।

ओहदी डौल ठीक नेई तां उसनै दरखास्त भेजी ऐ—परिणाम सूचक
सम्बन्ध ।

(2) मतैहती सम्बन्ध व्यक्त करने आहले समुच्चय-बोधक

एह अव्यय मिश्र वाक्य दी योजना (संयोजन) च योगदान दिन्दे न । उपवाक्यें
गी जोड़ियै मिश्र वाक्यें दा रूप दिन्दे न । इंदे च सिर्फ 'जे' अव्यय गै मूल रूपा च
अव्यय ऐ बाकी दे अव्यय मूल रूपा च सर्वनाम जां फही क्रिया-विशेषण न । मिश्र

वाक्यें दे उपवाक्यें दे आधार उपर मतैहती सम्बन्ध व्यक्त करने आहले समुच्चयबोध
 एक अव्यय बी त्रै चाल्ली दे होंदे न :-

(1) संज्ञा उपवाक्य-योजक — जे

विशेषण उपवाक्य-योजक — जो-ओह/जेहड़ा-उ'ऐ (मूल रूपा च) सर्वनाम
 न ।

क्रिया-विशेषण उपवाक्य-योजक —

कालवाचक — जदूं-जदूं
 जिसलै-उसलै एह सब अव्यय मूल
 जेल्लै-ओल्लै रूपा च क्रियाविशेषण
 स्थान वाचक — जित्थै-उत्थै अव्यय न ।

जिद्धर-उद्धर

रीतिवाचक — जि'यां-उ'आं

संज्ञा-उपवाक्यें दा संयोजन

तुस समझदे ओ जे गिनतरी दे जोरें तुस सच्चाई दा फैसला करी लैगेओ ?

मुख्य उपवाक्य+संज्ञा उपवाक्य

मिगी बड़ा सन्दोख ऐ जे तुस सब समझदार निकले ।

मुख्य उपवाक्य+संज्ञा उपवाक्य

विशेषण उपवाक्यें दा संयोजन

जेहड़ी गल्लै कशा डरदा हा, आखर उ'ऐ होई ।

विशेषण उपवाक्य+मुख्य उपवाक्य

जो करग ओह भरग ।

विशेषण उपवाक्य+मुख्य उपवाक्य

क्रियाविशेषण उपवाक्यें दा संयोजन

जदू सन् 1971 दी लड़ाई होई ही तदू तूं निककी हारी ही ।

कालवाचक क्रियाविशेषण उपवाक्य+मुख्य उपवाक्य

जिसलै बी में पढ़न लगनां उसलै गै कोई नां कोई कम्म पेई जंदा ऐ ।

कालवाचक क्रियाविशेषण उपवाक्य+मुख्य उपवाक्य

जित्थै अज्जकल स्कूल बने दा ऐ उत्थै पैहलें बाग होंदा हा ।

स्थानवाचक क्रियाविशेषण उपवाक्य+मुख्य उपवाक्य

जिद्धर तुस रौहदे ओ उद्धर गै इक अस्पताल ऐ ।

स्थानवाचक क्रियाविशेषण उपवाक्य+मुख्य उपवाक्य

जि'यां करगेओ उ'आं भरगेओ ।

रीतिवाचक क्रियाविशेषण उपवाक्य+मुख्य उपवाक्य

इ'यां बझोंदा ऐ जि'यां बरखा पौन गै लगी ऐ ।

मुख्य उपवाक्य+रीतिवाचक क्रियाविशेषण उपवाक्य

2. समुच्चयबोधक अव्यय — यौगक

द'ऊं जां मते मूल समुच्चय बोधक अव्ययें दे मेल कन्नै जां फही मूल समुच्चय-बोधक अव्यय कन्नै कुसै दुए शब्द दे मेल कन्नै यौगक समुच्चय- बोधक अव्यय बनदे न । जि'यां :-

द'ऊं समुच्चय-बोधक अव्ययें दे मेल कन्नै

जदू-जदू-तदू-तदू,

जेल्लै-जेल्लै-ओल्लै-ओल्लै, जिसलै-जिसलै-उसलै-उसलै

जो-जो-सो-सो (ओह-ओह)

जेहड़ा-जेहड़ा-उ'ऐ-उ'ऐ

જિ'યાં-જિ'યાં-ઝ'આં-ઝ'આં

તે જે, પર જેઠર, તે પ્હી, જાં પ્હી, તાં ગૈ, નેઈ તાં, નાં તે, જાં તે, કી જે
બગૈરા ।

યૌગક સમુચ્ચયબોધક અવ્યયેં દા પ્રયોગ

જદૂં-જદૂં ઓહ બજાર જંદા એ **તદૂં-તદૂં** બમાર પેઈ જંદા એ ।

જેલ્લૈ-જેલ્લૈ ગઢ્ડી ઔંદી એ **ઓલ્લૈ-ઓલ્લૈ** મેરા ધ્યાન ગુઆચી જંદા
એ ।

જો-જો ઔંદા એ, **ઝ'એ-ઝ'એ** દુઃખ દિન્દા એ ।

જિ'યાં-જિ'યાં લિખી દી હોએ **ઝ'આં-ઝ'આં** ભોગને પૌંદી એ ।

નાં તે હૂન નાંઽ બદલોઈ સકદા એ તે **નાં ગૈ** સભાઽ ।

જાં તે ડુબ્બી સને કપડેં **જાં** તે બેઝા પાર ।

તે **જે** ઓહ મનદી એ તાં તુસ ચુપ્પ ર'વો ।

પર જેઠર ઓહ મન્ની જા તાં માઝા બી કેહ એ ?

ઓહ ઘર જાના ચાંહદા એ **કી** જે માં બમાર એ ।

તે **પ્હી** ઓહ કનેહા હોગ જિન્ન તુન્દી પરખ નેઈ કીતી ।

ઝસદી દાદી **જાં પ્હી** ચાચા ગૈ ઝસદી દિક્ખ-ભાલ કરદે ।

ઓહ બઝી નેક એ, **તાં ગૈ** આચ્છા કરની આં જે મનૈ ચા બુરી ભાવના કઢ્ઢી
દે ।

ઓહ આપૂં ચંગે ન નેઈ **તાં** અજ્જ કુ'ન કુસૈ દા ગુણગાન કરદા એ ।

જાગત ઇન્ના બિગઝી ગેદા એ **ઇત્થૂં ધોઝી** જે માઝ-બલ્બૈ ગી અગ્ગોં
જવાબ દિન્દા એ ।

કેઈ બારી દુઁ શબ્દ બી સમુચ્ચય-બોધક અવ્યયેં આંગર બરતોંદે લભદે ન ।

જિ'યાં :- પ્હી, ઇસ આસ્તૈ, સૈહ, ગૈ નેઈ-બી, બગૈરા ।

केई लोक बड़े चलाक होंदे न, **पही** साढ़ा जागत उ'आं बी मता सिद्धा ऐ।

छेमें घर राहु-केतु किट्टे होआ करदे न **इस आस्तै** बिघ्न जरुर पौग।

मता चिर मांदा रेहा **सैह** हून रैहत होई गोआ ऐ ।

तुम स्याने गै नेई चलाक **बी** खरे ओ ।

12.4 सारांश

इस पाठ जी पढ़िये विद्यार्थियों जी डोगरी समुच्चय-बोधक अव्यय भाशा च बक्ख-बक्ख पढ़ियें इकाइयें दा सम्बंध जोड़िये उ'नेंगी इक समूह दा रूप देने च सार्थक भूमिका नभांदे न। इस पाठ च डोगरी दे समुच्चय-बोधक अव्ययें बारै जानकारी दिती गेदी ऐ जेह्दे पदे थमां लेइयै उपवाक्यें तगर दी आपूं चें जोड़दे न।

12.5 कठिन शब्द

(1) अव्यय (2) इकाइयां (3) समूह (4) सार्थक (5) पद (6) मूल (7) विकल्प (8) परिणाम

12.6 अभ्यास आस्तै सोआल

(1) डोगरी समुच्चय-बोधक दा परिचे लिखो।

.....

.....

.....

.....

.....

(2) समुच्चय-बोधक अव्ययें दी परिभाशा लिखो।

-
-
-
-
-
- (3) समुच्च-बोधक अव्ययें दे भेदें-उपभेदें बारै तफसीली जानकारी देओ।

.....

.....

.....

.....

.....

12.7 सहायक पुस्तकां :

- (1) डोगरी व्याकरण : सम्पादक (डॉ. वीणा गुप्ता)
- (2) डोगरी निकास ते विकास : डॉ. बालकृष्ण शास्त्री
- (3) भाशा विज्ञान ते डोगरी : डॉ. चम्पा शर्मा (सम्पादक)

डॉ. वीणा गुप्ता (सैह-सम्पादक)

MASTERS DEGREE PROGRAMME

C. NO. 103

UNIT – 5

SEMESTER - I

LESSON - 13

डोगरी भाशा दा रम्भ ते विकास

13.0 रूपरेखा

13.1 उद्देश्य

13.2 पाठ-परिचे

13.3 पाठ-प्रक्रिया

13.4 सारांश

13.5 कठिन शब्द

13.6 अभ्यास आस्तै सोआल

13.7 सहायक पुस्तकां

13.1 उद्देश्य

इस पाठ जी पढ़ियै विद्यार्थियों जी डोगरी भाशा दा रम्भ ते विकास ते उसदे जन्म ते विकास बारे सरोखड़ जानकारी हासल होई सकग।

13.2 पाठ-परिचे

इस पाठ जी पढ़ियै विद्यार्थियों जी डोगरी भाशा दे उद्भव-विकास ते जन्म बारे खुल्लियै जानकारी हासल होई सकग। इस पाठ जी पढ़ियै विद्यार्थियों जी भाशा बारे ज्ञान होई सकग जे उंदा मुण्ड कि'यां पेआ होग।

13.3 पाठ-प्रक्रिया

डोगरी भाशा दा रम्भ ते विकास

(1) परिचे

(2) डोगरी भासा दा जन्म ते विकास

1 3.3.1 परिचे

संसार प्रसिद्ध बाखर ऐ “च’ऊं कोहें पर पानी बदलै अट्ठें कोहें पर वाणी” अर्थात् च’ऊं कोहें दे छिण्डे पर पानी दा सुआद ते तसीर बदली जंदे न ते अट्ठें कोहें दे छिण्डें पर बोल्ली च फर्क लब्धन लगी पौंदा ऐ । सच्च बी है । साढ़े इक्कले मुख्य भारत च गै दिक्खो, जिन्ने प्रदेश न उं’दे थमां बद्ध भाशां न ते जेकर पूरे संसार बक्खी नजर मारो तां भाशाएं दी कोई गिनतरी नेई । मुख्य-मुख्य भाशाएं बक्खी गै दिक्खो उ’ब्बी इसलै त्रै ज्हार दी गिनतरी टप्पी गेदियां न । इस चाल्ली इन्नी-मतियां भाशां दिक्खियै खतोला जागदा ऐ जे क्या एह सब्भै बक्खो-बक्ख न जां इन्दा आपूं चें इक-दुए कन्नै कोई नाता सरबन्ध है ? इस सुआलै दे परते आस्तै जिसलै अस इं’दे चा केइयें भाशाएं ते खास करियै आपूं चें रलदे-मिलदे प्रदेशें दियें भाशाएं दा तुलनात्मक अध्ययन करने आं तां उन्दे च मता किश रलदा-मिलदा लभदा ऐ । उं’दी ध्वनि-रचना, पद-रचना, वाक्य-रचना, शब्द भंडार, अर्थ बगैरा च इन्नी सांझ लभदी ऐ जे उ’नेंगी इक्कै कुलै दियां भाशां मन्नना गै ठीक बझौंदा ऐ । जिस चाल्ली इक पुरखे थमां पैदा होए दे सब्भै माहनु इक गोत्र दे मन्ने जंदे न, इससै चाल्ली इक भाशा थमां समें दे प्रवाह च केइयें सगोत्र भाशाएं दा जन्म बी होंदा ऐ, जि’नेंगी इक्कै कुल जां परोआर च रक्खेआ जंदा ऐ । इत्थै भाशा दे संदर्भ च “परोआर” जां “जन्म” शब्द दा प्रयोग मनुक्खी परोआर जां जन्म दे अर्थ च नेई लैता जाना चाहिदा, की जे इत्थै उत्पत्ति जां जन्म दा अर्थ इकदम ‘पैदा होना’ नेई, बल्के सिलसलेवार विकास ऐ । ‘इक भाशा थमां दूई भाशा निकली’ दा मतलब ऐ जे पैहली भाशा मठोंदे-मठोंदे दूई भाशा दा रूप इख्त्यार करी गई । इ’ने रचनागत ते अर्थगत समानताएं दे आधार उपपर विद्वानें संसार दियें भाशाएं दा अध्ययन कीता ते जि’दे च काफी हद्दा तगर सांझ लब्धी उ’नेंगी इक परोआर च रक्खेआ जि’यां :-

संस्कृत	लातिनी	फारसी	अंग्रेजी	जर्मन	डोगरी
पितृ	पातेर	पिदर	फादर	फातेर	पिता/बब्ब

मातृ	मातेर	मादर	मदर	मुत्तेर	माता/मा
भातृ	फातेर	बिरादर	ब्रदर	ब्रूदेर	भाऽ

13.3.2 डोगरी भाशा दा जन्म ते विकास

डोगरी भारतीय आर्य भाशा परोआर दी आधुनिक भाशा ऐ । इसदा विकास-क्रम हिन्दी, मराठी, गुजराती, असामी, बंगाली, उड़िया, राजस्थानी बगैरा दूइयें आधुनिक भारतीय आर्य भाशाएं आहला लेखा गै रेहा ऐ । इसदी संरचना च प्राचीन भाशा वैदिक थमां लेइयै अपने मौजूदा रूप तगर पुज्जने दे सभनें स्तरें पर होए दे सिलसलेवार विकास दियां सब्भै विशेषतां मौजूद न । शुरू-शुरू च आर्ये जिस भाशा च वैदिक साहित्य सिरजेआ हा उसगी **“छन्दस्”** जां **“वैदिक भाशा”** गलाया जंदा ऐ ते विद्वानें वैदिक भाशा दा समां ई.पू. 1500 थमां लेइयै ई. पू. 800 तगर दा मन्ने दा ऐ । बाद च इ’यै भाशा रामायण ते महाभारत दे समें च (लौकिक) संस्कृत खुआन लगी पेई । संस्कृत भाशा अर्थात् लौकिक संस्कृत साहित्य दी भाशा ऐ । जिस चाल्ली हिन्दी भाशा दे सरबन्धा च, जयशंकर प्रसाद दी गद्य जां पद्य भाशा गी बोल-चाल दी भाशा नेई आखेआ जाई सकदा उरसै चाल्ली संस्कृत गी बी बोलचाल दी भाशा नेई आखी सकदे । मतलब एह जे उस बेल्लै, जेल्लै के संस्कृत च साहित्य सिरजना होआ करदी ही, सधारण जनता च बोलचाल आरतै किश जनभाशां प्रचलत हियां, जि’नेंगी **“प्राकृत भाशां”** आखेआ जंदा ऐ । आम जनता दी स्हूलत गी दिखदे होई गै महात्मा बुद्ध ते महावीर स्वामी ने अपने उपदेश अपने समें दी प्राकृते (पालि ते अर्धमागधी) च दित्ते हे ।

इ’नें प्राकृत भाशाएं दा समां लगभग ई. पू. 500 थमां लेइयै सन् 500 ई. तगर मन्नेआ गेआ ऐ । इसदे बाद जिसलै प्राकृते च बी साहित्य रचना होन लगी पेई तां जन सधारण दियां भाशां **“अपभ्रंश”** खुआन लगी पेइयां ते इ’नें अपभ्रंशें दा समां 500 ई. दे करीब-करीब थमां लेइयै 1000 ई. तगर पंज सौ ब’रे रेहा । भारत च आर्य परोआर दी आधुनिक भाशाएं दा विकास इ’नें अपभ्रंश भाशाएं थमां गै होआ ऐ । आखने दा मतलब एह ऐ जे परम्परा सम्बन्ध कन्ने वैदिक भाशा थमां जन्म लैने आहली डोगरी भाशा मध्यकालीन भाशाएं च स्थानी प्राकृत ते

अपभ्रंश दे राहें विकसित होंदे-होंदे अपने बोलचाल दे वर्तमान रूप च पुज्जी ऐ।
इसकरी एह भाशा बी उन्नी गै परानी ऐ जिन्नियां बाकी दियां आधुनिक भारती आर्य
भाशां ।

बाकी दियें आधुनिक आर्य भाशाएं दे जुमरे च डोगरी भाशा दे शुमार गी
दिखदे होई सुआल कीता जाई सकदा ऐ जे जेकर एह भाशा इन्नी गै परानी ऐ तां
इस च इसदे मुंढले काल दी कोई लिखत रचना जां प्रमाण की नेई लभदा ? परते
च इन्ना जरूर आखेआ जाई सकदा ऐ जे कोई बी भाशा जन्म लैदे सार गै साहित्य
दे गासै पर डोगरी मारन लगी पवै एह कोई जरूरी नेई । जन्म लैने दे सौ, दो
सौ ब'रे बाद अपनी पन्थान होने, मान्यता थोने ते रूप-सरूप दे किश निश्चत होने
परैत गै लोक उस भाशा च साहित्य लिखना रम्भ करदे न ते फही 1317 ई. च
अमीर खुसरो आसेआ भारत दियें भाशा-बोल्लियें बारै लिखी गेदी कविता च “इंगरो”
शब्द दी बरतून दिखियै, तुआहीं बाबा जित्तो जनेहियां प्राचीन इतिहासक लोकगाथां
ते लोक-साहित्य दी समृद्ध परम्परा गी दिखदे होई इ'यै जनेह सुआलें दी कोई
जवाज़ियत नेई बझौदी। सगुआं आखेआ जाई सकदा जे होई सकदा ऐ इस प्रदेश
दियां किश अपनियां समस्यां, सीमा-रेखां रेहियां होनियां न जिं'दे करी इसदी भाशा
दे शुरूआती काल च रची जाने आहली रचनाएं गी छपेखाने दी स्याही नेई थोई
सकी जां फही उं'दी साम्भ-सम्हाल नेई होई सकी। इस चाल्ली शुरूआती काल दी
साहित्य-सिरजना दे ठोस प्रमाण नेई मिलने दे केई कारण होई सकदे न, पर इस
गल्ला आधुनिक भारती भाशाएं दी जमाती च इसदे शुमार बारै सुआलिया नशान नेई
लाया जाई सकदा। अर्थात् डोगरी भाशा दा जन्म ई. सन् 1000 दे आले-दुआलै
गै मन्नना मनासब ऐ।

हुन सुआल एह उठदा ऐ जे वैदिक ते लौकिक संस्कृत दे बाद मध्यकाली
प्राकृत भाशाएं चा डोगरी दा सबन्ध कुस केहड़ी प्राकृत कन्नै रेहा होग ? जेल्लै के
पच्छमी हिन्दी, राजस्थानी, फाड़ी आदि भाशां शौरसेनी प्राकृत थमां; मराठी महाराष्ट्री
प्राकृत थमां, बिहारी, बंगाली, उड़िया असामी बगैरा भाशा मागधी प्राकृत थमां
विकसित होने आहलियें अपभ्रंशें थमां निकली दियां मन्नियां जंदियां न । आचार्य
किशोरी दास वाजपेयी दा मत ऐ, जे डुंगर देसै दी अपनी प्राकृत ही, जिसदा

विकसित रूप अज्जै दी डोगरी भाशा ऐ । डा. सिद्धेश्वर वर्मा जनेह उच्चकोटि दे भाशाविज्ञानी ने डोगरी भाशा पर दरद ते प्हाड़ी भाशा दा प्रभाव मन्ने दा ऐ । जित्थूं तगर प्हाड़ी भाशा दी उत्पत्ति दी गल्ल ऐ ओह शौरसेनी प्राकृत थमां मन्नी गेदी ऐ ।

इं'दे इलावा डोगरी भाशा पर भाशा-वैज्ञानिक ढंगा कन्नै कम्म करने आहले किश होरनें विद्वाने बी जिं'दे च प्रो. गौरीशंकर हुन्दा चेचा थाहर ऐ — डोगरी दी उत्पत्ति शौरसेनी प्राकृत थमां मन्नी दी ऐ । असल च एह भाशा “शूरसेन प्रदेश” यानि मथुरा दे आले-दुआले दे इलाके दी भाशा ही, पर एहदा गलबा सभनें प्राकृतें उप्पर मन्नेआ जंदा ऐ । मन्ने-परमन्ने दे भाशाशास्त्री डॉ. हरदेव बाहरी होरे ते शौरसेनी प्राकृत गी महाराष्ट्री प्राकृत थमां बी पराना दस्सेआ ऐ ते वररुचि जनेह प्राचीन वैयाकरणे इसगी “प्रकृति संस्कृतम्” आखियै इसदी मान-महत्ता पर लोऽ पाई ऐ । इस प्राकृत पर संस्कृत दा बड़ा मता प्रभाव हा ते डोगरी कन्नै इस प्राकृत दा गूहड़ा सरबन्ध । ऐ, की जे डोगरी दियां ध्वनिगत ते व्याकरणगत विशेषतां शौरसेनी प्राकृत कन्नै मती हदा तगर मिलदियां न । जि'यां :-

1. शौरसेनी प्राकृत च संस्कृत ‘ऋ’ दा विकास ‘इ’ रूपा च मिलदा ऐ ते शौरसेनी दी एह प्रवृत्ति डोगरी च बी हूबहू मिलदी ऐ । जि'यां :-

संस्कृत पशष्ठ > शौरसेनी पिट्ठ > डोगरी पिट्ठ

संस्कृत शृगाल > शौरसेनी सियार > डोगरी सियाड़

संस्कृत मशक्तिका > शौरसेनी मिट्टिआ > डोगरी मिट्टी/मिती

2. शौरसेनी च संस्कृत “क्ष” दा क्ख् जां “च्छ” रूपे च विकास होए दा लभदा ऐ जद् के डोगरी च बी संस्कृत “क्ष” ध्वनि अपना मूल सुआतम तज्जियै “क्ख्” जां “च्छ” रूपे च बरतौदी लभदी ऐ । मसाल दे तौरा पर :-

संस्कृत भिक्षा > शौरसेनी भिक्ख > डोगरी भिक्ख

संस्कृत मक्षिका > शौरसेनी मक्खिआ > डोगरी मक्खी

संस्कृत क्षुरक > शौरसेनी छुरअ > डोगरी छुरा

સંસ્કૃત ઋક્ષ > શૌરસેની રિચ્છ > ડોગરી રિચ્છ

3. શૌરસેની પ્રાકૃત ચ સંસ્કૃત દે સંયુક્ત વ્યજનેં ગી તે વ્યજન-લોપન ગી ક્ષતિપૂરક (ઘાટા પૂરને આહલા) દીર્ઘીકરણ હોએ દા એ । ડોગરી ચ બી સંસ્કૃત શબ્દેં ચ વ્યજન-લોપન કન્નૈ હોને આહલે ઘાટે ગી પૂરને આસ્તૈ શબ્દ ચ મૌજૂદ કુસૈ સ્વર દા દીર્ઘીકરણ હોઈ જંદા એ । જિ'યાં :-

સંસ્કૃત તડાગ > શૌરસેની તલાઅ > ડોગરી તલાડ

સંસ્કૃત વાદ્ય > શૌરસેની બાજ્જઅ > ડોગરી બાજ્જા

સંસ્કૃત કંઠિકા > શૌરસેની કંઠિઆ > ડોગરી કૈંઠી

સંસ્કૃત નત્ય > શૌરસેની નચ્ચ > ડોગરી નાચ

4. સંસ્કૃત દે સંયુક્ત વ્યજન (સંયુક્ત વ્યજનેં જિ'યાં ક્ત દા ક્, ગ્ન દા ગ્, ર્ણ દા ર્ બગૈરા અપને અગલે વ્યજન કમશઃ ત્, ન્, ણ્ આદિ દા અનુરૂપ બનિયૈ) શૌરસેની પ્રાકૃત ચ પુરોગામી (Progressive) સમીકરણ કશા પ્રભાવિત હોંદે ન । ડોગરી ચ બી એહ સંયુક્ત વ્યજન ઇસૈ ચાલ્લી દે ધ્વનિ-પરિવર્તન ગી ગૈહ્ણ કરદે હોઈ શૌરસેની પ્રાકૃત કન્નૈ અપના સાક જતલાંદે ન । જિ'યાં :-

સંસ્કૃત સર્પ > શૌરસેની સપ્પ > ડોગરી સપ્પ

સંસ્કૃત અષ્ટ > શૌરસેની અટ્ઠ > ડોગરી અટ્ઠ

સંસ્કૃત અદ્ય > શૌરસેની અજ્જ > ડોગરી અજ્જ

સંસ્કૃત સત્ય > શૌરસેની સચ્ચ > ડોગરી સચ્ચ

5. શૌરસેની પ્રાકૃત ચ સંસ્કૃત કર્મવાચ્ય દે “ચ- ગી “ઇઅ” હોઈ જંદા એ તે ભાશા ચ સંયોગાત્મકતા દા ગુણ બનેઆ રોંહદા એ (સંસ્કૃત ગમ્યતે > શૌરસેની ગમિઆદિ;

संस्कृत कियते > शौरसेनी करिअदि आदि) डोगरी च बी कर्मवाच्य ते भाववाच्य दे रूपे च संयोगात्मकता दी विशेषता बरोबर लभदी ऐ । इत्थै संस्कृत दे कर्मवाच्य दे प्रत्यय “-य” गी “-ओ” होई जंदा ऐ जि’यां :- संस्कृत पठ्यते > डोगरी पढ़ेंदा, संस्कृत गम्यते डोगरी जनोदा, आदि उदाहरण डोगरी ते शौरसेनी दी इक्कै जनेही वृत्ति गी स्पष्ट करदे न ।

6. शौरसेनी प्राकृत ते डोगरी भाशा दी व्याकरणिक संरचना च पूर्वकालिक कृदन्ती क्रिया-रूपे च बी खासी सांझ लभदी ऐ । जि’यां :-

संस्कृत आगत्य > शौरसेनी आइअ > डोगरी आइयै

संस्कृत कश्त्य > शौरसेनी करिअ > डोगरी करियै

संस्कृत चलित्वा > शौरसेनी चलिअ > डोगरी चलियै

इस चाल्ली मध्यकालीन भारतीय आर्य भाशा शौरसेनी प्राकृत कन्नै ध्वनि संरचना, व्याकरणिक संरचना आदि बक्ख-बक्ख खेतरें च डोगरी भाशा दी सांझ दिखदे होई आखेआ जाई सकदा ऐ जे भारतीय आर्य भाशा दे मध्य काल च डोगरी दा शौरसेनी प्राकृत कन्नै करीबी सरबन्ध रेहा ऐ ।

मध्यकालीन भाशाएं दा खीरी दौर अपभ्रंश भाशाएं दा ऐ, जि’दा समां ई. सन् 500 कशा लेइयै ई. सन् 1000 तगर मन्नेआ जंदा ऐ । लगभग सभनें आधुनिक भाशाएं दे विकास दी द्रिष्टी कन्नै अपभ्रंश काल दा खास म्हत्तव ऐ; की जे सब्भे आधुनिक भाशां अपने-अपने प्रदेश की प्राकश्तें थमां जन्म लैने आहलिये अपभ्रंशें अर्थात् स्थानी अपभ्रंशें थमां विकसित होई दियां न । जित्थूं तगर अपभ्रंश भाशाएं दे भेदें प्रकारें दा सरबन्ध ऐ इन्दे बक्ख-बक्ख भेद गनाए दे न पर मध्यकाल दिये आर्य भाशाएं उप्पर कम्म करने आहले भाशा-विज्ञानिये अपभ्रंशें दे — शौरसेनी, अर्द्धमागधी, मागधी, महाराष्ट्री, कैकय ते ब्राह्म-मुख्य छे भेद मन्ने दे न ते इ’नें छें चा गै आधुनिक भारतीय आर्य भाशाएं दा विकास होए दा ऐ । डोगरी भाशा दी उत्पत्ति दा सरबन्ध की जे शौरसेनी प्राकृत कन्नै मन्नेआ गेआ ऐ इस करी इसदा अपभ्रंश शौरसेनी प्राकृत थमां विकसित शौरसेनी अपभ्रंश दा गै स्थानी रूप होई

સકદા એ । જિ'યાં પચ્છમી હિન્દી, ગુજરાતી, રાજસ્થાની, પ્હાડી આદિ હોર દૂઝયેં ભાશાં — જિ'ન્દી ઉત્પત્તિ શૌરસેની પ્રાકશ્ત થમાં મન્ની જંદી એ, ઉન્દે બારે ચ બી શૌરસેની પ્રાકૃત થમાં લેઝયે આધુનિક રૂપ તગર પુજ્જને દે મઝાટે દી કઢી ગી મેલને આહલી અપભ્રંશ ગી શૌરસેની અપભ્રંશ ગૈ મન્નેઆ ગેઆ એ ।

ઇસ ચાલ્લી ડોગરી ભાશા દે સિલસલેવાર વિકાસ ઉપ્પર નજરસાની કરને પરૈન્ત એહ સ્પશ્ટ હોઈ જંદા એ જે વૈદિક તે લૌકિક સંસ્કૃત જિ'નેંગી પ્રાચીન ભારતીય આર્ય ભાશા ગલાયા જંદા એ ડં'દે કન્ને જન્મ સાક રક્ષને આહલી ડોગરી ભાશા મધ્યયુગ ચ શૌરસેની પ્રાકૃત તે પ્હી શૌરસેની અપભ્રંશ દે સ્થાની રૂપ દિયેં પઢાં પર બૌહન્દે-બસોંદે હોઈ ઈ. સન્ દી જાહરમી સદી ચ અપને ઇસ આધુનિક રૂપા ચ આની પુજ્જી ।

13.4 સારાંશ

ઇસ પાઠ ગી પઢિયેં વિદ્યાર્થીયેં ગી ભાશા બારે તે ડોગરી ભાશા બારે જાનકારી હાસલ હોઈ સકગ। ભાશા ઓહ હોંદી જિસ રાહેં અસ ઇક-દુએ ગી અપની ગલ્લ સમઝાઈ સકનેં આં તે ઉસદી ગલ્લ સમઝી સકને આં ભાશા ગૈ અસેંગી ઇક-દુએ કન્ને જોડી એ। સાઢે ઇક્કલે ભારત મુલ્ખ ચ ગૈ દિક્ષો, જિ'ન્ને પ્રદેસ તે ડન્નિયાં ભાશાં ન। ઇસ કરી ઇન્ની-મતિયાં ભાશાં દિક્ષિયેં ટ્રાતોલા જાગદા એ જે ક્યા એહ સબ્બે બક્ષો-બક્ષો ન જાં ઇન્દા આપૂં ચ ઇક-દુએ કન્ને કોઈ રિશ્તા એ। ઇસ પાઠ ચ વિદ્યાર્થીયેં ગી ડોગરી ભાશા દે જન્મ તે વિકાસ બારે બી સરોખઢ જાનકારી હાસલ હોઈ સકગ।

13.5 કઠિન શબ્દ

(1) ક્રોહ (2) તસીર (3) સુઆદ (4) છિંડા (5) ટ્રાતોલા (6) પુરખેં (7) વૈદિક (8) જન

13.6 અભ્યાસ આસ્તૈ સોઆલ :

(1) ડોગરી ભાશા દા રમ્મ તે વિકાસ ઉપ્પર લેખ લિખો।

.....

.....
.....
.....
.....

(2) डोगरी भाशा दा जन्म ते विकास बारे लेख लिखो।

.....
.....
.....
.....
.....

13.7 सहायक पुस्तकां :

- (1) डोगरी व्याकरण : सम्पादक (डॉ. वीणा गुप्ता)
- (2) डोगरी निकास ते विकास : डॉ. बालकृष्ण शास्त्री
- (3) भाशा विज्ञान ते डोगरी : डॉ. चम्पा शर्मा (सम्पादक)

डॉ. वीणा गुप्ता (सैह-सम्पादक)

MASTERS DEGREE PROGRAMME

C. NO. 103

UNIT – 5

SEMESTER - I

LESSON - 14

डोगरी लिपि विकास ते हास

14.0 रूपरेखा

14.1 उद्देश्य

14.2 पाठ-परिचे

14.3 पाठ-प्रक्रिया

14.4 सारांश

14.5 कठिन शब्द

14.6 अभ्यास आस्तै सोआल

14.7 सहायक पुस्तकां

14.1 उद्देश्य

इस पाठ गी पढ़िये विद्यार्थियों गी डोगरी लिपि दे उसदे विकास ते हास बारे सरोखड़ जानकारी हासल होई सकग।

14.2 पाठ-परिचे

इस पाठ गी पढ़िये विद्यार्थियों गी डोगरी दा जन्म उसदे विकास ते हास बारे सरोखड़ जानकारी हासल होई सकग।

14.3 पाठ-प्रक्रिया

डोगरी लिपि विकास ते हास

(1) परिचे

- (2) डोगरी लिपि दा विकास
- (3) परानी डोगरी लिपि
- (4) डोगरी लिपि दा सनैहरी युग
- (5) डोगरी लिपि दा हास

1 4.3.1 परिचे

माहनु बचार-प्रधान प्राणी ऐ ते बचारें गी प्रगट करने दा उत्तम साधन भाशा ऐ। मते चिरा तगर जदूं के मनुक्खी समाज ने तरक्की दियां मंजलां तैह नेई हियां कीती दियां एह बचार-अभिव्यक्ति सिर्फ बोलियै गै होंदी ही, जिस कारण अभिव्यक्ति दा एह दायरा बड़ा सीमत जन हा, दूर-पार कुसै तगर गल्ल नेई ही पुज्जी सकदी ते उ'आं बी इस अभिव्यक्ति दा वजूद बी खिनभर गै रौहदा हा, जिन्ने तगर गल्ल जीहबा पर रौहदी ही। पर सभ्यता दे बकास दे कन्नै-कन्नै बचारें गी स्थायी रूप देने ते दूर-पार बी पजाने दी तांहग जागी पेई। फलसरूप भाशा गी लिखत रूप देने दी पिरत बी चली पेई। इस चाल्ली लिखत रूपा ने भाशा गी देशकाल दियें हद्दे चा मुक्त करी दित्ता ते उसदे खिन भर आहले वजूद गी चिर टकाऊ रूपै च बदली दित्ता। हून अस अपने भावें-वचारें गी कलमबद्ध करियै देश-देशांतरे तगर भेजी सकने आं ते प्रकाशत जां लिखत रूपा च युगें-युगें तगर सम्हाली सकने आं। इस चाल्ली भाशा विशेष गी लिखत रूप देने आस्तै जि'नै ध्वनि जां अक्खर-चि'न्नै दा प्रयोग कीता जंदा ऐ उ'नैगी उस भाशा दी 'लिपि' गलाया जंदा ऐ।

जित्थूं तगर लिपि दे बकास दा सुआल ऐ, इतिहासक तत्थ आखदे न जे लिपि दे बकास दियां मुख्र त्रै पड़ां रेहियां न — 1. चित्तर लिपि 2. भाव लिपि ते 3. ध्वनि लिपि।

चित्तर लिपि च कुसै बी चीजा गी चित्तर बनाइयै अभिव्यक्त कीता जंदा रेहा। भाव लिपि च चित्तर लिपि ने गै संक्षिप्त रूप धारेआ ते आडियें ते खड़ियें लकीरें दी मदद कन्नै भाव प्रगट होन लगी पे, ते पही बाद च ध्वनि लिपि बजूद च आई, जेहड़ी के सारें शा बड़्डी उपलब्धि ऐ। इस च चित्तर ते भाव दौनें दी सत्तह कशा उप्पर उट्टियै ध्वनि गी लिखने दी समर्था दा बकास लभदा ऐ।

संसार भरै दियें लिपियें चा कु'न केहड़ी लिपि सारें कशा परानी ऐ इस बारै

विद्वानें च खासे मत भेद न पर जित्थूं तगर भारतवर्ष च बरतोने आहली प्राचीनतम लिपि दा सरबन्ध ऐ, उस बारै लिपि-शास्त्रियें दा गलाना ऐ जे प्राचीन समें च भारत च दो लिपियां प्रचलत हियां । 1. ब्राह्मी लिपि ते 2. खरोष्ठी लिपि । इत्थै साढ़ा मकसद डोगरी लिपि (डोगरा अक्खर) दे जन्म ते बकास दी मुख्तसर जनेही जानकारी देना ऐ ते खरोष्ठी लिपि की जे सज्जे दा खब्बे पासे गी लिखी जंदी ऐ, दूआ , इस च ह्रस्व ते दीर्घ स्वरें दा भेद नेई ते नां गै इस च संयुक्त अक्खर लिखने दी गै सुवधा ऐ इसकरी डोगरी लिपि कन्नै इसदा कोई सरोकार नेई लभदा । उ'आं बी एह लिपि विदेशी लिपि ही जेहड़ी किश राजनैतक कारणें करी पंजाब तगर प्रचलत होई गेई ते जनसधारण आस्तै सौखा समझियै अशोक ने अपने किश अभिलेखें च इसदा प्रयोग बी करोआया पर एह लिपि भारती लिपि नेई आखी जाई सकदी । इस करी इत्थै खरोष्ठी दी चर्चा करने दी लोड़ नेई ।

इस चाल्ली भारत च बरतोने आहली इकमात्तर प्राचीन लिपि 'ब्राह्मी लिपि' गै ऐ ।

14.3.2 डोगरी लिपि दा विकास

भारत च वर्तमान समें च बरतोआ करदियें सभनें लिपियें दा विकास इस प्राचीन 'ब्राह्मी' लिपि थमां गै होए दा ऐ । पं. गौरीशंकर हीराचन्द ओझा हुंदे मुजब ई. पूर्व 500 दे आले-दुआले कशा ई. सन् 350 तगर दियां समूलचे भारत दियां लिपियां ब्राह्मी नांऽ कन्नै गै जानियां जंदियां हियां, ब ई. सन् 350 दे बाद एह लिपि द'ऊं शैलियें च विकसत होई — उत्तरी शैली ते दक्खनी शैली च । उत्तरी शैली दा विस्तार आम तौरा पर विंध्याचल पर्वत दे उत्तरी इलाकें च ते दक्खनी शैली दा विस्तार विंध्याचल दे दक्खनी इलाकें च होआ ।

डोगरी लिपि की जे विंध्याचल दे उत्तरी इलाके अर्थात् रियासत जम्मू-कश्मीर दे सूबा जम्मू (डुग्गर प्रदेश) च बोल्ली जाने आहली डोगरी भाशा दी लिपि ऐ इस करी इसदा विकास ब्राह्मी लिपि दी उत्तरी शैली थमां होना बड़ा कुदरती ऐ । पर, 350 ई. सन् दे बाद ब्राह्मी लिपि दी उत्तरी शैली ने विकास दियां होर केई मंजलां तैह कीतियां । जिसदे फलस्वरूप गुप्त लिपि, कुटिल लिपि, नागरी लिपि दे पही शारदा ते बंगला लिपियें दे रूपा च उत्तरी भारत दे बक्ख-बक्ख प्रदेशें च ब्राह्मी लिपि दी उत्तरी शाख बधी-फुल्ली ते प्रयोग च आई । इ'नें लिपियें दा मुख्तसर परिचे इस चाल्ली ऐ :-

- गुप्त लिपि —** इस लिपि का प्रचार ई. सन् दी चौथी ते पञ्चमी शताब्दी च होआ। गुप्तवंशी राजें दे समें दे लेखें च हिन्दोस्तान भर च इस लिपि का प्रचार होआ इस करिये इसगी ‘गुप्त लिपि’ आखेआ गेआ ।
- कुटिल लिपि —** एह लिपि गुप्त लिपि का निकली ते इसदा प्रचार ई. सन् दी छेमी शताब्दी थमां नौमी शताब्दी तगर रेहा ते फही इससे थमां नागरी ते शारदा लिपियां बी विकसित होइयां । इस लिपि दे अक्खरें ते खास करी स्वरें दियां मात्रां त्रेहडी (कुटिल) शक्ली दियां हियां इस करी इसदा नांऽ ‘कुटिल लिपि’ रक्खेआ गेआ ।
- नागरी लिपि —** उत्तरी इलाकें च इस लिपि का प्रचार ई. सन् दी नौमी सदी दे खीरा च लभदा ऐ जद् के दक्खनी इलाकें च एह लिपि अठमी सदी च गै उस्सरना शुरू होई पेई । दक्खन च इसगी ‘नंदि नागरी’ करी बी कुआलेआ जंदा ऐ। नागरी लिपि का गै कैथी, महाजनी, राजस्थानी (राजपुताने दी) ते गुजराती लिपियां विकसित होइयां न ।
- शारदा लिपि —** इस लिपि का प्रचार भारतवर्ष दे उत्तर-पच्छमी हिस्से अर्थात् कश्मीर ते पंजाब च होआ। ई. सन् दी अठमी सदी तगर पंजाब च कुटिल लिपि का प्रचार हा ते इसदे परैन्त इससे लिपि का शारदा लिपि निकली । हूनै तगर उपलब्ध लेखें का शारदा लिपि का सभनें थमां प्राचीन लेख सराहां (चम्बा) दी प्रशस्ति ऐ, जेहड़ी ई. सन् दी दसमी सदी दी मन्नी जंदी ऐ । इस लिपि का गै मौजूदा कश्मीरी ते टाकरी लिपियां निकलियां । गुरुमुखी लिपि दे काफी सारे अक्खर बी इस लिपि कन्नै मिलदे न ।
- बंगला लिपि —** एह लिपि नागरी लिपि दी पूर्वी शाखा थमां दसमी सदी ई. दे लागे-दलागे निकली ही ते अज्जै-कल्लै दियें बंगला, मैथिली, उड़ियां लिपियें दे इलावा जाहरमी सदी दे बाद दी नेपाली लिपि बी इससे थमां उस्सरी-मठेई ।

हून सुआल एह पैदा होंदा ऐ जे डोगरी लिपि जिसदा जन्म ई. सन् दी दसमीं जाहरमीं सदी दे बाद मन्नेआ जंदा ऐ ते लिखित प्रमाणें दे आधार उप्पर जिस च 1526ई. सन् दी पैहली लिखत उपलब्ध होंदी ऐ, 350 ई. दे बाद थमां लेइयै अपने मौजूदा रूप-सरूप च औने तगर ब्राह्मी लिपि दी उत्तरी शैली दियें लिपियें (गुप्त, कुटिल, नागरी, शारदा ते बंगला) चा कुस केहड़ी कन्नै सरबन्धत रेही ?

शारदा लिपि दा परिचे दिन्दे होई पं. गौरीशंकर हीराचंद ओझा होर लिखदे न “कश्मीर देश की अधिष्ठात्री देवी शारदा मानी जाती है, जिससे वह देश ‘शारदा देश’ या ‘शारदा मंडल’ कहलाता है और उसी पर से वहां की लिपि को शारदा कहते हैं । — मूल शारदा लिपि ई. सन् की दसवीं सदी के आसपास कुटिल लिपि से निकली और इसका प्रचार कश्मीर तथा पंजाब में रहा ।”¹

इस ब्यौरे थमां स्पष्ट होंदा ऐ जे कश्मीर ते पंजाब च बरतोने आहली शारदा लिपि (कुसै नां कुसै रूपा च) डुगगर च बी प्रचलत रेही होग । अगुगै चलियै श्री ओझा होर इब्बी लिखदे न “उसी में परिवर्तन होकर वर्तमान शारदा लिपि बनी जिसका प्रचार कश्मीर में अब बहुत कम रह गया है और उसका स्थान बहुधा नागरी, गुरमुखी या टाकरी ने लिया है ।”²

1. पं. गौरी शंकर हीरा चंद ओझा; भारतीय प्राचीन लिपिमाला; सफा - 129

2. उ'ऐ, उ'ऐ, उ'ऐ

इस चाल्ली दी दलील सिद्ध करदी ऐ जे शारदा लिपि दे बाद इस प्रदेश च टाकरी लिपि दा प्रचलन होआ ते श्री ओझा ने बी जम्मू दे इलाके च बरतोने आहली लिपि गी बशक्क टाकरी गै गलाए दा ऐ पर टाकरी लिपि दा परिचे दिन्दे होई उ'नें लिखे दा ऐ जे एह शारदा दा घसीट रूप ऐ की जे इसदे मते सारे अक्खर वर्तमान शारदा दे अक्खरें कन्नै मिलदे न । किश अक्खरें च जेहड़ा फर्क लभदा ऐ ओह खास करियै तौलबाजी ते चालू कलम (Running hand) च इक्कै बारी पूरे दा पूरा अक्खर लिखने करी गै होआ ऐ । इस च ‘ख’ दे थाहर ‘ष’ लखोंदा ऐ । जम्मू ते पंजाब दे सारे उत्तरी पहाड़ी प्रदेश च इसदा प्रचार ऐ ते एह बक्ख-बक्ख इलाकें च थोहैंडे-मते फर्क-भेद कन्नै लखोंदी-बरतोंदी ऐ । जेहड़ी जम्मू दे इलाके च बरतोंदी ऐ उसगी

1. पं. गौरी शंकर हीरा चंद ओझा; भारतीय प्राचीन लिपिमाला; सफा - 130

2. बंसीलाल गुप्ता; डोगरी भाषा और व्याकरण; सफा - 25

‘डोगरी’ आखदे न ते जेहड़ी चम्बा दे इलाके च बरतोंदी ऐ उसगी ‘चमिआली’ आखदे न ।¹

इस चाल्ली “डोगरी लिपि टाकरी लिपि दा गै इक रूप ऐ” एह मत डोगरी लिपि दे विकास दी नशानदेही करदा ऐ ।

14.3.3 परानी डोगरी लिपि

भारत च लिपि विकास दे इस ब्यौरे पर गौर करने परैन्त एह गल्ल स्पष्ट होई जंदी ऐ जे डुग्गर देसै दी अपनी लिपि ही जिसदी वर्णमाला ईसा दी दसमी-जाहर्मी शताब्दी तगर निश्चत होई चुकी ही । इस गल्ला दे प्रमाण कुल्लु ते चम्बा दे ताम्रपत्रें थमां मिलदे न । इस प्रदेश च केई लिपियां प्रचलत हियां जि’यां चमेआली, मंडेआली, लण्डे, किशतवाड़ी, सिरमौरी, कुलुई आदि, जेहड़ियां टाकरी लिपियां खुआंदियां न । उ’आं मुख्ख दो गै लिपियां ‘लण्डे’ ते ‘चम्बा-टाकरी’ मतियां चलदियां हियां ।²

1. शुरु-शुरु दी डोगरी लिपि, जिसगी –पराने डोगरे’ करी जानेआ जंदा ऐ, उस च स्वरें दियां मात्रां नेई हियां बरतोंदियां । जेकर ‘ममीरा’ शब्द लिखना होंदा हा तां ‘ममइरअ’ लिखेआ जंदा । ‘गेदा’ शब्द लिखना होंदा हा तां ‘गएदअ’ लिखेआ जंदा ।

2. वर्ण शब्दें दे शुरु, मझाटै ते खीरा च इक्कै जनेह लखोंदे हे । इज्जत शब्द दी ‘इ’ ते जित्त शब्द दी ‘(इ)’ दा रूप इक्कै रौहदा हा । जि’यां — ‘इज्जत’ ते ‘जइत्त’ रूपें च । इ’यां गै उसदा ‘उ’ ते साधु दा ‘ु’ (उ) बी हर थाहर इक्कै जनेहा होंदा । जि’यां — ‘उसदअ’ ते ‘सअधउ’ रूपें च । अर्थात् इ, उ आदि स्वर शब्द दे शुरु, मझाटै ते खीरा च इक्कै-जनेह लखोंदे हे ।

3. स्वर छुट्टे (Short) गै हे उन्दे दीर्घ प्रयोग च अगगें दो बिन्दियां — जि’यां — 6 (इ) ते 6 : (ई) च न — लाइयां जंदियां हियां ।

4. अनुनासिकता आस्तै परानी डोगरी च (~) चि’न्न बरतोंदा हा । जि’यां — ‘मंगना’ (मंगना) च ।

इस लिपि च ज ते य, ब ते व, श ते छ आस्तै इक-इक चि’न्न ऐ । इसदा प्रमुख कारण एह ऐ जे डोगरी भाशा च इ’नें ध्वनियें च अर्थ-भेद दी समर्था नेई दे बरोबर ऐ ।

इस 'डोगरा अक्खर' लिपि च कोई प्राचीन साहित्य-रचना जां लिखत उपलब्ध नैई होई सकी । सारें कोला परानी लिखत जिसदा पिच्छें बी जिकर कीता गेआ ऐ ओह बसोहली तसीला च म्हानपुर नगगरै दे प्राचीन जगदम्बा मंदरै दा इक शिलालेख ऐ, जेहड़ा ई. सन् 1526 दा ऐ । इसदे बाद दे समें दे असेंगी सरकारी ते इतहासक चिट्ठियां ते दस्तावेज मिलदे न, जि'न्दी लिपि डोगरी जां चम्बा-टाकरी आखी सकने आं । एह सब इतहासक लिखतां चम्बा दे अजैबघरै च मजूद न ते इन्दा तफसीली ब्यौरा चम्बा दे इस अजैबघरै दे कैटालाग च दर्ज ऐ । एह कैटालाग डॉ. J.Ph. Vogel होरें तयार कीता हा ते 1701 ई. च इसगी छापेआ हा । इस ब्यौरे थमां अब्दाजा लाया जाई सकदा ऐ जे सोहलमी-सताहरमी सदी ई. च डोगरी, चम्बाली, भाशां ते इन्दियां मकामी लिपियां आम प्रयोग च हियां । जेकर सरकारी तौरा पर खतोखताबत आरतै इन्दी बरतून खु'ल्लियै होआ करदी ही तां पही जन सधारण च ते पक्क गै इ'नें लिपियें अपना पूरा प्रचार ते प्रसार बनाई लैते दा हा ।

14.3.4 डोगरी लिपि दा सनैहरी युग

डोगरी लिपि दे विकास-बाद्धे ते प्रयोग दा सनैहरी युग महाराजा रणबीर सिंह दा राजकाल मन्नेआ जंदा ऐ । महाराजा होरें रियासती उपपर ई सन् 1857 कशा 1885 ई. तगर राज कीता ते अपने राजकाल दे 28एं ब'रें दे लौहके जनेह अरसे च डोगरी भाशा ते खास करियै "डोगरा हरुफ" यानि लिपि बक्खी चेचा ध्यान दिता । परानी "डोगरा अक्खर" लिपि च की जे स्वरें दियां मात्रां नैई हियां ते नां गै दीर्घ स्वरें आस्तै कोई लिपि चिन्न गै मजूद हे इसकरी उ'नें इस लिपि च जि'नें वर्णें ते मात्राएं दी कमी ही उ'नें वर्णें ते मात्राएं गी हिन्दी भाशा दे सादृश्य उपपर ग्रहण करदे होई लिपि गी इक पूर्ण लिपि बनाने दा सराहनेजोग कम्म कीता । इस बारै बी श्री काहनसिंह बलौरिया ने बड़े स्पष्ट अक्खरें च 'तारीख राजगान जम्मू-व-कश्मीर'

-
1. काहनसहि बलौरिया; तारीख राजगान जम्मू व कश्मीर च सफा - 34
 2. "गो तमाम दफतर और सरकारी अहकाम बहीखाता और प्राइवेट सरकारी खत व किताबत ता अहद महाराजा गुलाबसिंह साहब ब हरुफ डोगरा होती थी । इल्ला इस इल्म में कोई किताब नहीं लिखी गई । अमूमन पुस्तकें संस्कृत में (या) नागरी जबान (हिन्दी) में लिखी जाती थीं ।" — काहनसहि बलौरिया; तारीख राजगान जम्मू व कश्मीर च सफा - 34

नांऽ दी पोथी च गलाए दा ऐ — “महाराजा रणबीर सिंह ने डोगरा इल्म को ज्यादा फरोग देना चाहा । चूँके डोगरा हरुफ में ज़ेर-ज़बर नहीं होता था इसलिए महाराजा साहब मौसूफ ने एक नया डोगरा इल्म जारी किया जिन हारुफ की कमी थी वो हरुफ भाशा (यानी हिन्दी) से लिए गए और इसको एक जाम्या इल्म बनाया गया और इसी इल्म का प्रचार कराया ।”¹

इस चाल्ली महाराजा रणवीर सिंह ने इस परानी डोगरी लिपि च सुधार करियै इसगी इक सपूरी लिपि दा रूप दित्ता ते कन्नै गै इसदे प्रचार ते प्रसार आस्तै छड़े यत्न गै नेई कीते बल्के हुकम जारी कीते जे सरकार गी जेहड़ी कोई दरखास्त बी दित्ती जा ओह इस नर्मी संशोधन कीती दी डोगरी लिपि च दित्ती जा । उ’नें इ’ब्बी हुकम दित्ता जे जेहड़ा कोई मलाजम “डोगरा इल्म” यानि डोगरी लिपि नेई जानदा होग उसदी तन्खाह चा दस रपेआ फीसदी कटौती कीती जाहग । इस नर्मी सधार कीती दी लिपि गी ‘नमें डोगरे’ आखेआ जान लगा ते पैहले आहली गी ‘पराने डोगरे’ ।²

महाराजा रणवीर सिंह होरें ‘नमें डोगरे’ लिपि दे प्रचार-प्रसार दी द्रिश्टी कन्नै इसदी बरतून सिर्फ डोगरी भाशा लेई गै सीमत नेई रखी बल्के उर्दू, पंजाबी, संस्कृत, हिन्दी आदि भाशाएं आस्तै बी इस लिपि गी बरतून च आहदा । इ’नें भाशाएं दियां डोगरी लिपि च लखोई दियां किश पुस्तकां पाण्डुलिपियां श्री रणवीर संस्कृत अनुसंधान पुस्तकालय च सुरक्षित न ते किश पोस्ट ग्रैजुएट डोगरी विभाग दी लायब्रेरी च न ।

इ’नें पाण्डुलिपियें दा मुख्तसर ब्यौरा इस चाल्ली ऐ :-

(क)	धनञ्जय नाटक	(संस्कृत नाटक दा हिन्दी अनुवाद ते व्याख्या)
(ख)	धातु रूपावली	(संस्कृत धातुएं दा ब्यौरा)
(ग)	बाल्मीकी रामायण दा बालकांड	(संस्कृत भाशा च)
(घ)	मस्केटरी रेगुलेशन	(हिन्दी भाशा च)
(ङ)	श्री रणबीर चिकित्सा सुधासार	(डोगरीनुमां हिन्दी च)

(च)	वर्णमाला	(देवनागरी दी)
(छ)	व्यवहार गीता	(डोगरीनुमा हिन्दी च)
(ज)	तुजके जहांगीरी	(बाहरें प्रकरणें दा ग्रन्थ, भाशा पंजाबी, सफे 249)
(झ)	रोज़ातुल सफ़ा	(भाशा पंजाबी, सफे 522)
(ञ)	रोज़ातुल सफ़ा	(भाशा पंजाबी, सफे 760)
(ट)	रोज़ातुल सफ़ा	(भाशा पंजाबी, सफे 726)
(ठ)	रोज़ातुल सफ़ां ते हिस्ट्री आफ पंजाब	(भाशा पंजाबी, सफे 718)
(ड)	शाहनामा शमशेरखानी	(भाशा पंजाबी, सफे 451)
(ढ)	तुहफत-उल इस्लाम	(भाशा पंजाबी, सफे 126)
(ण)	हिस्ट्री आफ पंजाब	(भाशा पंजाबी, सफे 222)
(त)	दबिस्तानी मज़ाहिब	(भाशा पंजाबी, सफे 242)
(थ)	बुक ऑन हिस्ट्री	(भाशा पंजाबी, सफे 304)
(द)	तारीख-ए-हिमाचुं	(भाशा फ़ारसी मिश्रित पंजाबी, सफे 94)

14.3.5 डोगरी लिपि दा ह्रास

पर मन्दे भाग इस लिपि दे जे इन्ना प्रोत्साहन थोने पर बी प्रयोग च अपना थाहर नेई बनाई सकी । फलसरूप सन् 1884 ई. च महाराजा ने इक हुकम जारी करिये सरकारी मलाजमें लेई इस लिपि दी जानकारी गी लाजमी करार दिता । इस बारै इक इशितहार कइदेआ गेआ जिस च आखे दा हा जे हर कुसै सरकारी मलाजम गी ‘व्यवहार गीता’ पोथी पढ़िये उसगी अमल च आहनना लोड़दा ऐ ते जेल्लै तगर ‘व्यवहार गीता’ शैल चाल्ली पढ़िये चेतै नेई होग तदूं तगर उब्दी तन्खाही चा हर दस्सें रपेऽ पिच्छं इक रपेआ कट्टेआ जाग ते जिस रोज तुस व्यवहार गीता पढ़ने च पूरे उतरी गे तां तुब्दी तन्खाही चा अगें आस्तै एह कटौती नेई होग ।

ब, एह हुक्म महाराजा दे शासन दे खीरी चरण च होआ जिस करी इस पर अमल होने दी संभावना घट्ट गै लभदी ऐ। दूआ, आम लोक परानी चलदी आवा दी लिपि च गै लिखदे रेह नमी लिपि दे बारे च उ'ने कोई मोह बी नेई रखेआ इस करी लिपि-प्रयोग च कोई प्रसार नेई होई सकेआ। इ'यै कारण ऐ जे महाराजा दे राजकाल दियां उपलब्ध होने आहलियां चिट्ठियां, नींदरे, बेही-खाते, एग्रीमेंट वगैरा जेहड़े अज्ज तगर उपलब्ध होई सके न सब पराने डोगरें च न। सन् 1885 ई. च महाराजा दा सुर्गवास होई गेआ ते उसदे कन्नै गै इस लिपि दे प्रयोग दा न्हेरा पक्ख बी लग्गी पेआ ते डोगरा अक्खर दा थाहर उर्दू ने लेई लैता।

14.4 सारांश

इस पाठ गी पढ़ियै विद्यार्थियों गी डोगरी लिपि बारे जानकारी हासल होई सकग। इसदे लावा डोगरी लिपि दा जन्म विकास परानी डोगरी लिपि डोगरी लिपि दा सनैहरी युग ते डोगरी लिपि दा हास बारे जानकारी हासल करी सकडन।

14.5 कठिन शब्द

(1) खिनभर (2) सभ्यता (3) टकाऊ (4) मुख्तसर (6) विध्यांचल (7) अक्खर (8) प्रमाण

14.6 अभ्यास आस्तै सोआल

(1) डोगरी लिपि दे विकास बारे लेख लिखो।

.....

.....

.....

.....

.....

(2) परानी डोगरी लिपि बारे दस्सो।

.....

.....

.....

.....

.....

14.7 सहायक पुस्तकां

(1) डोगरी व्याकरण : सम्पादक (डॉ. वीणा गुप्ता)

MASTERS DEGREE PROGRAMME

C. NO. 103

UNIT – 5

SEMESTER - I

LESSON - 15

डोगरी भाशा दा डोगरी अक्खर (नमें डोगरे) ते फारसी लिपियें च प्रयोग

15.0 रूपरेखा

15.1 उद्देश्य

15.2 पाठ-परिचे

15.3 पाठ-प्रक्रिया

15.4 सारांश

15.5 कठिन शब्द

15.6 अभ्यास आस्तै सोआल

15.7 सहायक पुस्तकां

15.1 उद्देश्य

इस पाठ गी पढ़िये विद्यार्थियों गी डोगरी भाशा दा डोगरी अक्खर (नमें डोगरे) ते फारसी लिपियें च प्रयोग बारे सरोखड़ जानकारी हासल होई सकग।

15.2 पाठ-परिचे

इस पाठ गी पढ़िये विद्यार्थियों गी डोगरी भाशा दा डोगरे अक्खर (नमें डोगरे) ते फारसी लिपियें दे प्रयोग बारे अवगत कराना ऐ।

15.3 पाठ-प्रक्रिया :

(1) डोगरा अक्खर (नमें डोगरें) दी वर्णमाला

- ਨਮੇਂ ਡੋਗਰੇਂ ਸਰੂਪ ਇਸ ਚਾਲੀ ਏ -

नमैं डोगरे दी इस वर्णमाला च उप्पर देवनागरी वर्ण न ते खल्ल डोगरी लिपि च।

इस संशोधन डोगरी लिपि च रची गेदी साहित्य-रचना दा इक नमूना इस चाल्ली ऐ-

५७९

ॐ नमो भगवते वासुदेवाय

ॐ गणेशाय नमः

अथ रणवीर चिकित्सा सुधासार

सिद्धार्थ ॥

श्री लम्बोदर ध्याता कर शिव गौरी सात साज

तांके चरछा परणाम कर वरुणों वैद्य

सुराज ॥१॥ श्री श्री मुक्त दीप्त रविराम

चंद्र रणधीर महा राज रणशूर रघुकुल

ਸੋ ਬਹਿ ਵੀਰ॥੨॥ ਤਿਹਿ ਆਜਾ ਕੁਧਿ ਘੀਨ ਮਨ

रामे इदाइ पुरवर गर धावण गुरार
ले रामे नगरम मार ककष ग्रंथन अदि

सुदामा गरुड अति मरु ॥३॥


सर्वलोक आरंभ मति सार ॥२॥

15.3.3 डोगरी भाशा दा ते फारसी लिपि

फारसी लिपि दा सरबन्ध खरोष्ठी लिपि कन्नै ऐ, जिसदी बरतून अखण्ड भारत दे उत्तर-पच्छिम यानि पंजाब दे इलाके च होंदी रेही । दरअसल एह इलाका किश चिरा तगर ईरानिये दे कब्जे हेठ रेहा हा ते उन्दे सम्पर्क करी गै इस इलाके च खरोष्ठी लिपि दा प्रचलन बी होआ ।

इस लिपि दी टकोहद एह ऐ जे एह सज्जे पासे दा शुरू होइयै खब्बे पासे गी जंदी ऐ ।

इस दे वर्णे दी तदाद 37 ऐ ते फारसी दे वर्ण बी 37 गै न —



इस लिपि च स्वरे दिये मात्राएं च लम्मे ते छुटे दा कोई फर्क-भेद नेई । जेर, जबर, ते पेश त्रै गै हरकतां न, जि'न्दे कशा स्वर-ध्वनिये (मात्राएं) दा कम्म लैता जंदा ऐ ।

संयुक्त अक्खर लिखने दी सुवधा इस लिपि च नेई है, साकिन (ٲ) जां तशदीद(w) दौं चि'न्न अक्खर गी स्वरहीन जां दुत्त करने आस्तै बरतौंदे न ।

इस डुग्गर भू-भाग च उर्दू भाशा ते फारसी लिपि दा म्हत्तवपूर्ण थाहर रेहा ऐ । इत्थूं तगर जे महाराजा रणवीर सिंह दे सुर्गवास दे बाद ते डोगरी भाशा दे थाहर उर्दू भाशा ने लेई लैता ते जाहिर ऐ जे फारसी लिपि गी इत्थै खासा प्रोत्साहन थोआ होना ऐ ।

इसदा इक कारण इ'ब्बी ऐ जे रियासत जम्मू कश्मीर दा जम्मू सूबा पंजाब दा इकदम गोआंढी इलाका ऐ ते इस करियै एह गल्ल बड़ी कुदरती ऐ जे पंजाब उप्पर इरानिये दी क्हुमत दारान होने आह्ला अरबी ते फारसी दा असर इत्थै मुल्खा दे बाकी हिस्से कशा मता तौले ते मती तेजी कन्नै होआ होग । दूआ, अबादी दे

लिहाज कन्नै बी, इत्यै मुसलमान अबादी काफ़ी ऐ ते रियासत इक धर्मनिरपक्व संस्कृति दी रियासत ऐ, इस करियै बी इत्यै उर्दू भाशा दे कन्नै-कन्नै फारसी लिपि दा बी काफ़ी ग़लबा रेहा । फलसरूप अज्ज बी इस भाशा गी रियासत जम्मू कश्मीर दी सरकारी भाशा खोआने दा मान हासल ऐ ।

डोगरी भाशा दे लेखन आस्तै फारसी लिपि दा प्रयोग बी किश हद्दा तगर होआ ऐ। जगदियां जोतां (वेद राही), झुनक (परमानंद अलमस्त) बगैरा इक्के-दुक्के साहित्यिक प्रयास बी इस लिपि च मिलदे न। राजौरी-पुन्ठ जां फही किश्तवाड़, डोडा, रामबन आदि थाहरें दे बसनीक फारसी लिपि कन्नै मते वाकफ न । इस करी डोगरी भाशा दियें ध्वनियें दी लिखत अभिव्यक्ति आस्तै एह लिपि किन्ना साथ देई सकदी ऐ इस बारै गौर करना बी जरूरी ऐ।

डोगरी दियां स्वर ते व्यञ्जन ध्वनियां फारसी लिपि दे चि'न्नै राहें इस चाल्ली व्यक्त कीतियां जाई सकदियां न :-

स्वर ध्वनियां

अ

। (सिर्फ शुरु च)

आ

آ (सिर्फ शुरु च औंदा ऐ, मझाटै ते खीरा च آ (आ) दी मात्रा "।" (अलिफ) नै लगदी ऐ।)

इ

ا (शुरु च), , (मझाटै) खीरा च 'इ' ध्वनि नैई बलोंदी-बरतोंदी।

ई

۱ (शब्दान्त चं), ۲ (मझाटै) शब्द दे शुरु च नां ۱ औंदा ऐ ते नां ۲ ईद बगैरा 'ई' कन्नै शुरु होने आहले शब्दें दे शुरु च कोई होर ध्वनि औंदी ऐ ते फही ۳ जि'यां ۴ (ईद) च।

उ

۵ (शुरु च), मझाटै ते खीरा च हरफै दे उप्पर ۶ जि'यां ۷ च।

ऊ

۸ (शुरु च), ۹ मझाटै ते खीरा च, जि'यां ۱० ।

ए — (शब्दान्त च), — (मझाटै) ते ا (शुरू च) जि'यां اِک (एक) च
 ऐ — (शब्दान्त च), — (मझाटै) ते اِ (शुरू च) जि'यां اِی (ऐसी) च।
 ओ او (शुरू च), و (मझाटै ते शब्दान्त च)
 औ او (शुरू च), و (मझाटै ते शब्दान्त च)

व्यञ्जन ध्वनियां

क	ख	ग	ङ
چ	خ	گ	ج
ट	ٹ	ड	ڊ
थ	ت	द	د
प	پ	ब	ب
य	ر	ल	ل
श	س	ह	ه

एह न डोगरी दियां ठाई व्यञ्जन ध्वनियां। पर की जे देवनागरी दे च, झ, द, ध, भ, ते दू ध्वनि-चि'न्न डोगरी भाशा दी वर्तनी च बख्ख-बक्ख परिवेशें च बक्ख-बक्ख चाल्ली दियें सुरें दी अभिव्यक्ति लेई बरते जंदे न, इस करी इ'नें लिपि-चि'नें दे सादृश्य उपपर इत्थै बी क्रमशः

कनै दुचश्म 'हे' (ه) दा योग करियै इ'नें लिपि-चि'नें दी अभिव्यक्ति कीती जाई सकदी ऐ। जि'यां :-

घ	झ	ढ	ढ	ध	भ
گھ	جھ	ڊھ	ڊھ	دھ	بھ

उर्दू-फारसी ते अंग्रेजी दे जानकार डोगरी भाशी डोगरी च आगत इ'नें भाशाएं द शब्दें दा उच्चारण करदे बेल्लै इ'नें भाशाएं दियें क ख ग फ ज आदि ध्वनियें दा उच्चारण बी करदे न, इसकरी इ'नें ध्वनियें दी अभिव्यक्ति आस्तै फारसी दे लिपि-चि'नें इस चाल्ली न-

क़	ख़	ग़	फ़	ज़
ق	خ	غ	ف	ز

इसदे इलावा शब्द दे खीरा च "न" ध्वनि जि'यां फौरन, तकरीबन, आदि शब्दें च बरतोंदी ऐ उस गितै (ن) चि'न्न बरतोंदा ऐ। जि'यां :- फौरन (فورا) तकरीबन (تقریباً) आदि च।

नासिक्य व्यञ्जनें ङ, ज, ण, गितै फ़ारसी लिपि च कोई चि'न्न नेई लभदा। इसकरी 'न' ध्वनि दा वाचक ن लिपि-चि'न्न गै इन्दे थाहर बी बरतोंदा ऐ।

اک چھڑا اکلا جمات کرامات لے

اک نیوں بڑا، بڑی جیات لے
اک چھڑا اکلا جمات کرامات لے

اکے بکڑے بچ بچٹ کھٹ دودھا
کیتا جتا ہے کوئی جیائیں کئے سودھا
جیائیں دست پیار بر چلیا داتاج لے
کھنڈے جو جاتی گوالا بے سراسل لے

تاریں پچھے چن اے تان چنے پچھے تارے
ساریں کئے اک اے تان اک کئے تارے
اوتیں دی متے نیں، تے اپنی ساندھا جا
اوتیں دی سنے نیں، اپنی ساندھا جا
جیتا بھی بھونڈو سہتی بن جندی لاٹ لے
اے سدا سادا ڈکٹیڑی دا گھاٹ لے

جیتا دا فیصلہ اے آکھا بھگوان دا
سپتا جیتا اے جہڑا دے لے، اسی جہانتا

اصل جہوری ساتھی ایسے دستور لے
ایسے گولا آگے بچے بٹا قصور لے
جیتا دے قبیلے دا کردا جگہات لے
اودے کیتے کئے کوئی رونا طایت لے

ہند کشمیرا داتے اودی کشمیرا
کشمیرا بچ کھنڈ جیاں کھنڈا بچ کھیرا
جیتا دا فیصلہ اے، پتھر ککیرا آے
ایسے پہلے کیتا، ایسے کرنا ککیرا
جہڑا اسیں کیتا اے پورا الحاق لے
بھوئی سامراجیں گی اے بی جلی مات لے

اک نیوں بڑا بڑی جیات لے
اک چھڑا اکلا، جمات کرامات لے

15.4 सारांश

इस पाठ जी पढ़िये विद्यार्थियों जी डोगरा अक्षर यानि नमें डोगरे अक्षरों दी वर्णमाला डोगरी भाषा दा नमें डोगरें च लेखन ते डोगरी भाषा दा ते फारसी लिपि दी बरतून बारै सरोखड़ जानकारी कराना ऐ।

15.5 कठिन शब्द

(1) फारसी (2) स्वर (3) टकोहद (4) वर्णमाला (5) स्वर (6) व्यंजन

15.6 अभ्यास आस्तै सोआल :

(1) नमें डोगरा अक्षरों दी वर्णमाला लिखो।

.....

.....

.....

.....

.....

(2) डोगरी भाषा ते फारसी लिपि दे सरबंघ बारै लेख लिखो।

.....

.....

.....

.....

.....

15.7 सहायक पुस्तकां :

(1) डोगरी व्याकरण : डॉ. वीणा गुप्ता सम्पादक